


Ka Jingkwah U Kpa

**Da
U W. Fiewsoh**

1998



Third Impression

Published & Distributed by M/s. Khasi Book Stall

Room No. 35 Synod Super Market

Mawkhar Main Road Shillong 793002

CHECKED

La shon ha Scorpio Printing Press

Mawkhar Main Road Shillong
Date Total Lib

Jingkdeu

LYNNONG

Pages

1	1 — 7
2	7 — 20
3	20 — 35
4	35 — 48
5	48 — 63
6	64 — 71
7	71 — 85
8	86 — 101
9	101 — 108
10	108 — 125
11	126 — 143
12	143 -- 182

KA JINGKYNMAW IEIT

*Kane ka Sien Shon kaba lai ka long
na ka bynta ka Jingkynmaw ieit bad kyn-
maw burom ia i Pa jong ngi, i (Late)
Mr. W. Tiewsoh ba la khlad noh na kane
ka pyrthei ha ka 19 tarik Kyllalyngkot,
1996.*

IA KA HOK LONGTRAI LA TYNGKAI

Da i Mrs. A. P. Synnah.

■ Ka sngi ka la jan sep. Katai ha sepngi ka shat khatduh ia la ka jingshai ha ki lum bad ha ki them shuwa ba kan lip noh bad ba kan ngam sha kiwei pat ki pyrthei. Kum ha kine ki por ka sngi ka ju sep ha ka por san baje ei ei hynrei ha u Sonny pat u i kumba ka la jlan than eh. U peit ia ka baje ha ka kti jong u bad marwei u thnum ha la mynsiem namar ba u ap ia ka por hynniew baje.

“Balei sha kane ka sngi kam sep shuh? Ka baje ruh i kumba hajuh shi hajuh. Sep noh pha sngi bad pha ruh baje balei pham iaid?”

U iaid beit sha ka iitkhmih. U peit ia la ka dur. U samla ha ka kyrdan ka burom u phuhsamrkhie bad ka iitkhmih ka phalang ia ka jingikhain jong ka jingphuhsamrkhie u khyraw uba la iapmat iano-re. Kaba dei. (U Sonny u don la ka dur ka dar bad ka rynieng ryniot kaba i hun, sa uto u shniuh bad fto i shyrneng iba beit thik na pyrshah khmat kadiang ki nang pynwandur shuh shuh ia ka rynieng jong u)

“Kano kano ruh kan jin da la iapmat,” u thnum ha la marwei ba la jur eh ka jingieit lade.

U phai na ka iit-khmih bad suki u jam sha ka dong jong ka jingthiah. U shong ha tduh jingthiah, suki u kynther ia ki slipar na ki kjat jong u kawei hadien kawei pat. U kyntiew ia ki kjat bad u pynjlih jai halor ka jain siangthiah ba khuid lieb phar bad ka khlieh jong u ka hap suki halor ka syngkhien khlieh kaba dang lah bujli.

Ka mynsiem ba kynjah marwei ka ksaid ha ka pyrthei ba iar, kumta u khadbrp ngain ia la ki khmat. Dei hangta ba ki paw ha u tyngkrein ki sngi ba la leit. Ka kmie u kpa, u para bad ka para shi iing kine ki ker sawdong ia u. U nonghikai uba u ieit tam eh ruh u paw ha u. Kine ki dei kiba u i.it eh. Mynba u dang shong skul, u rkhie pashar, u her, u ialehkai ryngkat bad ki paralok bad um ju

sngewbtai. La u phai sha kadiang ne sha kamon ruh tang ki paralok suda. Hangne pat lyndang marwei halor jingthiah u khmied kai ia ka jain skain kumno ba ka nob hapteng la kum ka kpoh sniang.

“Kine ki jingtrei ba ri nongwei imat kiba la tim da ka bneng bad da ka khyndew ruh, Ngan phet noh mo kumto, ngan istapha noh? Kumno kumto ka por shong skul ka kut kynsan khlem sngewthuh Baler ki skul bah kim sdang noh da ki jingpule kiba khlem kut shuh. Ngan jin da la sngewhun ban sngap ia ki jinghikai, ban thoh bad ban her bak sha laibrari ban pule ia ki kot kiba bang tam, Nga da kwah ban her sa shusien pat ia ki lynti kyllain ha skul bad ha ki jaka shong ki khynnab skul ban halla, ban rwai bad ban siaw ha ban da hun jrut ka mynsiem. Kane ka kam! Ka kam beh ki ong, he! Hangno pat ki lok?”

“Khie Sonny, khie leit,” ong u kpa bad ka kmie jong u “Ka dei ka lad kaba bha eh. Kum kine ki wan rynakhat, kata ruh tang ia kito kiba bit bad kiba la jied. U luk u lak baroh um lah ban ioh kum ia kine ki kam. Ngi lei ngi sngew sarong ia phi.”

Dei da kumta ba ki phah ia u sha Salchar. U pat shisien ba u la rung kam bad ba u la trei, ym don jing-phoida eiei ruh ban phai dien. Namarkata, u hap lur hi marwei hapteng ki brierw ba bun akor khlem ka jing-sngew paralok ba tynrai. U shong ha kamra trei kam bad u shah shkor ia ka jingbatai jong ki Kerani bad ki nongthoh kiba kloi ban iarap ia u ba kano kano ka kam baroh lait noh tang ka jingiadei lok. Tang ki shynrong bad ki jingsop la kum ki nianglong. Ka akor, ka rukom iaid rukom ieng bad ka jingiadei brierw kaba la ni jin khlem jingsngew bad u ruh u ia wiat lang. Kiba halor jong u kumba ju long rukom ki iarap lem ia u bad ki batai pynshai ia kiei kiei baroh. U sngewngub shikatdei eh ia ki. Uba heb duh u ju khot ia u ban bam ban dth ha iing bad ka lok jong u ka stad shibun ia kata ka liang. Ka da bisbar bnjeh ba uwei u maw

ruh un ym sah kblem da pyndiem ban seng ia ka lynti jong ka jingim kaba suk bad kaba arain. Hynrei u Sonny u kham lait mynsiem bad ki khun rit jong ki kiba kiew ia ka ingdong jong u bad kiba sei phar ia kiei ma ba u thep ha pla.

Um sngew ba kata ka jingim ka kor satia bad um shem mawkor wat la ka phyrnai katno katno ruh. Kaei kaba ki kmie ki kpa ki ong shaphang ka lad babha ka dei tang ha ki rymmiang. Ka jingim hi kaba suda.

"Kumno ngi pyrkhath ia ka por mynta? Ka jingiadei para mynsiem uwei ia uwei pat ha kane ka pyrthet sngi ka sung, ka per bad kam suh thied kumba ka dei ban long." U ong ia ka jain skain. U rub katba nang mih kawei ka sngi bad kawei pat ka por u kham nang ban im bad u shah kyrthai tang ha u juh u Suwai—ka jinglong jingim jong ka malade. Katno sien shuh ba u ju pyrkhath bad u ju pynrem ia ka jingim ka jingiadei bad ka jinglong lok bym iadei briew hynrei kane ka rukom im bathymmai ka ring bad pynngop ia ki jingpyrkhath jong ki riemynta baroh. Donkam bun ka jingpyrkhuid jabiang. Katba u dang peit ia ka jingnoh ka jain skain u pyrkhath ba baroh ki donkam ban suit khuid ia la ki jingmut jingpyrkhath. Ha kata ka por u iohsngew ia ka jingtem ki ksing ki dhah ha jingai kiba pyrta ia ka jingwan jong ka blei kali. U ran ia la ka khlieh bad u phai, u iohi ba ka la sdang kem iong rein bad ka baje jong u ka kdew san shiteng.

Ka por ka dang byllai sa kumba shi kynta shiteng katba u pat um don ei ei ruh em ban leh. U khie joit bad u rung ha kamra sum u sait ia la ka khmat bad u sad sa shisien ia u shniuh. Hadien kata u iaid beit sha jingkhangiit bad nalar ka pyrda u khongoid namar ba ki ksiog ki sawa ha man la ki dong jong ka shnong. U iohi ba ia ka sahit bueng la suit phyrnai da ki rong ba pher ba ki sharak ki tyngshain ban pynitynnad ia ka miet ia-lehkmen. Ki tyndong mike ki kyang ha ki dong jong ka shnong bad ki ung ki sem ki phyrnai da ki sharak suda.

Kine ki ai mynsiem pat, u plie ia ka jingkhang, u mih shabar bad u sngew ia lade kum uwei pat u briew.

U la lah bthah ia u nongshet ba un ym bam ha iing ha kata ka miet, U nongshet pat u kyrpad ba u kynrad un ai shuti ia u. U Sohny u la mynjur ia kata. Kumta marwei u peit kumno ka dum ka shai kata ka janmiet bad u sngew ba katba nang miet katta nang muja.

Ka paralok ba u dang ithuh shen ka kular ban wan shaw ia u ha ka por hynniew baje bad u khmih lynti thik tang ia kata. Hynniew duna shi pawa u la lah khreh lah khrum. Ban pynsyrywa ia ki khadsan minit u thang da u sikret bad u kjit pum shi pum bad ka peit iit artat ba u da bishar bniah ia la ka jong ka dur ka dar. Nangta u khang ia ki jingkhang bad ia ki jingkhangiit tdum tdam u da iehnoh sa taug ia ka jingkhang bab ba un khang ia mih. Sa shisien pat ha u ka por ka i kumba ka suki palat, U peit man la ka shi minit ar minit bad u shem ba ka baje sa shisien pat ka ia id suki jai.

Ha ka por hynniew baje u ia id ia ka baranda shaneng sharum, kliaw ki khmat ha surok. Ym don dak ei ei ruh em. Ka surok ka khapngiah da ki saikil, ki riksho, ki kali bad ki briew de kiba ia khleh lang ryngkat u pum pum bad ka tdem, ha la ki jain thymmai, katba kiwei pat ki tem bom bad ki thang dewali.

La palat khadsan minit na ka por ba la iabuh. Hangta te u sdang ban pisa. U dih uwei u sikret hadien uwei pat, u rung biang hapoh iing bad napoh kamra shongkai kaba dum u khongoid sa shis.en nalar pyrda. Em, ym don ba wan sha ka liang ka iing jong u. Ki jingkhmih lynti jong u ki long lehnohei nangta ka kiew sa ka jing-artatien.

"Lehse ka lah ban dei tang ka jingtbok," u pasiaw hi marwei marwei. "Ka jingshukor kaba la biang hi. Balei ba nga leit kohnguh ia ka jingthot sngewbha jong ka?"

U rung biang ba kamra thiah, u pynmeh ia ka sha-rak bad u jngoh biang ia ka iit. Nangta u phai biang sha ka jingkhang ba dang plie bad u khang nob tdam.

"Ym lei lei i la pynbeit ia nga ba ngan ia id sah na kawei sha kawei pat ka kamra."

Sa shiphang ki jingartatien ki kylla khongpong.

"Ka dei ka khyannah kaba bha. Ym imat don dak jingsarong ei ei ha ka. Kaba la nang la stad bha. Lehse jia aiu re aiu".

"Oh, em, ka la dei ban pyntip, ka don la ki para kiba rit, ka lah ban phah khubor ha ki. Detteri! Balei ngan pynpoh kai ia lade tang na ka bynta ka ksew. Kam rat da dait hi, ka la ioh lad shisien. Kam rat da lah thok ar lai sien."

"Em phi! ha peit seh, i kum i briew. Oh! ho-oid, i la wan. Ka da dei shisha te, Hello! Darling" U ong ha la marwei. U pynbeit ia la ka riam ka beit bad u her sha kamra thiah.

"Teh kan da tied. Ngan leh kumba lohthiah"

"Are, ka jingmut aiu? Peit, ka kynthai ka wan la ka wan wat la phra baje ruh. Ka bha ba phi leit sait ia ki jingmut jingpyrkhat jong phi ha wah Barak, Sonny."

"Shuh ngan pynkloi, oh, ho-oid."

"Mr. Roy! Mr. Roy!" Ka tied ia ka jingkhang.

"Uh-h," u jubab la kum uba dang thiah shisha.
"Phi la wan? Ap shi minit ho,"

U loit ia ki budam sopti poh, u pyntyryphut ia u shniuh da ka kti bad u leit ban plie ia ka.

"Phi lah da poi," u ong La phra baje du. Nga thap iohthiab, Shong seh sngewbha." U tyrwa ka shuki.

"To seh, khreh klooi. Nga tip ba nga la slem. Nga la pynap ia phi la biang. Wat sngew ei ei ho. Ki la wanrah ia ka dur bad phin sa iohi bi ia ka jingbun biew."

Kam treh shong. Ka bud ia u nadien haduh bajan ka iit ka ai ia u ka snad ba un sad Ym slem shuh hadien ba ki khang ia ka iing bad ki mih shabar.

"Ka bha ba ngi iaid," ka ong.

"Kan kham bha ba ngi shong da ka riksho."

"Ka juh bi," ka phai ktien pat.

"Kan kham bha," u ong. "Kan kham suk"

"Ia kata," ka ong ka pynkbihi artat ia ki irmat bad ka wiat artat.

Ha surok u Sonny u sJang bang ap riksho. Kawei hadieu kawei ki wan hynrei kawei ruh um ioh. Shuwa ba un ioh ma u don mano re mano ba la lah kem ia ki U ieng na ka liang kamon jong ka surok katba kiba ia ap riksho baroh ki ieng na ka liang kadiang. Sa shiphang u ang sah tyngheng haba u iohi ba ki riksho ki iaid kawei hadien kawei kum u lain bad ym don kawei ruh kaba thylli.

"Nga la ong ia phi ia ngin ia iaid da ka kjat," ka ong ka da phuh samrkhie sa shisien.

"Wat kyrkieh seh, ngin sa ioh bi kawei." U sngew thuh ba don siu re haba u iohi ia ka ba ka phuhsamrkhie biang,

U jam sha kawei pat ka liang jong ka surok. Ka wan kawei kaba thylli. U kem bad u bat da ki kti baroh ar, U ai dak ia ka da kaba u wiat.

Ka leit.

"Ha kaba khatduh phi ioh hi mo," ka ong, Haw peit ia ka baje jong phi."

U peit ka la palat khadsan minit. U pyrkhat ba kin da iaid da ka kjat katta ki la jan poi.

"Kane ka kam ap riksho ha kum kine ki por kaba da jinjar," ka ong ka kiew artat joit "Phi donbok ba phi ioh kham kloj, ka shim por ia nga shiteng kynta mynhyn-ne. Phin sa iohi pat kumno ki iaid ia kane ka surok la kum ki mattah. Ka bha shisha na ka bynta ki nongiaid nongieng. Ka bha na ka bynta jong phi bad jong nga ruh.

Ka phai sha u ryngkat ka khmat phuhsemrkhie. I tduh ka sari jong ka i hap ha ka kti jong u. Ka shim bad ka tawab biang halor tyrpeng bad u pat u sei noh ia la ka kti nangta bad u bun halor ka jaka shaniah haduh ba kan da poi sha kawei pat ka tduh riksho. Da kumta u sngew ba kham aram bad kham kylluid bad ka long pyndan kum ka syngkhien ia ka ban shaniah.

"Ho-oid". U ong bad u sngew kumba u siang la ki sner diar ha suin. Kum kata ka jingsngew kam pat ju rung ha ki jingpyrkhat jong u. U klet lut ia kiei kiei baroh kiba sawdong ia u. Tang kawei kaba u sngew-thuh kata ka dei ka jingsngew sahuu ba ka bad u ki la shong ha ka surok kaba khapngiah da ki briew suda, ha ka riksho kaba iaid suki bha ter ha u lain ki riksho kiba iaid suki la kum ka iathot ki mattah.

.....

2 Ar ne lai taiew mynshuwa u iakynduh ia kata ka khy-nah badka pat, ka leh la kum ka paralok barim bajah.

Ka dei ka por puja. Ki kher ki mer u Sonny, kumba ki ju leh barobor, ki iaman lang ba la ka dong. U Sikretari jong kata ka komiti puja u leit kyrpad da lade ia u Sonny ba un don ryngkat bad ki ha kata ka miet nyngkong namar ha kata ka miet kin pyni ia ka jingialebkai thiatier kaba ki khein ba kan long kaba itynnad tam. Te u Sonny, ba um don eiei ruh em ba un leh bad ha kum kito ki miet leh sngewbha sngewtynnad ym don hi u samla briew u ban sngewhun ban khang kut ia lade hapoh iing, u leit.

U Sonny u shong tawah kjat kynjai ha tduh jong kawei ka ben. shen hadien ki tyrwa ia u ba un wan kham ha khmat ban shong ha ka shuki kaba ha syndah ka dong ba shong ki khyannah kynthei. Ka kham aram shibun ban shong ha ka shuki. Namarkata, um da pyntud than eh. U phai sha kadiang bad sha kamon ban peit kai ia ki briew ha ar liang ka jaka shong jong u namar ba ki buh ia ka shuki ba ka lynti ba ki iaid ki ieng kiba rung kiba mih. Ha ka phang kadiang ki dap da ki khyannah kynthei kiba dangrit. Ha ka liang kamon pat ki dap da ki khyannah shynrang suda.

Ha kaba sdang hi ka itynnad, ki sdang da ki jingput jingtem bad ki jingrwai jingsiaw jong ki khyannah samla Kat ki rta jong ki hi ki la stad bha. U pyrkhat ba iwei ar na pdeng jong ki lashai lashiengi kin lah bha ban ia kynjoh ha ki kyrdan ba kham halor jong ka put ka tem. U shu peitkai mutlop bhor katba nangwan nangmih kiwei hadien kiwei pat. Ynda la kut ka rwai ka tem ka sdang sa ka sawangka. Kane te ka donkam da ki briew kiba kham tbit ia kaba ki khyannah samla kim da lah ban leh. Hadien ka kylla kaba nyngkong u Sonny u sdang jyrwit. U pyarbeit ia la ka met ka phad ban lait kaba tyrsain ki kti ki kjat. U la dei ban ieng joit bad ban iaid noh sha la iing hynrei ka thma jong ka jingiatiplem kam pat kut. Dei ha kata ka por ba u iohsngew ia ka sur ka kynthei naphang kadiang jong u ba ka kren ha ka phareng bad u phai,

"Wat sngew eiei, nga tharai phi dei u Mr Roy."

U kyndit haba u iohsngew ba ka kynthei ka kylli kyrteng ia u. U phai bad u iohi ia ka kynthei ba ka. phubsamrkhie nator nangta u iohi da ki dorjon kiwei pat ki khmat kiba pelt ia u.

"Phi mut ia nga?" U kylli u kdew artad ia lade. Ka kohnguh khlieh.

"Ho-oid, ka dei kumta. Nga dei u Roy."

"Nga pat ka Nilima Acharjee." Ka pynithuh ia lade

U jubab da kaba kdup sla kti baroh arti ha shadem.

"Nga la iohsngew shaphang jong phi tang ba ngam ju ioh lad ban ia kynduh. Ngam tip lada phi ithuh ia nga ne em, tang ba ngam tharai....." Ka kren shuh shuh tangba ka mike ka khynwin palat bad ki ktien jong ka ki jah noh ha ka jingsawa ka jingwai.

U pyrshang ban wiat kylliang ia ka, Ka dei ka lad ia u. U peit ia ka na khlieh ha kjat. Ka itynnad ha la ka sari rong suinbneng ba thoh syntiew bad ka don la ka main i don burom. Kaba bhabriew tang ha ka jingshai kine ki sharak thymmai mynmiet te ym lah shaniah.

Ka wan ka jingsyier. Katto katne sngi mynshuwa u iohsngew ia ka jingkhroh ki kynthei dakait ha Kolkata bad kumno ba ki pyngat ia ki briew ha ki jingriam jong ki. Kaba u la pule hi dei ia u editor jong ka Bill. U iohi liak ia u Bachchu ba rynsan ba u dang pynbeit ia kine kitai na ka bynta ka jingialekhai kaba bud. U pynkloi ban ieng bad leit ia kynduh ia u bad u kylli na u shaphang jong ka. U Bachchu u iathuh ba ka dei ka nonghikai college. Ba kan ym suba than, u kyrpad ia u Bachchu ba un kham pyrit ia ka mike. Nangta ki la ia id noh mar la ka lynti. Katba u Sonny un poi

ha la ka jaka shong ka jingrwai hindi ka la rit kat haduh
ba lah ban ia sngewthuh.

U phai sha ka bad u ong, "Nga sngew kumba phi
krea aiu re shaphang jong nga, ym dei ?

"Oh ! dei ma phi seh uba phah pynrit ia ka jing-
tem ?"

"Hooïd" U rkhe.

"Kumno ? Phi itynnad hi ia kane ka jingialehkai ?"

"Kam da sniew eh tang ba thait."

"Ngiah phi. Nga, nga kwah han ong eiei ia phi tang
ba kane kam dei satia ka jaka kaba bit, nga tharai phi
sngewthuh ia nga."

U kohnguh.

"Phim sngew ei ei em lada ngin mib shabar ?"

"Em."

"Ia kata." Ka ai dak da kaba pynkhih ia la ka khlieh.

U ieng bad ka ruh. Ki khmat lorni ki nang kham
bun shuh shuh. Ki nongpeitkai kiba nadien jong u ki
pynphai la ki khmat pyllew. Ki iaid la ka iaid shuwa
ba kin mih artat na dara ki shem ba dap tang da ki
briew habar. Ki iaid lait ia ki baroh.

Ki tang sha lait ia ki briew baroh ka ong "Ha
ka jingshisha, nga wen iit khnang ia phi. Nga iohsngew
ba phi don hangne bad nga wan wad khnang. Kam shim
por ban shem ia u riwepawkhmat."

"Pawkhmat ! Ma nga ?" U shahshkor bha bun ioh-
sngew ia ki jingiaroh shaphang ia lade.

"Nga mut ban ong ba ki briew ki burom ia phi hangne bad".

"Phi te kong "

"Nilima, khot ia nga ka Nil. Baroh ki khot ia nga kumta."

"Te kata, nga pat nga dei u Sonny u khun jong i pa."

Ka kum rkhe ch. U ruh u rkhe. Ki poi ha surok.

"Te shano ngin ia leit kumne ? Ym imat don jing-kut tad ynda ngi phai biang sba dara ?" U kylli. "Phi wan iit ia nga. Don kaba nga lah ban iarap ia phi ?"

"Nga kyrmen phin ym kyntait." Ka ong.

"Kyntait ? Ia kaei ngan kyntait. Ngam pat sngew-thuh. Ong shuwa seh bad ngan sa kyntait hadien pat".

"Oh, em." Ka pynkhih ia la ki tyrpeng ka iarkhie artat rymmuin. "Phi te imat phi khein sting ia baroh phar."

"Te kumno heit ngan tynrong! Kine....." u kdew ia la ki tyrpeng. "tlot."

"Oh - h," bad ka rkhe artat "to kein noh katto."

"Ki iaiaid ia ka surok kaba dang khapngiah da ki nongleit nongwan.

"Ia seh leit kai sha iing jong ngi," ka ong ia u. "Nga kwah ban ia kren bad phi Ka don ka kam kaba kham kyrkieh ba nga mut ban ia kren bad phi. Na, mar kane ka dei kaba ar ne lai sien pynban ba i pa i thoh shaphang jong phi. Baroh shi katta nga la shu kular ei ia i. Mynta te nga la kut jingmut ban ai jubab ia i hadien ba nga la lakynduh bad phi."

Ha u Sonny hi u sngew kum ka jingriam.

"Phj shong hangno ?" U kylli.

"Ha College Road".

"Lada kumta te ia leit ha iing jong ngi. Katei ei hajan." U kdew artat ia la ka iing tang ba um da mut eh ia kaba u ong.

"Ki briew pat kin ong kumno ia nga bah Roy lada nga leit ha iing jong phi katta miet."

"Ka krem samla he," U peit ia la ka baje. La palat phra baje bad u pat u ong. "Kumno pat kin pyrkhath lada nga leit rung ha iing jong phi ?

Ha kata ka por ka wan ka riksho kaba thylli. Ki pynsangeh bad ki kiew baroh arngut.

"Ynnai da ia nia ia kata. Ka nia jong phi kaba dei tang ba kam ia dei bad ki jingsngew ki briew. Lada ki briew ki la ieng tang ba ka daw hi kumba phi mut ban ong, ngim donkam ban jinjar ha kane ka pyrthei. Kum ban ong noh ngim donkam ban puja ne pyndep ia ka jingdawa jong kiwei pat ki jingngait ne ia ki jingngait bieit. Ngi da kwah ba ngin im baroh halor ka daw bad ngin jin da la lait na kine ki jingteh jingkhum ka jinglongbriew. Ani ! ka pyrthei kan jin da long kaba itynnad ban im tang da ki bor jong ki daw. Tang ba hangta ruh ki bun ki diengpynkiang. Ia ka bor pyrkhath jong uwei pa kawei dei ban pynkhie im haduh ki kyrdan ba halor tam bad na ka bynta ka jingbha kor tam. Ngi lah mo ban leh kumta ? Namar ngi lah ban wir ban win hangne hangtai ba ka jingsaidnia stad jong ngi. Nga ngait phin ia kohnguh lang lada nga ong ba ngi dei ki jingthaw ki bymneh bad kiba la synshar da ki jingpynkhib jingmut, Dei na kine ba ngi shem ia ki jingsngewbha bad ia ki jingsngewsib kiba pynlong ia ka jingim jong ngi kaba sngewtynnad. Ngi im ban

leh kmen leh sngewbha da kaba mad ia kawei pa kawei ka kylla ka jingim kaba ngi ia kynduh.

"Nga la kren mo ia phi shaphang kita ki bor, ki daw bad kiei shuh. Peit shane kong Acharjee, nga te ngam peiphang phi haduh katta ka jingtip."

"Phi mut, em, ym don ei ei ruh em kaba jylliew. Nga te ngam ngeit U brierw uba stad kum phi ba un ong ba um tip shaphang kine kiba jia ha pyrthei te kaba phylla. Phi kwah ba ngan ngeit ia kata?"

"Ym don kaei kaei ka ban kham ia sngewthuh jingmut lait noh ia phi ba phin ngeit ia nga bad ba nga pat ngan ngeit ia phi."

"Sa shisien pat phi dat haba biang Ka jingiasngewthuh jingmut ka dei ka ktien ka bymshai bad kaba artatien ha ka shong ka sah bad ka trei ka ktah."

"Nga dei ban kyrpad ia phi sa shisien ba phin sngewbha ban klet noh ia kita ki jingstad jong phi baroh shi por namar nga mynjur ban weng noh ia ki nia bieit jong nga baroh."

Ka kham lait bad kham sngew im da kumta.

"Oh, phi shu thlia kai ia nga. Peit! katei ka dei iing jong ngi."

Ka batai ia u nongniah riksho ba un pynsuki bad ban sanghe hajan ka khyrdop.

U hiar u Sonny bad u phai sha kadiang bad kamon ban peit ia ka jaka. Lehnohei ban mir mynmiet.

Ka Nilima ka la ha ka khyrdop ka plie ba un rung. "Ale, Bah Roy. Rung seh."

Kumba ju leh ki nongwei u isid da thew hadien ba

u la rung ha phyllaw jong ka. Ka pat tang mar shu khang ia ka khyrdop ka laid mar syndah bad u.

"Balei ? Don eiei kaba phi mut ?"

"Em" u kyrngah khlieh. "Nga shu pyrshang ban buh jingmut ia kane ka jaka, ym long, mynmiet ngam lah sngewthuh."

"Phi mut ia ka jaka jong ngi ?"

"Ho-oid"

"Peit shane don artylli ki dieng snepkor." Ka kdew. "Uwei hangne bad uwei pat hangtai, Nga tharai phin kynmaw bad ithuh na kito. Baroh ki ia peit tang na kito ki dak. Ka iing jong ngi ka khot sngewbha ia phi ba phin wan kai ia ha kano kano ka por. Ynda phi sngewbtai rung beit hangne."

"Khublei shibun eh, ap shuwa ngan da kham myllen".

"Ka khniot ia i budam ha ka shawkad bad ki ia ap. Tang shiphang hi u meh u sharak na khlieh jong ki bad sa iwei pat i khynnah kynthai i khongoid napoh ling.

"Plie Sandhya," ka ong bad ka jingkhang ka plie wang.

"Kane ka Sandhya, ka para jong nga." Ka pyn-ithuh. "ine i Bah Roy."

Ki wan sa kiba rit, ka khot ia ki kawei hadien kawei pat bad ka pynithuh lut ia ki. Hadien nangta ka kdew ha ka jingshong shaniah kaba hajan bad ka ong artad, "Sngewbha shong, Bah Roy."

U shong suki jai.

"Wat sngeweiei, Map shi minit ho." Ka ong bad

shuwa ba kan mih ka ong. "Sandhya, shongkai bad i Bah Roy ho. Tang shi minit nga lah wan." Ka mih artat bak.

("Sandhya, nga tharai phi dang pule." Sdang u Sonny.

"Ho-oid bah, ka snem kaba saw." (B. A. 2nd year)

"Kumta te sngewhun," u ong. "Ha kano ka College?"

"Ha G. C."

"Oh," u kohnguh ia la ka khlich, "nga la ioh-sngew ia ka kyrteng bad ia ka nam jong ka College jong phi. Te balei phim da shong?"

"Ka sbri bad suki ka shong ha ka shuki kaba mar pyrsbah ia u.

"Nga ngeit ba phi don ki nonghikai kiba stad."

"Nga tharai kumta hi namar ngam pat ju poi ha kiwei pat ki College."

"Nangta pat kumno phim kwah ban pule ha ki Skut bah kum ha Gauhati, Calcutta, Delhi lane hangno hangno haba phi sngewmon hi?"

"Ka shong....." Ha kata ka por ka hynmen jong ka ka rung bad ka sangeh noh.

"Oh phi da lah iadei lok du, nang iashongkai. Nga kwah ban kylli ia i Bah Roy lada in dii da ka sha ne da u kophi."

Da kano kano ruh," ong u Sonny. "tang lada phi lah ban ai da u kophi uba bang bha ngan kham sngewbha."

"Ngin ai da uba bang bha." Ka kren shlur bad ka laisaid.

"Kong Acharjee !" u khot biang." Sngewbha ai

um shuwa shi klat seh ba ngan dib."

"Are! Nga sngewsib ba nga khlem tyrwa." Kí ioh-sngew ba ka ong.

U Sonny u da peit bha ia ka sari nadien ba ka pyn-noh haduh kjat. Don ka jingitynnad ha ka namar ba ka nongsem ka smat ka sting bad ka jingkhie ka met ka phad ka iadei sur bha. Ym pat dap shi kynta naduh ba u ia kynduh ia ka hynrei ani ka samla. U phai sha ka Sandhya bad u ong. "I hynmen jong phi i ba smat ba sting bha. Imat iba la nang la stad bha de."

"Ho-oid" ka ong "I dei i nonghikai. I pass ar wat ia ka M. A."

"Phi pat? Phi kwah ban long kum ma i?"

(Ka Sandhya ka shu wiat phuh samrkhie khlem kren, katba dang leh kumta ki paw ki niat kiba phyr-nai bad rytih bha shar. Ka kham bhabriew shibun ban ia ka hynmen namar ka pynrem ka jinglong samla jong ka. U Sonny u pyrshang ban kynmaw hangno sha ba u la iohi ka briew kaba wandur kum ma ka. Ka lah ban dei ha ki kot khubor, cinema ne haei kumto kumba da ot na khlieh ha kjat. Katba ki dang iathuh khana u iohi ba ki jingphuhsamrkhie jong ka kiba donbor haduh katta katta palat ban ia ka bih seiniong. Kan jin da la long ka nomuna kaba pawnam ha ka riam ka beit pynban. Tangba um nud ban pynpaw ia kata namar ba ka dang dei ka sien kaba nyngkong.)

Ki iakren ki iathuhkhana shaid shi shaid bad u Sonny u da kwah eh ban weng ia ka jinglehain jong ka katba ki khmat jong u pat ki peit ia ka kamra, ia ki jingbuh jingsad, ia ka rukom pynriam ling pynriam sem. Ki tbit bha ban pynriam naduh iba rit haduh iba heh. Katba ki dang ia gur iakhana ka Nilima ka rung mian mian bad ka leit beit ba kawei pat ka tduh jong ka shuki shanjah ha kaba u Sonny u shong.

"La lah khreh nadong shadong," ong ka Nilima.

"Don kano kano kaba kham kyrpang?" Kylli u Sonny.

"Ym don ei ei rub em tang u kophi hi. Nga tharai u la bang hi katto."

"Phi dei i briew iba phylla bad phi la pynshitom sat ialade."

"Shitom ? Phi mut kumno ? Ngi khot bad pdiang sngewbha ia phi bad mynta ka bha ba phi klet noh ia kiei kiei baroh. Ka dei sa ka bynta jong ngi pat ban pynsngewbha ne em ia phi."

"Bad ka um de."

"Ka Nilima ka shu ang sah bad ka ialeh ban tap da ka kti kadiang ia la ka shyntur. Ka phai sha ka Sandhya. Ka Sandhya ka ieng joit bad ka iaid shaphang iing shetja. Ka wan phai pat ka rah artat la ki kophi, ki jingbam bad ka um de shi klat. Ka buh halor i miej rit hajan jong ki baroh arngut. Ar pela ki kophi, ki jingbam bad ka um.

"Sa shi pela pat !" u kynthoh u Sonny.

Ka ujur ka mih na ka Sandhya. Kam sngew long shuh namar ba ka dang shu lah dep bam.

"Te kong Acharjee....."

"Katno sien shuh ngan kyrpad ia phi ba phin khot ia nga da ka kyrteng."

"Tad ynda phi la khot ia nga Sonny" u ong.

Ha kata ka por i kynthei iba la metiaw i wan rung bad mar kumta ka jingiania jong ki ka jab jak. Ka Nilima bad ka Sandhya ki ieng joit. U Sonny ruh u tynneng ia ki.

"Ine i bah Roy, Mei." Ka pynithuh ka Nilima.

U Sonny u rah ia la ki kti haduh shalangmat u ia dem artat la ka khlieh ban pynpaw ia la ka jingburom.

"Phi dei na Shillong mo?" Ka ong bad la ka phuh-samrkhie. "Ngi shu iohsngew ia phi, tang ba ngim ithuh ia i briew. Mynta ba ngi la ia shem kumne, shong seh, ngi sngewbha shibun haba phin wan kai rung kai ha iing jong ngi. I kpa jong ki," ka kdew da ka khmat sha ki khun. "I shait thoh shaphang jong phi bad shaphang kiba ha iing jong phi. Nilima, phi la iathuh ia i aiu ba u kpa jong phi u thoh shaphang jong i?"

"Em," jubab pynkloi u Sonny, "i dang kwah ban thlia kai ia kane ia katai".

Ki ia rkhe baroh bad u Sonny u pyrkhat ba ka dei ka biria rai.

"Oh, em" ka ujur ka Nilima bad la ka rkhe pashar. "Ngam shym mut kumta. Nga pyrkhat ba ngan sa iathuh suki ynda la ia dih ia bam."

"Lada ngam bakla nga iohsngew la jan kumba shi kynta ei ei. Lada ka jingkyrmaw jong nga kam shukor te nga tharai phi la ong "i pa i thoh shaphang jong phi, bad phi pynkut hangta hi. Katno shuh ka ding ka rhem hapoh mynsiem jong nga naduh kata ka por."

Ka kmie bad ka Sandhya ki kohnguh khlieh.

"Ngan iathuh ia phi mynta."

"Dih seh uto u kopih loh u khriat noh." Ka kyntu ka kmie ka ia ieng artat. "Shim Bah Roy dih. Nga te ngan ieng noh phi. Phi tip hi ba ka kam iing kam sem ka bym ju kut. Wat sngew ei ei ho."

Ka isid artat bak. Ka Sandhya ruh ka bud ia la ka kmie. Ki da iehnob ia ki ar ngut ba kin ia kren hi hapdeng jong ki.

Katba ka Nilima ka dang sdang ban iathuh, u Sonny u phai ha ka bad u ong. "Ngem tharai ba nga la pyn-mong ia phi. Ia kaba phi mnt ban kren ym donkam ba

phin da kyrkieh. Phi don ka por kyrhai ha ka pyrthei; Katba phi mon."

Ka rah ia la ka kti kamon ban pynsangeh ia u, nangta ka tyrwa jingbam hadien nangta suki ka sdang.

"Kumba saw ne san bnai ei ei mynshuwa i pa i thoh ia ngi ba ngin wad ia phi. Ngim tip ba phi don hangne, i pyrkhah ba phi dei u nongwei, phim rat da ithuh bad tip hha ia kane ka jaka bad phin shem jingshitom ban wad ing wad sem. I kyntu ia ngi ba ngin wad jingtip kumno phi man bad kumno phi long. I da kwah ban tip janai shaphang jong phi."

Ka dih pyndep shuwa ia u kophi. Ynda ka la dep ka shaniab kynjai ba ka tduh jong ka shuki bad ka phai la ka khmat sha u Sonny.

"Ngi pyrshang ban wad jingtip bad ngi shem ba phi sah ha Dak Bangla. Kumtangi thoh ia i. Ha ka shiithi kaba bud i kynnon ia ngi ba ngi leh khlemakor bad ba ngim salia."

"I Pa jong phi i dei iei bad balei i khuslai katta katta na ka bynta jong nga?" U kylli u Sonny.

Kam pynsngap satia ia u.

"Hadien ngi pyntip ia i ba phi la ioh iing bad ba phi la shong ha ka iing kaba thymmai. Hynrei im iehnoh ia ngi hangta. I thoh ba in wan hi da lade ban kylli ia ki jingeh jong phi lada ngi ngim lah ban leh kumba i la bthah. Ngila pisa bad dumbuit jlaug kumno ban leh tad haduh ban da kiew ka sni mynhynne bad nga leit ban ia kynduh ia phi"

"Kumno kein phi wan kem ia nga ha dara puja?"

"Ngi wad jingtip shuwa."

"Hangta te nga la peiphang tang ba phim pat jubab ia ka jingkylli jong nga."

"Nga ruh ngam da tip bha. Ha kawei na ka shithi i ong ba i dei i paralok i pa jong phi. Lehse dei i pa jong phi iba la iarap ia i ha ki por mynshuwa. Lah ban dei ruh ba ka iing jong phi kaba la iada ia i ha ki jingjinjar. Mynta ba i la lah ban iarap kylliang i sngew ba ka dei ka kamram jong i ban leh bha pat ia phi. Kata ruh kaba nga shu tharai. Mynta nga kwah ban kylli ia phi lada phi kwah ban sah bad ngi. Ngi don ka kamra.

"Em, phi. Phim donkam ban khuslai shaphang kata, shuh shuwa ngan da pyrkhata i pa jong phi. Ngam kynmaw lada i la wan ha iing ngi. Tangba i pa i shait ia shongkai bad ki brierw ha kamra jong i hi bad ngim ju kham rung ha kamra jong i."

"Te kumno ngan ai jubab ia i ?"

"Lada kumno kumno ruh thoh bad pyntip ia i ba nga muja hangne, ba ngam pat ju ia kynduh bad kino kino ki jingeh. Nga suk, nga shngain bad ba iwei na ki khun jong i i pah ia nga ba ngan rung ba kane ka iing bad nga shem tang ki jingsbun suda bad ba nga la dih ruh shi pela u kophi uba bang bha. Te kublei shibun ba phi la pynshitom ia lade, Nga tharai ka la biang ia nga katto ba ngan leit noh."

"Ap shuwa, lehse i mei i don ei ei ban ong ia phi." Ka ieng joit bad leit wad ia ka kmie.

Ka Mrs. Acharjee ka wan bad ki khun baroh. Ka khot bamja ia u ha ka sngithohdieng kaba bud.

U pdiang.



3. Ka kali puja ha Silchar ka dei kaba phylla shibun eh. Hadien ka Durga Puja kaba neh saw sogi lynter donkam da kawei pat ka puja kaba kham lyngkot. Dei hangne ba ka biang bha ka puja shimiet. Kat ban da dei kito ki sngi ka bneng ka khyndew ruh ka la kham

sngewtynnad. Ki por sbht ki la wai bad la sdang beh erkhrat bad ki briew ruh ki ia sngewmuja lang. Kane ka puja ka ia bynrap lang ia ki kam kiba dei na ka bynta ka kali bad na ka bynta ka Dewali de. Ki sngi bad ki miet jong kane ka sngi ialehsngewbha ki dap tang da ki jingiarkhie laieit bad iaroh ne duh spah. Ka jingphyrnai ki sharak, ki jingbthei ki bom ki jingialehkai ding, ki jingrwai jingslaw, ki put ki tem, ki drama ki sawangka, ki jingiapli ia pein pieng syntiew bad ki jingkylla ki peisa tyngka na kawei sha kawei pat ka kti, kine baroh ki jia ha kata ka miet. Ki jingphylla aiu shuh kiba jia long hapoh ki thapaiang jong kane ka puja, tang ki nong Silchar hi kiba tip.

Ia ka dur blei ki la lah buh lypa ha ka jaka kaba la thaw khnang na ka bynta kata ka kam. Ki shynrang bad ki kynthei, ki rangbah bad ki khynnah ruh kumjuh ki ia lum lang sawdong kata ka jaka. Ki tymmen kynthei ki ialang lang shi jaka bad ki rwai ainguh na ka bynta ka blei. Ki khynnah shynrang bad kynthei, ki ialehkai had her sawdong ia ka phyllaw iing ki thang bom bad sharak laipbew har rukom. Ki jingbthei kiba pynher syrngiew ruh kito kiba pynkmen ruh kito hi.

Ki khynnah ki kmen ban iohi ia ki roket' ia ki peris her bad ia ki ding kiba kyllain wur-ly-wur ia lade, ki balla ki kynkaw haduh ban da set ryndang. Ia u Sonny ruh ki ring ban ialehkai. Ki bret pataka ha ki kjat jong u. U ryngkang u ryncied lem kumba ialeh lang bad u ruh u bret bad thang pataka lem haduh ba u sngew ba u la thait. U rung kluk hapoh kamra shongkai. Hynrei pynban kim ieh ia u hangta ki ia patan ia u bad haba um treh ki ia rah lang ia u baroh ki bat na kti na kjat, na khlieh, na shkor katba lap bad rah ia u shabar ba un her, ba un shad bad ba un ialehkai ding. Ki her sawdong sawdong bad katno ki kmen. Kim ju klet ia ki sharak bad ia ki sai sharak ba ki thang ha phyllaw bad shen shen u Sonny u kylla long u Jamai babu ia baroh.

U bramon u wan ha ka por shiphew baje ei ei. U

briew uba raikhoh bad uba itlot ha la ka boh nongknia bad ka soptipoh lieb kaba khuid bha. U phong da ki khorom ba ki kjat' u wah ka jain bong ha tyrpeng bad u tyngkhap i song iba u la kli khylliap bha ha ka salu saw ha pohtit kamom. U rung ha ka duwan kaba la pyntiam da ki sari suda u da thang pyotdem bha pum ia u dhup bad u pynsyaw ia ka blei ha ban da lynguh bha ka duwan katha ki nongtem ksing pat ki tem sngew kum ban pait sa ki shkor. U Sonny bad ka Nilima ki shong ha ki shuki ha khmat ka duwan ban peitkai kumno u knia bad u pyndep ia ki kam ki dam jong u. Kaba nyingkong ba u bramon u leh ka long ban loit ia ka soptipoh. Baroh ki iohi ia u saikhuid u bramon ba u deng nalar kawei ka tyrpeng haduh harum pohtit jong kawei pat ka kti. U deng da kynriang halor ki shyieng krung ba pawbha shler bad nalar ka kpoh ba ran rynjain. Nangta u shong kyllain myangor na ka liang kaba shaphang kadiang. U plied sa ia i song na ka salu saw. Napoh ita i song u sei nvngkong ia ka sosma kaba pyndait da ki sainar bad u deng ia ka. U sei sa ia ki kot kiba thoh da ka kti bad u plied ha khmat jong u. Ki dei ki myntro ia kiba un pule ha ki por ba u puja.

Shi kynta ka jingialehkai, ka jingrakhe, ka jingiarieh iawad bad ka jingiaher sawdong ia ka phyllaw ka ktah ia ka met u Sonny. Katba u dang shong hajan ka Nilima ban peit ia u bramon ba u pule ia ki myntro, ba u tyrwa ia ki sla ki syntiew bad ia kiwei pat ki jingai, u sngewthait bad u kwah thiah.

U phal sha ka Nilima bad u ong, "Nillie, nga la thait, nga la tlot bad met bad mynsiem. Nga kwah ban pynaram, phi lah ban aljaka ia nga ?

"Wa, em," ka ong "phim pat dep bam du."

"Te ai kloil. Nga la thngan".

"Shuh shuwa ngan da leit shim sha ia phi." Ka ieng joit.

U Sonny u bat khak na ka tduh jong ka sari.
"Em, ym donkam sha shuh."

"Ym pat dep puja te mynta. Kumno phin bamja?"

"Lano kan dep?" u kylli khuid mynsiem.

"Ha ka por ar baje ei ei."

'Ar - baje! Ani, bangta te la dep. Ka kpoh jong nga kam lah ap haduh ar baje mynstep. Shuh ngan leit wad jingbam na iing.

"Em," ka kyrngah ia la ka khlieh. "Em te em. Ngin ym shah ia phi ba phin leit. Ap jingjang ngan da leit wad ma nga."

Ka iehnoh ia u marwei ba un pyrkhat hi ia u thyl-
liej saw uba bit snam uba jliah ia ki jingmong ka
pyrthei U pyrkhat ba ka ruh ka la thngan kum u
hi ban thom lut phar ia ki dustur na ka bynta ka snam.

"Dih da kane Jamai babu. Kan pynjem ia ka jing-
thngan ka kpoh jong phi, kaba bha ruh na ka bynta
ka jinglot ka met ka phad. Kan ai bor."

"Ka dei kaei?" u kylli u ia mad artat khyndiat,
"Kane ka dud jong phi ka sma aiu re."

"Ym dei tang ka dud. Kane kaba ki ia pynkhreb
na ka bynta kane ka sngi." Ka batai.

U dih baroh shi klat. Ka bang tang ba hadien katto
katne por u sngewthuh ia ka jingtrei jong kata ka jingdih.

"Khlem artatien," u ong, "ka dei ka jingpynbuaid
aiu re aiu."

Ka knieh la ka klat na ka kti jong u bad ka her sha iing bah. U Sonny ruh u beh ia ka nadien ; tang ba ki jong ka Sandhya bad kiwei pat ki don ha lynti. Ki khang bad ki bat ia u na ki kti, na ka soptipoh, na ka patlun bad na ki kjat.

"Wat her Jamai babu." Ki ia rwai lang.

Ki nongtem ksing habar ki tied ia ki ksing kham jam bad kham jam shuh shuh. U Sonny u kyrbam ia la ki rymmiang shyntur sbiak bad u shu peit sah ia ki khyannah ba ki ker kut ia u.

"To," u ong u da pyjah sliak. "Ngan shong hang-ne." U shong sbak ha madan.

Baroh ki ia kmen ki shad sawdong ia u ki ia snoh kti bad pynlong kum u kynjri bad ka phawar artat "Ngi la set ia u Jamai babu, um lah her shuh, um lah lait shuh."

Ka Nilima ka wan bad ka kynhied ia ki "Mano ba set ia u Jamai babu? Shuh ngan pyllait ma nga" Ka ring ia u bran na ka kti. Ka tan ia u sha kamra bam.

Ka iing jong ki ka ieng ha ka jaka kaba kumba shiteng akar ei ei. Ka phyllaw ka heh bha bad don ar tylli ki khyrdop nar, kaba rung bad kaba mih, ki pyndonkam tang ia ka khyrdop rung. Ia ka khyrdop mih ki khang tala. Ki thaw surok ban poi kali haduh ki maw jam baranda syndon. Ia ki mawjam baranda ki shna ha pyrshah ka jingkhong jong ka lynti napdeng iing kaba pyniasnoh ia ka baranda khmat bad ka baranda kaba shadien. Na baranda khmat don sa ar tylli ki jingkhong bah ba ki kamra kiba ha shakiar baranda. Ka kamra kaba shaphang kadiang ha ka per ban rung ka dei ka kamra bam kaba don jingkhong na ka lynti pdeng iing, na kamra shongtai bad na ka kamra ba ki buh khnang na ka bynta ki nongwan wir wan hap. Sha ka liang kamon ka lynti pet ki don ar tylli ki jingkhong ban rung sha ki kamra thiah. Saw tylli ki kamra thiah kiba la snoh lang shijur shijur. Shadien bad

sha khmat ki kamra thiah ki don artylli ki kamra pule kot. Ka iing kaba la beh bha kaba u kpa u la mang ban shong khatduh tymmen.

U Sonny u shong ha kawei na ki shuki bamja. U kyrshan da ki tymbuit halor miej bad u bat ia la ka khlieh da ki kti baroh ar. U khapbrip ki khmat bad u sngew ba ka la win bha ka khlieh. Um kwah khieh namar katba u dang leh kumta u iohi ia ki khlur ba ki iaia sawdong ia ka jylli kaba ha khmat jong u. U peit shlip ia ki bad u iohsngew ba ka Nilma ka plie bad ka khang ia ki almaru kiba hadien jong u. U iohsngew ba ka sei aiu re bad ka buh halor miej.

"Sonny! hei Sonny! Phi la thiah ne, peit hangne, kane ka dei ka jong phi."

U Sonny u plied la ki khmat. U iohi ba ha khmat jong u don u bitor brandi uba rit, kawei ka klat bad ka um shi jok.

"Phi mut ban leh aiu ia nga? Ban pyniap ne ban pynlamwir?" U kylli dom.

"Ka la kulmar kam nang shuh ban jawab ka shu ang sah "Nga pyrkhat ba Phi dih em."

"Dih, ho-oid nga dih tang ba ngam dei u buaid"
"Te kumno kumta, ngam sngewthuh,"

U pynjem pat ia la ka sur bad u ong "Oh, peit shane thei, phi ai ia nga shi klat ka dud. Nga dih la ka dih wat la nga sngew ba ka sma aiu re. Nga ngeit ia ki ktien jong phi ba phi ong ka jingkhreh kaba kyrpang. Nga shem ba nga buaid pynban. Phi thok bad phi pyndih ia kaei kaba ngam tip shuh. Mynta pat phi kwah ia nga ba ngan dih sa ia kane. Em, ka bym lah long".

U aiad ia ka shuki shadien, u ieng joit bad u ong. "Hangno ka elektrik jong nga?"

U leit sha kamra shongkai ban peit ba ka jaka ba u buh. Hangta ruh kam don. U mih ha baranda had u khot "Sandhya, Suma, phi iohi ia ka sharak jong nga?"

Ka Nilima ka shu bud sah ia u khlem kren.

Ka Sandhya ka wan her sha kaba ki don, ba kam tip ei ei ka kylli "Phi kwah aiu Jamai babu?"

"Nga wad ia ka sharak te, phi la iohi ne em?"

"Eletrik! Ban lei?" Ka kylli biang.

"Nga kwah ban leit noh."

"Leit noh!" ka leh lyngngob," Nga tip hangno kan don tang ba" ka la kyrngah artat la ka khlieb "ngan ym iathuh ia phi." Ka her bak.

Kato ka thei bhabriew ka la lah ia u. Ka jubab jong ka ka dung ia u kum u nampliang. Ka pynkyndit ia u bad u kynmaw ia la ki jingbakia.

Ka Nilima pat ka shu ieng na shadien khlem kren.

U Sonny u phai sha ka Nilima. U bat ia ka na ka kti bad u ring sha kamra bam khlem ang shi kyntien ruh. U iohi hangta ia ka jinglebrain jong ka ba kam lah khyllie shuh ia la ki kbmah. U pynshong ia ka hajan ka shuki ba u shong mynshuwa.

"Nilima," u ong "peit hangno ngan iathuh ia phi. Ka bha ba phi weng noh ia kato ka mat sngewsih jong phi. Nga dih tang ba ym dei kumne. Nga dih na ka bynta ka lok tang ban ia shugain lem. Ha ka jing-shisha ngam dei u nongdih kiad bad ngam ju dih marwei. Kato ka dud jong phi ka la lah trei lypa ia ka khlieb jong nga, lada nga dih sa ia kane na u bitor ngam tip shuh aiu kan jia lehse ngan iaid da ka khlieb. Te ba phi la khreh kanang ngan dih tang ba ngan ym dih marwei. Phi sngewthuh?"

"Kane baroh kaba dei tang na ka bynta jong phi,?"

"Nga mynjur. Ai ia nga sa kawei ka khuri lym kumta te buhnoh ia u bitor,"

Sngewbha map, ki kynthei kim ju dih."

"Hangno ka wain ka lut lada ki kynthei kim ju dih."

"Ka shu sngap sah jlang namar ba ka tip ia ka jingshisha. U Sonny u ieng bad u plie ia ka almari, u shim kawei ka klat bad u buh halor miej.

Ka Nilima ka shu peit sah.

U theh khyndiat khyndiat ha baroh artylli ki khuri nangta u, pyndap da um.

"Shim." u ai kawei ka khuri ia ka.

Ka bat ia ka khuri.

"Cheers!" u ong bad u rah artat ia ia ka khuri sha jrong. Ynda u mut sa ban dih u iohi ba ka kam khuh u buh biang ia ia ka khuri holor ka miej.

"Sngewbha seh Sonny, nga te ngan ym lah ban dih," ka ong.

Khlem kren u rah biang ia ka khuri haduh ki rymmiang shyntur. U kjit khyndiat. U sngew ka bang. U kjit biang shi shyntur bad u thang sa u sikret. U kham bun ktien bad u pyndap ia ia ka klat. U shim sa ia ka khuri na ki kti jong ka sukt u pynthylli ia kata ruh.

Ka theh sa khyndiat eh ha ka khuri.

U shu peit ia ka,

Ka phuh samrkhie.

U te em. U nguid biang ia kata baroh.

"Ngan theh shuh?" Ka kylli.

"Em, khubiei shibun," U dih sa da ki sikret Ka tdem sikret ka kyllain sawdong ia ka khlieh jong u katba ka dang kiew artet sha jrong. U Sonny u sngewthuh ia ka jingtrei ka kiad bad u khapbrip ngain ki khmat.

Ka Nilima ka pynkhuid ia ka miej ka thep noh ia ki bitor ha almari, ka leit lum ia ki para jong ka baroh bad ka iathuh ba kin ia bamja noh.

Ka bamja miet aiu kaba la muja palat. Tang ka rkhie suda. Baroh baroh ki ia kwah kren bad ka kamra ka riew ir shi ir tad haduh ba kin da la ia kdang. Katba kin da ia dep baroh ka poi haduh khatar baje myn-miet bad baroh ki ia phai sha la ki kamra.

"Thiah suk Jamai babu."

"Thiah suk, thiah suk."

U ap tad haduh ba kin da leit baroh.

"Thiah suk Nillie," u ong "bad khublei shibun eh na ka bynta kane ka miet kaba nga da sngewhun jrut." U iaid ngung ngung ia ka lynti ban mih shabar.

"Phin leit shano?" Ka kylli.

"Ngan leit noh lah miet? Phin sngewbha ban al ia ka sharak jong nga. Ngan donkam namar ka dum hangtei ha ngi."

"Katne miet? Em, phim dei ban leit. Phim dei ban mih nangne la katta por, Katei ka kamra ngi la pynkhreh na ka bynta jong phi. Sngewbha thiah noh hangne."

"Em," u ong, "Ngam dei u riewdonburom. Nga dei u buaid. Nga lah hi ban poi iing." U iaid shaphang jingkhang.

Bran ka ber sha khmat jong u bad ka leit ieng ha khmat jingkhang ka da kah da ki kti artat.

"Sonny, sngewbha sah noh hangne mynta ka miet Ngan ym pyllait ba phin leit. Kane ka dei ka jingkyrpad ba khatduh, sngewbha sah bad ngi mynta ka miet."

U peit shiphang ia ki khmat jong ka u da kyrbam ia ki rymmiang shyntur bad u kyrshan ia ki kti ha skhep.

Ka ruh ka shu peit sah ia u:

"To kong." u ong "Ngan kohnguh ia phi sa kane shisieo. Kynmaw kein ba phi la pynbor bad dawa palat na ka bynta ialade. Mynta ka dei sa ka kynti jong nga, phi sngew? Nga ruh ngan ym shahskhor ia ki daw jong phi. Ialam la nga sha kata ka kamra. Nga la thait bad nga kwah pynjlih noh.

Ka sdang baa puh samrkhie biang. Ka bat ia ka kti ka diang jong u bad ka ialam lyngba ka kamra bam sha ka kamra thiah jong u.

"Kane ka dei ka kamra jong phi. Ka dei ka jong phi mynta ka miet bad ha kano kano ka por ba phi kwah ban pyndonkam."

U iaid beit beit sha jingthiah bad u twad ia ka tusok. Kaba jem bad kaba rben. Ka don ka shuki shaniah kaba lah ban khylliap kum ka jingthiah ha kawei pat ka liang. U leit bad u shong ha ka. Ha kata ka por ki ksing habar ki sawa, lehse u nongpuja u sdang ia kawei pat ne ka la kut kawei ka bynta pynban.

"Sngewbha khang ia kato ka jingkhang." U ong ia ka.

Ka kohnguh.

"Phi mut ba ngan thiah hangne marwei?" U kylli.

Ka kohnguh khlieh.

"Nga sngewsih shibun, ngan ym thiah hangne marwei. Nga tieng, katba phi baroh phin ia don shaduh shatai."

"Phi da tieng shisha? Phi tieng ia ei?"

"Phi dei ban thiah ha kane ka kamra lymkumta te nga la leit. Mynta te la phi ai ne phim ai ruh ia ka sharak jong nga, ngan leit la ka leit."

Ka Nilima ka pynhap ia lade bhok ha kawei pat ka tduh jong ka sbuki. Ka dum buit jlang la kumba la lip lut ka sngi bad ki khlur. Ka pyrkhut bun kici kiei hynrei kam lap kano kano ka lad ban lait. Ym pat slem ba ka ithuh ia une u samla bad kata ka jingithuh ithaw ka ring ia ka sha tmier riat. Ka la jan hap sa tang ka por kaba tip.

"Sonny, phi sngewthuh hi aiu phi kren? Phim sngewthuh ba ka jingdawa jong phi kaba la palat bad bymlah pel phang? Pyrkhut sa ma phi ia ka samla ba kan ia thiah lang bad u samla ba kajub ka kamra, aiu ki briew kin óng. Phi dei u briew uba sian bad uba stad ryngkat ka kyrdan bad ka burom kum u Ophisar jong ka sorkar. Bishar hi ma phi ia la ka jong ka jingdawa kumba phi bishar ia kiwei pat. Phi dei u rangbah, nga pat ka kynthei kaba tlot. Shisien ka apot junom ngan shgewsih. Ka nam ka burom bad ka kyrdan jong nga junom kin putom. Sonny, sngewthuh kein noh kum ia kita ki jingpyrkhat. Khie leit thiah noh bad nga ruh ngan leit pynaram noh hi." Ka ieng ba ka mut artat ban iaid noh.

"Nga sngewnguh na ka bynta ka jingstad jong phi. Ki jinghit bad jingkhir jingmut kim tip aia, dei kumta ba

phi hikai ia nga. Mynta ba nga ia dih kiad phi lah ban pyrkhath bakla ia nga. Lada nga buaid ne ngam buaid ruh ka kblich kam bakla. Ka dei ka jingkyrpada jong nga, em, ka jingdawa jong nga ba phi dei ban thiah ha kane ka kamra. Hynrei lada phi pyrkhath ba ka jingdawa jong nga ka la khia palat than eh kat haduh ba kan da pynliem ia phi bad ia ka burom jong phi, phi lah ban kyntait. Khie leit da kaba suk bad nga ruh ngan leit kat sha kaba nga sngew mon. Ym donkam ia nia ym donkam ia mai. Nga da mut ia kaci ba nga ong."

Ka peit ia ka sad khlem ang shi kyntien ruh.

"La miet bad ka por ka la nang her." U ong u sabam artat.

"To," ka ong. "Ngan leh kumta." Ka da peit sha u kum ban kyrpad.

U Sonny u phai neh na ki khmat jong ka.

"To kata, nga ong ho - oid " Ka kren kumba ka da ktha ia kawei pa kawei ka kyntien.

U Sonny u khreh thiah. U iohsngew ba ka khang ia ki jingkhang. U iohi ia ki sharak ha kamra bam ba ki lip bad ka wan ka da phong da ki jain thiah. U leit shaw ia ka na jingkhang bad u ialam sha jingthiah.

Kam treh.

"Nillie" u khroh katba ka dang shim ia ka syngkhlich bad ka jain tap jingthiah. "Nga don ka jingtyrwa ban ong, Peit hangne leit, nga leit ia phi. Ngam pat ju ia kynduh ka briew kaba shur bad kaba smat kum phi. Nga tyrwa ban shong kurim ia phi. Phim treh."

Ka la thajt palat, ia kata lah ban iohi na ka khmat jong ka. Ka ai shi thap tang ba ka syngkhlich bad ka jain tap jingthiah ha ki kti jong ka ki wit pyrshah ia

ka jingleh jong ka. Ha ka jaka ka jingthap ka kti jong ka ka shu syarud ia ka ngab u Sonny.

U Sonny u rung pynkloi kluk hapoh ka jain skain.

Ka pynhap ia ki tiar na ki kti halor shuki ka iaid shaphang ka jingkhong bad ka sangeh khok. Nangta suki ka phai bad ka iaid suki bha tuin sha ka shuki bad shong kum ka bymtip brierw.

"Phin ym iobthiah hangto Nillie, ki skain kin kjit snam baroh shimiet. Ale hangne ieit, ngan pyllait kane ka jaka ia phi."

"Ki mat dait ha ban da jrem tang na ka bynta jong phi."

Ki sbarak ki lip. U Sonny u la thait ian. U la pyn-jrem ia la ka met baroh shi janmiet, nangta sa ka bor jong ka wain bad ka dud kynja ki trei ia ki thied ki jaw jong u. Ka jingsamthiah ka kiew ha ki khmat, Shen hadien um lah shuh ban ialeh pyrshah ia ki khmat. U thiah beit kum uba iap. Ka dawai ia ki jingjynjar myn-siem ka syrpaia ia u bad u ruh u pynkie ia lade hapneh jong ka khlem tipbrierw, sa shiphang u klet ia baroh ki diengpynkiang ka jingim. Katno sien shuh u kylla na kawei ka dong sha kawei pat, um tip satia. Lada u la kylla thiah shisha ruh um lah ong.

U kyndit shuwa ban kynjat shai u shem pynban ka met brierw hajan jong u ka phai da ka ingdong sha u. Ka dei ka Nilima. U syrpad ia lade shajan jong ka bad u twad ia ka met jong ka. U iohsngew ka khriat na khlieh ha kjat. U pynkup ia ka da kajuh ka jain ba u kup. Suki u tan ia ki tyrpeng jong ka bad u pynkylla ia ka. U pasiaw "Nillie, Nillie" um ioh jubab. Ki khmat jong ka ki khapbrip. U wad ia ki rymmiang shyntur, ki ruh ki pjah slam bad kim khib satia. U wah ki kti sawdong ia ka bad u kdup hynrei kam khib. U sdang ban tieng, ia katta ruh u ieh ia ka kti sawdong ia ka, u pyn-nob ia la ka shalagmat haduh ba kan da kynduh ia ka

shalangmat jong ka. U iohsngew ba ka ring bad pynhiar mynsiem bad ba u klong snam jong ka u sted kumba mareh thong. U khapbrip ngain ia la ki khmat bad u kjit lang ia kajuh ka lyer ha ki thlew khmut jong u. Ki ksing habar ki kynoi thiah sa shisien. U iohthiah pat.

Mynstep u kyndit ba ki jong ka Suma, ka Geeta bad ka Maya ki rung ha kamra thiah jong u bad ki ia rkhie ba la ka kren kyrtok khynnah. Kaba nyngkong kaba u leh ka long ban peit ia ka jaka ha kaba ka thiah ka baieit jong u. Kam don hangta. U iohsngew ia ka jingpasiaw.

"Suma, Geeta, Maya, iaid shane runar. Wat pynthut ia u Jamai babu leh un da thiah shuwa."

"Ka dei ka Nilima: Ka beh ia ki khynnah shabar. Ka iaid haduh jingkhong ka khongoid bad mian mian ka ring ban khyrdep ia ka jingkhong,

"Good morning darling. Ym donkam khong shuh. Nga la lah khie."

"Good morning." ka ong ka plie biang ia ka jingkhong. "Nga sngewsih ki khynnah ki pynthut ia phi. Ap ngan da leit shim sha ia phi."

U Sonny u thiah biang da lyndang u da puson bha ia kiei kiba la jia mynmiet. U pynshong nia la kiba dei ne ki bymdei ban long. Kumno ba u nud kat haduh ba un da tyrwa ia lade. Um sngewhun satia ia ki kam jong u namar um lah ban thew bad ban mir ia ka jingmut ka Nillima. Ka jinglong jai jai jong ka ka man pynban kum ka dieng pynkiang ia U Sonny. Kam shym pyni dak ei ei ba ka mynjur ne em ia u. Kumno ba u pynbor ia ka ban thiah lang ha kajuh ka kamra, dei ka kiad ne kumto ne ba u shu leh ruma khlem tip briew um lah ban ong ei ei. Lada kumno kumno ruh u thrang hir hir tang ia ka Nilima hi. Ha u hi ka dei ka samla kaba i hun. U sdang ban sngewieit ia ka bad kata ka jingsngew ka nang jur katba nang mih kawei pa kawei ka khyllipmat. Ha kaba khatduh u sngew ba

kam dei ka jingbakla, ka dei ka jingieit bad u leh ia kiei kiei baroh namar ka jingieit.

Ka Nilima ka wan bad ka jingrah khuri ha ki kti. Don tang kawei ka pela. Ka theh sha bad ka a: ia u.

"Balei phim wallam sa kawei, phi pat?"

"Nga la dep naduh hynne," Ka jubab ka khyllie artat ia ka jain skain. "Nga la dep sum ruh bad nga la sait ia ki kam bieit barob."

U kyndit thret.

Haba ka lohi ba u leh kumta ka ban biang. "Kaba shisha te Sonny, nga la sait la pop la jong."

"Mynno phi leh? Ym don ba leh kumta. Lada phi ong ki jingbakla te nga mynjur. Ong lem seh nga la leh bakla ne kumno? La kumno kumno ruh ka jingtyrwa ka sah. Sa da pyrkbat suki jai."

"Nga don la ki kular."

"Kular? Iaei? Ban shong khynraw?"

"Ho-oid, kata kaba dei"

U sangeh khok bad u dih ia ka sha.

Khlem kren ka talain ia ki kam iing. Ka pynbeit ia kane katai. Ynda u la dep dih sha ka leit ban shim ia ka jingrah khuri bad ka ong artat "Sonny khie noh." Ka kdew da ka shyntur sha ki artylli ki jingkhang ka ong. "ka painkhana, ka kamra sum. La jao dei ka por bam". Ka iaid bak.

U Sonny u khie joit ka tang shu la leit u khang ia ka jingkhang dadien bad u ieng sah hangta. U phai sha ka kamra baroh kawei hynrei um kynmaw aiu u lohi. U shaniah sa ia ki tympeng ba ka jingkhang badien nangta sa ia ka khlieh de u da kyrahut artat ba ka jingkhang bad

suki u khmied shalor sad da lyndet tad haduh ba un da rohi ia ka bynta ba shalor jong ka jingkhong ba ka dait sbrak ha ka shawkad. Suki u pynpar ia la ki khmat sha kynroh bad sha ka and bad u sngew ia lade kum u sniang.

Ki bam ja step da ka khishuri bad ki mithai. U Sonny u shong na kawei ka dong bad ka kmie jong ka Nilima na lawei pat. Ka Nilima bad ka Sandhya ki shong na kamon bad na kadiang u Sonny bad kiba rit pat ter ter. U Sonny u shu sngap. Ka kmie bad kiba rit ki sdang ban iathukhana. U Sonny u shu ong beit hood bad em. Yuda la dep u ieng ban leit noh u khublei ia ka kmie, ia ka Nilima bad ia ka Sandhya. U phai sha kiba rit pat ia ki ruh u leh kumjuh. Ia ka Maya kaba rit eh u kdop u doh bad u ia leit noh artat.

.....

4 Ka miej ophis kaba shisien ka sngi u isih sat mynta pat ka pher. Ka jingbtai ia kajuh shi kajuh ka kam, kam don shuh. Ki rymmiang shyntur baphuhmat bad ki khmat kiba kohnguh briew jong ki nongtrei jong u kim pynsalia shuh ia u. Ka la kylla nadong shadong. Ka jingkylla kam dei ba ki pynkylla ia ki jingtrei ne ba ki shem ia kino kino ki jingpynpyngogad jabiang ba thymmai. Em, ha ka jingshisha ym don ei ei ruh kaba kum kata. Kaba kylla hi ka dei tang ka jing mut u Sonny. Kynsan kynsan ka ophis bad ka miej kaba bun kam ki long pynban ki jingaram ha kaba u pynthanda ia la ki jingmut jingpyrkhat bad ki long ruh ki shynrong bad ki jaka rieh ha kiba u buhriei ia la ki jingmut jingpyrkhat. Ka pynshaiong buit ia baroh haba u sdang ban pyndep ia ki kam baroh bad ba u pan shuh shuh.

Ha kawei ka sngi u phah ia ia u khyannah ban leit kit khubor u da bthah ia u ba un ai ia ka shithi ha ka Nilima bad ban ap jubab lada don ba un wan rah. Ka shithi kaba lyngkot kumne : "Nillie baieit — Nga tip ba ka long kaba eh ia phi ban pdiang ia ka jingtyrwa jong nga. Namar-kata, nga weng noh, ia ki jingtyrwa jong nga baroh. Nga sngewsih ia ki jinglebbieit jong nga baroh bad nga

kyrpad ba phin map bad phin klet. Nga kular ban sah kum u lok uba shanjah — Sonny,"

U khyannah u wan phai thylli bad u Sonny u sngew kumba u la shah dain haba biang hi shiak. Ka khmat jong u ka sdang idiaw katba ka ding hapoh jong u ka nang lip. Um pat ju sngewpoh katta ha ka jingim jong u. Wat lada la weng noh na u ia ka pansngiat ka jingim, un ym jin da la sngew wat tang shiteng ruh na ka jingkyntboh ba ka samla ka kyntait ia u. "To, kam pher," ki mih na ka shyntur jong u.

Hadien katto katne sngi u ioh ka shithi ba ka soi ka Nilima ka khot dibsha sngewbba ia u. U kyntait bad u da leit jingleit khnang shabar Silchar ha kito ki sngi.

Ki sngi kiba khatduh u 'Naiwieng ha Silchar ki pyn- kynmaw ba ka por khriat ka la poi. Ki briew kim da kham iaid miet shuh, hadien phra baje ei ei ki surok ki la suda. Ka ir - ir bir - bir ka kaw - kaw daw - daw kaba ju long ha ki por shit ka la jah. Ka shnong ka thaw ka kham kynjah bad ki briew ki kham hun ban sah hapoh iing. Mynstep bad mynmiet donkam ban phong jain syaid.

U Sonny ruh u sngew khriat. Mynstep u khie na jingthiah ynda la kham sngi bad kham syaid. Wud lada u la pyndep ia ki kamram step jong u ruh, u sngew muja ban kiew biang ha jingthiah bad hangta u kli da ka ryndia bad u shong kyllain myngngor ban pule kot. Ha kawei ka step u pule ia ka kot "Northward flows the Don." Katba u nang pule u sngew kumba ka jingkhriat jong ka ri Russia ka dait ia ki shyieng jong u. U ring ia ka kombor bad u sdang ban kli nalor ka ryndia haba u khyannah u iathuh ia u ba iwei i khyannah kynthei i wam wad ia u bad i don ha kamra shongkai. U khylliap bha ia ka kot, u phong ka patlun bad ka sopti - poh bad u mih. U da phylla ban shem ia ka Sandhya ba ka ieng haba u rung ha kamra shongkai.

"Ani i Sandhya du ! Shong seh. Kumno kumta phi poi dang step ?" u kylll.

"I Nildi i phah ia nga ban kylll ia phi lada phi lalt ne em ban wan bam ha iing jong ngi la shibit mynmiet."

"Don ei ei kaba kham phylla ?"

"Em," ka ong khuid mynsiem.

Um kren shuh ia kata ka liang. U pyrshang ban kren bad iathuhkhana ia kiwei pat kiei kiei. U kwah ban pynduh ia ki jingsngew lehrain jong ka namar u iohi ba kam da shlor eh. U bthah ia u khyannah ba un theh sha katba u dang kren ia kane katai. U sdang da kiei kiei ki-ba ka sngewtynnad bad u ia kren bad ka. Suki ka ruh ka ia shim bynta lem. Ka poi sa ka sha. U da peit bha ba ka la dep dih bad ba ka la iebnob ia ka pela. Jalade pat u dih suki jai ryngkat bad u sikret ha ka kti ka diang. U sdang ia kaei ba u la puson ha ki shi sngi ar sngi ba la dep.

("Sandhya", u ong u da phuhsamrkbie artat "Phi dang kham rit ban ia nga. Phim pat pyndep ia ki jing-pule ruh. Nga la kham heh ban ia phi lehse saw ne san snem pynban. Nga kwah ban kylli ia phi kawei ka jingkylli, Em, nga mut ban buh ka jingtyrwa.

"Kaei Jamai babu ?" ka kylli.

"Phin shong kurim ia nga ynda phi la pass B A ?")

Ka ang sah ia la ka shyntur bad ka tap da ka kti kamon ka ia rkbie khniot artat "Jamai babu" Ka pyr-khat ba u kren kai.

"Ho - oid kein. Ngam kren kai. Nga da mut shisha. Nga ihun sat ia phi bad nga kwah ban shongkurim ia phi. Phi pdiang hi ia nga ? Mynta ngam kwah ba phin ong hooid ne em. Kbie da kylli shuwa ia ki ba ha iing jong phi bad sa ai jingtip ia nga hadien. Namar kat ka rukom ka dei ban long kumta."

Kynsan kynsan ka rong ki ngab jong ka ka kylla. Ka kiew ka rong saw. Kam nud shuh ban peit pyrshah ia u. Ka pyudem ia ia ka khieh bad ka kylli 'Ia i Nildi pat, nga pyrkhath ba phin ong ia i Nildi."

"Ka dung ia u ngak. La um dei ban iathuh ia ka pynban ka jingkylli bad ka jingleh jong ka ki pynbor ia u ba un pyllait jynhaw. "Im treh ia nga." u iathuh ia ka.

Ka phai kynsan sha u da ki khmat kiba heh pyllein kumba kyndit na ba iohthiah. Kam ngeit ba kita ki ktien ki mih na ka shyntur jong u. Kam sngewdei ruh ha ki shkor jong ka ba ka hynmen jong ka kan kyntait ia u.

"Kyntait ia phi!" ka ong biang ia ka kyntien "kyn-tait." "Jamai babu, ka dei shisha kumta? Kumno ka lah ban long?"

"Ngam tip ia ka balei bad kumno. Kaba nga tip ka long ba ngam dei u briew uba bit na ka bynta jong i. Ngam don shabi bad ngam lah iohi ia ka dohnud jong i. Lehse i la pynpaw ia ki jingmut jong i tang nga te ngam pei-phang satia."

U sangeh shiphang bad u peit ia ki khmat ba wad jingtip.

"Kynmaw ia kata," u ong "bad nga kwah ba phin a jubab. Ngan ym wan mynta ha iing jong phi lymne la-shai ne la shisngi. Lada phi sngewbha phi lah ban buh da kawei pat ka sngi bad nga ong ia phi ba ngan pdiang da kaba sngewnguh."

"Ngam sngewthuh sngewthaw, nga mut ia i Nildi." Ka peit ia ka jingkhangiit kaba ha pyrshah ki khmat jong ka. Ym i don ei ei ha kito ki khmat lait noh ba ka sngewphylla aitu - re bad ka sngew icit bad sngewjan.

"Nga sngewmat phi sah ha ka lynggeh kumba nga long ma nga. Lada phi don por ngin pyrshang ban thir tang ba ki daw ki bun palat ban ia kaba nga lah ban sngewthuh."

Ka pyashah bha ia la ki shkor.

"Kaha nyngkong, ym dei tang hangne hynrel ba ka ri jong ngi bi, ngi niew sting ia kiwei ki jait. Ka jing-sngewjait ka khie lung bi halor ki shiah rakot jong ka jingngert. Ka niam ba ka jaka ba kan tei bad mait lynti ia ka mynsiem sha kiei kiei kiba bha ka man pyn-ban kum u naphiah. Ngi khein ia kiwei kum ki mynder bad ngi sngew ia la ka jong kaba la pynsteh da u Blei. Wat la shisha u Blei bad ki nongseng ia ki niam ki rukom ruh kumjuh kim ju thmu ba kum kane ka raibi kan biar halor jong ngi. Dei ma ngi ki longdien kiba pynbyrsieh ia lade ha ka kyrteng ka niam.

"Nga tip ba i Nildi im ju pyrkbat kumta. Ngi tip bha ia ki jingmut jong i nalor nangta i la pule ha ki skul bah ka jingiadei briew."

"Kawei, ba ngim lah ban tip nadong shadong "Ki skulbah, wat la ki heb bad pawnam katno katno ruh ki lah ban pynwandur tang ia kaba shabar, katba kaba shapoh bi ka sah kumjuh. Kaba ar pat i la kham nang kham stad ban ia nga." U sahngch shipor. "Ka lah ban long ba in kham lah ban ioh ia u soh ka jingim jong i da kaba shong khyrrow. Mano ban tip ruh ba im pat ia kynduh bad ka shyieng krung la jong. Ym dei kumta?"

Ka kohnguh khlieh.

"Tang ba kine baroh ki dei tang ki jingtharai stad suda. Ym donkam ba phin pynshitom ia la ka khlieh na ka bynta kine Ym dei ruh ba phin pynshitom jingmut ia i Nildi da ki jingpyrkhat lamwir jong nga. Nammar ngan sngewsih shikatdei ch lada phi leit iathuh ia i Nildi shaphang kine baroh Kine ki lah ban pynlamwir ia i. Phi kular hi ba phin iathuh tang ha i mei ia ka jingtyrwa jong nga?"

"Nga kular." Ka ong.

"Balei phim hikai shad hikai tem?" U pynkylla bak - ly - bak ia ka khana.

"Nga dang hikai. Ha ka jingshisha nga dang hikai tem guitar."

"Phi la hikai! Kaba bha. Ngan sa wan sngap kai ia ka jingtem jong phi." Nangta pat u ong "Kiba bha-briew kum phi, ki dei ban nang. Nga sngewtynnad bha ia ki nongtem. Kbie leit mynta, ngan sa ia shem pat ia phi ryngkat bad ka jingtem. Shaphang ka jingtyrwa pat kynmaw ba ia ka nam, ka burom bad ka kyrdan, kine ki dei ki ktien kiba nga la iohsngew la kham bunsien."

Ka tang shu leit hi u Sonny u jinjar ha la ka mynsiem. Kaba u pyrkhut ka long ba kumno ka jingtyrwa kaba ar kan long. Kaba nyngkong ka la ngop. Kaba ar ruh ka lah ban long kumta hi. "Shish ka jingbieit ban tyrwa kai ia laue ar sien lai sien ha ki briew ki bymmon."

U peit shabar bad u iohi ia ka Sandhya katei la sha jngai sa ba kan phai sha kaba um iohi shuh hangta u kylli la lade. "Hangno ka nam jong me Sonny?"

U rung ha kamra thiah, u loit ia ka patlun bad sopti pob, u kiew ha jingthiah bad u bsuh hapoh nep bad ka mai artat ia lade "uei u ba hikai ia me kumne? Ym dei ba me bret ia la ka burom ha ki kjat ka jingrkhie bein. Bret ia u mawlynnai ha khmat ki sniang, kin kyl-lan ktieh ha ban da biang. Ka bha ba me phet noh na Silchar shuwa ba men shah kynnoh."

U khapbrip ngain ki khmat hynrei kijuh ki jingpyrkhat ki iai ther, "Me pyrkhut ba me dei uba beh he, ka kam khleh bieit aiu ba me phyrngop kai ia lade ha ka jinglehrain. Aiu kiwei pat kin pyrkhut? Me ong ki briew kim ju pyrkhut me pat ha ka jingbieit me la pyn-iap sa ia ka jiangiatiplem la jong baroh. Me dei u shynrang uba tlot na ki briew baroh." Ka mynta bad ka lashai kin rkhe ia me. Men long u mot jong ki synjor mynsiem

ha ki pot ki ban sa wan bad ia ka kyrteŋg jong me yn thoh da u mawthoh u bym lip shuh kum uba khlem dor na ki mrad baroh."

U sngew ba u kyrsum ia lade ha ka jinglehrain na khlieh ha kjat katba ki jingpyrkhat kiba kum kine ki kiew ha ka jabieŋg jong u na kawei ka sngi ha kawei pat. U khmih lynti ia ki khyllipmat ha kaba yn mait noh ia ka jingsarong jong u. U pyrkhat ba ka jingpihuin bad ka kput kylliang ki dei ki lad kiba bha tam eh. Um sngew hun shuh wat ia ka bam ka dih ruh. U jinjar mynsiem bad u sngew ba ym don shuh ba lah ban ia-rap bad ba u sah marwei khlem nongiarap. Un jin da la pynkut ia kine ki jingjynjar baroh ha wah Barak ne ba un her jyndat na ka jingiadei breiw ha Silchar. Kine baroh ar kim ia hapjingmut bad u Dei tang ki jingtrei ha ophis kiba ai jingtngeŋ ia u namar u sngew ba um lah ban

tap lup ia la ki jingsngew baroh ha lyndet ki phail. Kumta ka mih ka jingsngewhun ban shong miet ha ophis ryngkat bad ki kynton ki phail ha ka met jong u.

Ki sngi jong ka taiew kaba nyngkong jong u nai Nohprah ki dei ki sngi kiba bunkam palat. Teng teng um don por wat tang ban dih sha ruh. Naduh shiphew haduh san baje u dem ha la ka miej. Haden san baje ynda u sngew ba ka khlieh ka la sdang king, u laid sha iing kum u buaid. Dei ha kawei na kito ki sngi ba u Kerani jong u u iathuh ba iwei i kynthei i telephone ia u la ar lai sien. U Sonny u bthah ia u ba un iathuh ia ita i briew ba in telephone hadien katto katne por. Kumta ha ka por ar baje ei ei ka riew biang ka telephone.

"U kren u Roy." U ong.

"Nga dei ka Nil."

"Nga lah ban leh aiu na ka bynta jong phi?" u kylli pynch.

"Ym da dei eh haduh katta, nga mut ..."...

"Nga bunkam mynta," u knieh ktien. "Bha ba ngi ia kren ba kiwei pat ki por." U da buh tyngch ia ka telephone bad u ring artat ia ka kham hajan iaiade.

Ka telephone ka riew biang sa shisien.

"Roy," U kren pynbeh ryndang. "Oh i Sandhya, balei jia aiu?" Ka sur ka biar kynsan kynsan "Phi ong kumno... ngam sngewthub bha. La shibit myn-miet? To ... ngan sa wan ... por hynriew baje ei ei. Kaei? ... Kumno pat ia kato? Nga mut ia kato kaba nga ong ba phi ba kato ka step ... Shisba? ... Ka bha ... to ... khublei,"

U Kerani jong u, wat la u leh bunkam katno katno ruh, u sngap bha kliaw ia kawei pa kawei ka kyntien ba u Sonny u kren ba ka telephone. U pyrkhat ba u kynrad jong u u donbok ba ki khynnah kynthei ki shur iap shur im. Ha ka jingshisha, um pat ju iohi mynno mynno ruh ba u ia iaid ia ieng bad ki khynnah kynthei. Wat la u la iohsngew ia ka hamsaia ba u shait ialeit iawan bad ki arngut ki khynnah.

Janmiet u leit sa shisien ba iing ki Acharjee, Baroh arngut ka Nilima bad ka Sandhya, ki ap ia u. U tang shu rung ha iing, ki khang ia ka jingkhong. Ka Nilima ka buh ia ki khynoah ha la ki kamra khreh kot ka shim ia ka kti u Sonny da ka kamon bad ia ka Sandhya da ka kadiang bad ka ialam ia ki baroh arngut sha ka kamra ba la buh na ka bynta ki mongwan wir wan hap. Hangta ka ring ia ka kti jong u bad ka huhum.

"Bat ia ka," ka ong biang "bat ia ka, ia ka jingtyr-wa jong phi ngi la lah mynjur bad ngi ap sa ia ka rai na i Pa."

Ha u hi u sngaw kum kaei re kaba ta lah pyn-beit lypa. U phai sha ka Sandhya bad u wiak sam rkhie, ka ruh tang ba dang jur ka lehrain.

"Ka ktien ngi la lah skhem sah sa tang kajing-pyndep rukom," kren shongshit ka Nilima.

"Khublei shibun eh " u ong "Imat phi ruh phi shim bynta lem ha kane. Ka nam kan sah ka jong phi."

"Ngam len ia kata. Nga la leh " Ka phuh samrkhie.

U sngap jak shiphang hadien kata u pynnoh ialade ha ka shuki sop syngkhien.

"Oh shisha, Sandhya, hangno kata ka guitar jong phi? Wan rah ngin sngap kai ia phi."

"Ap ho," Ka ia mih artat,

"Ynda la leit ka Sandhya, ka Nilima ka ong, "Sonny, phi la dom bha ia nga ym dei?"

"Em " u len,

"Nga sngew kumba phi dom ha ka telephone."

"Nga dang bunkam ha kato ka por."

"Phi sting kam jai imat tang shu kren ka Sandhya "

"Nga dei ban shahshkor haba phi ia kwah ban kren "

"Kam dei satia kaba sniew."

"Kaba phi ong myntan kaba dei. Nga la salia. Nga dom ruh. Balei ngan buhrich ia ka jingsbisha? Nga long kumta naduh ka khyllipmat ba nga tip ba phi kyntait ia ngi."

"Ka Sandhya ka la wan, ngan sa ia kren pat bad phi."

Ka Sandhya ka jam kum ka syiem beit beit sha jingthiah bad la ka guitar. Ka buh ia ka guitar halor jingthiah, ka tynsat ia ka tduh sari ba synkai bad ka shong.

"Phi kwah ngan tem ia ei."

"Tem da kano kano baroh." Baroh arngut ki ia ong.

Ka Sandhya ka pynbeit ksai bad ka sdang ban tem ia ki jingrwai u Tagore. U Sonny u peit kai kyndiang ia ki ktijong ka, katba ka dang tem ia kawei hadien kawei pat; ka sur jingrwai Bengali ki por mynta, sa ki sur

Hindi. Ka tem ar lai sien ia kajuh. Ka bit bha ban tem shi sur; ka kti kadiang jong ka ka iaid beit khlem donjingduna, ki shympriahkti kamom: ruh ki wob biang ha ki ksai. Ka duna sa tang ban pynkhynniuh bad ban pynhap sur.

U Sonny u ieng joit naba shong, u leit hajan jong ka. U shim ia ka gitar na ka bad u shong ba syndah jong ka. Da ka sati 'tikmie u bsiat ia ki ksai baroh Ki ksai ki biang. U tem kawei ka sur phareng u pyni artat ia ka kumno ban pynkhynniuh ia ka kti bad da kumno ban buh ia u bar ban pynrap sur.

Ka Sandhya ka pynsbah skhor bha ia ki jinghikai jong u. Ka pyrshang ryngkat bad ki jingbakla hangne hangtai. Haba u iohi kumno ba ka pyrshang u tip skhem ba ka kwah ban jop ia kata ka liang bad khlem artatien kan sa long kaba stad,

Hadien ba la dep bamja miet, ka Nilima ka niah biang ia u sha kata ka kamra. Ka shong ba tdub ka shuki shanish bad ka pyni ia u ba un shong na kawei pat ka tdub.

U ruh u kohngub.

"Nga tip," ka ong. "ba ka khlieh jong phi ka la dap da ki har rukom ki jingpyrkhat. Wat leit sngewthuh bakla ia nga. Nga la pyndep ia la ka jong ka bynta."

"Phin leh aiu phi shu kyrthai ia kajuh shi kajuh La lah dep. Nga hi nga khein ba ka long kumta bad nga ngeit ka dei kaei kaei ka jong ka mynnor."

"Phim sngewthuh Sonny, em phim sngewthuh ia nga."

"Phi kwah ban pynpaw mynta? To iathuh kata aiu phi kwah ia nga ba ngan tip."

"Ha kaba nyngkong," ka ong. Ym dei tang ma phi iba phah kylli ia nga. Ki la don lypa arngut mynshuwa kiba phah kylli bad nga la lah ban kiar na ki."

"Balot kumta?" u kylli.

"Ap shuwa seh, ngan iathuh lut phar. Phi lah ban sngewthamula hynrei ka dei kaba shisha. Ngi don san ngut shi para tang ki kynthei suda. Ngim don para shynrang. I pa i la sngewbtai nga ngeit i dang sngew kumta hi ba ym don shynrang. Nga dei ka hynmen san bad nga la ioh ka jingnang jingstad kaba la biang. Mynta nga la trei kam tad dei tang ma nga hi kaba trei ba ktah lait noh na i pa. Namarkata, ka jingthmu jong nga ka long ban peit ia ki para la jong shuwa. Phi sngewthuh hi ia ka jingeh ban pynshongkurim ia ki khyannah kynthei mynta ki por Kin long kumno lada ngan iehnoh ia ki ha kane ka por."

Ka sangeh, ka phai sha u Sonny bad ka bteng biang "Nga ju kiar na ki shynrang baroh; hynrei dei tang ia phi ba nga la leh jan."

"Balei phi kwah pynbieit kai la nga?" u kylli.

"Nga la iathuh ia phi shisien. Dei ka jingkwah i pa bad nga dei ban kohnguh ia ki jingbthab jong i. Kata ka dei ka kamram jongnga: wat la nga dei ban laid lyngba ki raga dieng barhem, nga dei ban kohnguh ia i. Ha kito ki sngi nga la iapmat ia phi bad dei hangta ba nga sngewthuh ia ka jingdonkam ia u rangbah." Ka sangeh la kumba ka ap ia ki jingkyntu. "Phin ym ngeit ia nga. Phin pyrkhat ba nga dei ka briew kaba eh, ka bym khein briew bad ka bym kohnguh ba ia-no iano ruh. Dei tang nga hi kaba sngewthuh ba la katno miet shuh ngam ju ioh thiah hadien kato ka jingtyrwa jong phi."

Katba u Sonny u dang sngap ia ka, ka, mih ka jingsngewlem bad ka ktah ia ka dohnud jong u. U ba-be kylla ia la ka jingbmylahshah. Tangba kumno kein un leh ban kyrtiang dien pat? Shisien ba u la lah khlei um lah shuh ban nguid. Kiei kiei baroh ba u la lah leh ki dei ki jong ka mynnor bad la lah tep ha ka jingilan jong ka jingim. Ba un da donbor ban khring pat ia

ka mynnor bad ban pyntylla dur ha ka mynta bad ha ka lawei, un jin da la kmen ban leh khnang ban bit bad ban biang ka jingim jong u. Hynrei u tip ba um donbor bad um sngewmon shuh wat tang ban pyrkhath ruh. Kumta u sngewsih bad u sngewdiaw ka mynsiem. Ha kaba khatduh u kynran ia lade kham bajan jong ka bad u syrpaia ia ki tyrpeng jong ka u ia ong artat, "Nildi, sngewbha kein noh katto ka la biang ia nga, kein noh"

Tip ma ka shat da kumwei pat. Ka Nilima la kumba ka ioh bor thymmai ka ong. "Hooiid, nga ieit ia phi. Nga la ju kyntait ia phi? Nga kyntait seh mo ia ka jingtyrwa jong phi? Em, shishien ruh em. Taog nga dei hi ban shah kynnoh namar ngam nang ban kylliang ktien tang ba ia phi te nga thep barabor ha kutshadem. Haba nga ioh ia kato ka shithi jong phi, phi tip katno nga mong ka mynsiem? Kum u khnam ba peiba ka dung ia ka dohnud jong nga. Nga iam. Marwei nga shah marwei nga jynjar mynsiem."

Ka sangeh kynsan bad ka peit shalor sad,

"Nga dei ka kynthei hooiid, nga dei ka kynthei. Nga dei ban buhrieh ia la ki jingengew, ngam dei ban pynpaw bad nga dei ban leh mynleh. Haba nga peit ia phi, kumno ngan nang ban ong ia phi ba phin ap? Kumno ruh ngan pyntylla ia la ka jingkut jingmut? Ngam nang satia ban kynjoh hangne ne hangtai kum u men ih niuh khlieh khlem rai. Da kumta nga long." Ka niad ia ki ummat da i tduh ka sari jong ka.

"Em phi Sonny, phin shu tymmen kai ban ap ia nga. Nga ruh ngan jin da la tymmen katba ngan da lait ban shongkurim ia phi. Ka bha ba phi pan noh ia ki kti ka Sandhya. Phin sa long u khlieh jong ka bad phin long ruh u lok bakordor ia ka iing jong ngi. Ngi donkam ia u rangbah briew ha iing bad ha phi ngi shem ia u mawkordor. Nga ngan don hangaa hi ryngkat bad phi ban iarap lem, ban pynsuk bad ban ai mynsiem

ha ki por ki jingdonkam, Nga kyrkhu kyrdoh ia phi baroh arngut.

Suki ka jingkylla ka paw ba ka khmat jong ka bad ka sdarg ban phuhsamrkhie. Suki u Sonny ruh u pynkiew ia la ka rymmiang shyntur halor ka shalangmat jong ka.

"Nangno ngan ioh ka lok kaba kum ma phi?" U kylli u Sonny. Nangta pat ha la mynsiem u ong. "Ba ngan da tip ba une u mawlynnai u jyrneam, ngan jin da la ialeh pyrshah bad thom ia ki jingeh da kaba nga lyndet ia baroh phar tang ba ngan ioh deng ha la ka shadem. Mynta ka ryndang syiar ka la dkut ar lyngkhot. Ngam lah shuh ban bteng pynim sa shisien."

"Shuh ngan phab ia ka Sandhya ba kan synran ia phi mynta ka miet." Ka ieng artat suki jai.

"Em, ym donkam. Sngewbha wat phab ia ka." U ujur.

"Tang namar ha nga donkam ia phi kam mut ba ngam donkam ia i ruh."

"Ka lok ba lawei jong phi."

"Ieh, ngan da hikai shuwa ban icit ia ka."

Ha ka sngi kaba bud u Sonny u thoh ka shithi kaba jrong ia u kpa jong u, u da batai bniah balei ba u phab kylli ia ka Sandhya U kpa jong u pat u jubab da ka tar tang saw tylli ki ktien. "Bring Sandhya for Christmas."

Kaba phylla shikattdei eh namar shi sngi ne ar sngi hadien nangta ka Nilima ruh ka ioh ka tiket ero-plen ban leit sha Bangalore. Ka dei ban poi ba ka jingialang jong ka All India Women Social Conference bad ka tiket jong ka ka dei kaba ha ka arphewlai tarik u Nohprab. U Sonny bad ka Sandhya ruh ki ia kut jingmut lang ban mih na Silchar ha kajuha ka sngi. Ka jingialang ha Bangalore kan kut ba ka arphewhynriew

tarik katba ki jong u Sonny pat kin sah haduh ban da
mih ka snem thymmai. Kumta ka Nilima ka her sha
Bangalore bad ma ki pat sha Gauhati

.....

5 U kpa u Sonny u dang shu lah dap sanphewsan
san snem wat la katta ruh u i kumba u dang kham
poh ban ia ka rta. Ka kyteng jong u ka dei u Hori Roy.
U dei u Khristan u ba rakhe ia ka sngi robibar kumba
ia ka sngi sabaton kumjuh. Ha Robibar kumba ia ka
sngi sabaton kumjuh. Ha ka Robibar u sangeh na ki jing-
trei jong u baroh bad um ju shah wat tang ia ki khynnah
ba kin ialeh kai ruh. Ha u hi ka pyrrhei ka don hyn-
riew sngi pura man la ka taiew ban trei bad ban ialehkai,
katba ka Robibar pat ia kaba u khot ka sngi U Blei ka
dei ka sngi shongthait. U dawa ba u lah ban sumar
ia la ka met bad ba u shait u khlain bha ruh dei
tang na ka bynta ka daw ba u bat pyrkhing bha ia ki
sngi trei bad ia ki sngi shong thait. la kata hi ka liaog u
da pyrkhing bha ia ki khun; ki ruh ki la mlien ia ka
sngi shongthait, haduh katta ba ki samthiah hi ha ka sngi
U Blei.

U Hori Roy u dei u nongtei iing U sdang ia ka-
ta ka kam naduh ba u la sdang san sdang eh. U la tei
ym duna shuh ia ka laispah sawphew tylli ki iing
ha sor bad ha nongkyndong ha ki laiphew snem ba
ladep bad u sngewhun ban iohi ia la ki matti ba ki
iing kiba u tei ma u ki ieng kum ki nomuna ia ka
jingtbit jong u. Namar ba u dei uba shida um shym
lah lum spah palat. Ka shu biang tang na ka bynta
jong u bad jong ki khun ki kti jong u ban im suk im
sain. Ha la ka kam ruh u don la ka jong ka kanun ba
um dei ban shim bai iohong palat ban ia kawei na
ka shiphew na ki jinglut jingsep. Namar kata, ka jing-
im jong u ka tyllun sawdong ia ki jylli jong kine ar ki
kanun.

Man la ka sngi u mih na ling ha ka por khyn-
dai baje mynstep bad u wan phat pat ynda la sdang
dum. U pylut por ban peit bniah ia kawei pa kawei

ka kam ba ki nongtrei jong u ki trei, wat la u don ki nongtrei kiba stad bha ban iarap la u ha ki kam baroh um hun satia ban iehnoh tang ha ki kti jong ki. Lehse kata baroh, ka dei tang namar ba u sngew-jaituh ban shong ha iing ha ka por trei kam.

Ka kyrteng tynrai jong u Sonny ka dei u Sunirai. Um pat nang satia ban pyndap ia ka kyrteng kur katba u nonghikai bastad jong u ha skol u pynman Sonny Roy. Ia u kpa jong u ruh jia kumjuh hi mynba u dang dei u Horirai. Kam dei satia kaba sniew ban phiiah ia ka kyrteng ha ki ar bynta katba ka jingkyntnoh kam da pher than eh tang ba kam ia bap satia bad ka longkur u Khasi uba kit ia ka kyrteng jong ka kur ka kmie hadien ka kyrteng la jong.

Ka kmie jong u ka dei ka briew kaba lebrit shibun bad kam don jingpyrkhat kumba don ha ka khlieh u kpa. Ka dei ka longkmie kaba ia dei briew bha tang ba ka iing shetja bad ki khun jong ka ki kam kynti kham bun ia ka por jong ka bad ka shem ba kam da kham don por ban kyntiap ha iing ki lok ki jor jong ka. Ha ki kam iing kam sem ka pyndem ialade ba ka bor u kpa ki khun. Ki khun kim ju iohsngew ba kan ujur wat shisien ruh ia ka jingmane pyrkhing ia ka Sngi U Blei ne ia ki jingiaseng. Ha ka hi ka sngew ba ka niam ka dei ka nongbsa ia ka jinglong mynsiem. Ka met hi ka dei ban pyndap ia ki hajar ki jingdonkam jong ka doh bad kita ki kamram ki lab ban dawa ia ka jingpyndep wat ha ki Sngi U Trai ruh lym kumta ka iing bad ki khun ki kti kin da la shong it bad shahjingit shisien shi taicw.

Katha u Sonny u dang pynithuh ia la ka briew ha ki kmie ki kpa, u iohsngew ia u para jong u. u David ba u siawshem phylla au ha kawei pat ka kamra.

"David!" khot u Sonny. "Ale wan ia kynduh ia f Sandhya."

U David u iaid tuid kum u bym da mon eh bad la ka shri kum ban pynpaw ia ki laipbewar tylli ki bniat.

"Sandhya une u para jong nga u David Ine i Sandhya. Baroh ar ngut phi la khreh ban ialeh B. A. Phi dei ban ia icit."

"Kumno kein," u ong u David u sei artat la ka kti ban khublei.

U David um pat kylla na kajinglong khynnah jong u. Um da dei eh uba jler hynrei u don u thylliej uba laplah bad um ju salia ban patied ia kano ma kaba la don lypa ha ka jingmut jong u. Dei ma u ha kito ki sngt, uba balia bad pynsalia ia ka Sandhya ba ka bapli ka khynnah ka da ialeh ban kiar na u. Bunsien ha kato ka por. Khristmas u ju pasiaw ha ka. "Hei bhabriew, shongkurim ia nga ho. Wat treh ia u Sonny. U la tymmen eh. Shong ia nga ho. Phim treh?" U khynnah thlia jakrait u khlei ia la u thlliej haduh ba ka la thait bad ba ka sngewlwait tang shu don ma u hangno hangno.

Ka para kynthei ba marwel u Sonny, ka Rita, ka dang shu dap khadsaw snem. Ka dang shu sdang khie san kum u syntiew ba Jang shylluid. Kine arngut ki khynnah bhabriew ki don ka jingsngew jan kawei ia kawei pat wat la ka jingiapher ha ka rta kam duna ia ka san snem. Ka jingleit jong ka Sandhya ha Shillong kan jin da la long kaba subsat lynda dei ba ka don ka Rita. Ka da ia ka na u thylliej u David bad ka sumar pynsuk bha ia ka ha ki khyndiat sngi ba ka sah bad ki.

Ka Shillong ka khriat ha ka por Khristmas. Mynstep u thah u siang ia lade kum ka jain lich ia ka shnong ka thaw bad ia ki lum ki wah. Ka sngi pat ka mih ia dum ha lyndet ki lyoh. Sa ka lyer khriat na shatei ka beh. Haba ka pypsad bha ki briew ki kli sah ia lade da ki jain. Ki atoskhana pat ki tsem na man la ki thliew iing nafor ki shuta aiu-re. Ka dei

ka jingtim ban duk ha Shillo'ng ha ka por tlang. U Sonny bad ka Sandhya ki dang shu ia kiew na ri thor kumta ka jingkhriat ka dait slam ia ki.

Ban pynphuh ia ka iing ka Rita ka phah pushara bad phah ai rong Ka pynriam pynbeit ia kawei pa kawei ka kamra da ki kot pyaher bad ki soh Khristmas ryngkat ki balun kiba don jingthoh MERRY XMAS. Ka buh da ki sharak rong ha kamra bain bad u dieng Khristmas ha uba ki sharak rit bun rong ki snoh kum ki soh. Ka iing baroh kawei ka la ithiang ban peit.

Shisien shi snem u Hori Roy u ju khot ia la kiba ha iing ha sem bad katto katne na ki lok ki jor ban bam sngewbha ha ka arphewsaw tarik. Ha uta u snem ruh ha ka arphewsaw tarik mynmiet ka iing ka dap da ki meinah, ki kni ki kpa, ki meikha ki pakha ryngkat bad ki hynmen para. U Sonny u niew bad u shem ba don sanphewlai ngut baroh. Dei ha kata ka sngi ba ki pynbna ia ka jingiateh ktien u Sonny bad ka Sandhya Mar kumta hi ka Sandhya ka kylla long kum ka sobpdung bad baroh kat kiba don hangta ki kwah ban siat ia la ki khnam ha ka.

Ka bam ka dih ka neh haduh ban da miet. Ki samla bad ki khynnah pat ki kwah ban ap sngi Khristmas ha ban da shai hi phar. Kaba la muja bha nadong shadong lait nob tang ha u Sonny hi. Katba u u dang bam u peit ia ka Sandhya ba ka dang muja bha bad u sngew kumba don ka jingduna aiure ha la ka mynsiem. I sur iba rit napoh jong u i ong 'Hato mem shym bakla? Un myntoi aiu une u syntiew lada mem lah ban kheit?'

U Sonny u thrang ba ka Nilima kan don ha ka jaka ka Sandhya bad un jin da la dih pura ia ka kmen jong ka Khristmas. Ki arngut kin jin da la kham palat liam ia ki sanphewlai, em ia ka pyrthei baroh kawei hi. Lada yn dang ai lad shuh ia u, un jin da la

jied ban, im bad ban iap na ka bynta ka Nilima. Lada u la tip ia ka jingshsha baroh ba ka por kaba biang un jin da la ap haduh ban da phuh niuhlieh ki niuh-moh bad haduh ban da ran rymbuin ka sniehdoh. Ka lah lait miat bad la dier than, u la dep rai ia ka-wei pat bad kata ka dei ka kput.

U Sonny u thiah ha kata ka miet bad u phohsniew ba u shad bad ka Nilima ha ka jingtem kaba um sngewthuh, ka mib naei. Ki khmat jong ka ba u, khlem kren shi kyntien ruh. Ki khmat jong ka ki pasiaw ia ki ktien ka jingieit Ki shad khlem sangeh na kawei ka dong sha kawei pat ka dong jong ka kamra kaba thylli. Ani, ka jinghun bad ka jingsuk ka tap katba ka lieng kynda ka jingieid ka per hangne hangtai ha ki um ba jai jai U khmied shalor sad bad u sngewthuh ba ki rymmiang shyntur jong ka ki tur kham hajan U phai pat sha ka. Kane lynggai ka khapbrip la ki khmat katba ki rymmiang ki ap ia u. Suki u pynhiar ia la ki jong bad u pyndei ha ki rymmiang jong ka katba ka jingtem ka sawa ha ki shkor jong u.

Kynsan ka phai na u "Sonny sngewbha seh Sonny, Em, wat leh kumta ' Ka ong bad u Sonny u kyndit thred bad u fohsngew ia ka jingiarkhie, jinglathap kti bad ia ka jingsawa ka tem kynthih ba ka player ka pynmih na kamra bam.

.....

Ka bneng ka khuid bha kdjar ha ka sngi Kbristmas bad ka sngi ka phyrnai. U Sonny u niah ia ka kali bad u hiar arsut sha Khwan ba ka kham syaid. Ki tang shu palat ia ka Mawlai, ka jingiwbihi ki kseh ka dap ia ka Iyer. Ha arliangsurok tang ki kseh suda kiba pynkbih ia la ki sla ba ni ha ka jingbeh ki ortlang ki da pyllait jynhaw artad ia la ka jingiwbihi. Pleong! Ki samla Shillong ki ia haiking ba lehse ki kseh ki man kum ka dawai khlain ia ki jingpyrkhat ba ni jong ki.

"Sandhya," u pasiaw katba ka kali ka dang, iaid suki ia ka khongdong "phi iohsngew ia ka jingsma?"

"Ho-oid," ka kohnguh khlieh:

"Nga sngewhun ban ring shi tor."

"Nga ruh nga sngewtynnad." Ka jubab.

Mar kumta hi u Sonny u iohi da ka dong jong ka khmat jong u ba ka ring bad pynhiar mynsiem ia ka lyer kaba khleh lang bad ka jingiwbihi kseh.

Shen ki poi ha lyndet ki lum, ha khmih, ka thie ka pung ka iar bad ka lang ba ka jingphuh jong ka. U Sonny u pynsangeh ia ka kali. U peitkai ia ki rud ba khougwain ba ka iaid ka um, ka lang sawdong ia uwei ha dien uwei pat u lum bad ka rung ia ki krung, ia ki ranah bad ia ki khaplum ryngkat kito ki dewlynnong kiba itynnad hapteng. U Sonny u sngew kumba u dang iohi thymmai ia ka ; ka Sandhya ruh ka sngew kumjuh wat ia baroh arngut ki la iaid ia kata ka lynti da ki phew sien. Lehse ki ar ki mynsiem ki pynkhray ia ka jingitynnad.

"Kumno phi pyrkhat, itynnad?" u kylli.

"Ish," ka ong "ithiang."

U Sonny u pyllait ia u brake bad ka kali ka tyllun suki jai. Ki khlem sangeh shuh tad ynda ki poi barud pung syndon. Ki wad jaka ki phai sawdong ia ka jingitynnad jong ka mariang ki sdang naduh G. S. Road ter ter teng teng ki sangeh ban shon dur nangta ki phai sha U. C. C. Road ki niah haduh haneng College bad ki leit phai biang haduh pung.

Ka jingithiang ka pung Umiam ka palat liam ia kiwel pat ki jaka itynnad. Hangne ka lang ka pung ba thaw da ka kti briew bad ka thiah hapteng ki lum. Ki lum rit bad ki lum heh ki ieng sawdong ia ka. Ka um kum ka rupa ka kyllaln sawdong ia ki dewlynnong ka da ngam hapoh ki sanium bad ha ki them ba jylliew. Ka pung hi ka shat ha ki dur ba pher na ki saw dong jong ka. Ki khmat briew ki shem ka jingsngewtynnad suda na man ia

ka dong. Ka burom ki kseh kiba jyrngam kiba ieng ha ki sharing lum bad ki syntai lum ba pher ba pher ki oh shrong halor jong ka. ki pashat jingmut ia ka jingsuk jong ka jaka Sa u lyoh pat u sdien ldui ha khlieh ki lum kum ka jain siang bneng. Hangne ha ki lum ka mariang ka kup ia lade da ka jingphuh bathaba ba ym don kawei pat shatei ne shathie kaba lah ban ia ryngkat bad ka. Lada don paradais ha pyrthei dei tang hangne hi bad kam lah ban jngai nangne.

Ka lyer kaba thanda ka pynkhih ia ka sla um bad pynmih ia ki snur um kiba iaid suki jai bad phaloh ha ryngkew. Ka um ka khuid bha kdiar bad ki dohkha ki ialehkai shi shi kynhun tang kito kiba leh shlur ki tur shaphang ryngkew haduh ki rud.

Haba u phai sha pung, u Sonny u pyrkhath ia bun bah kiei kiei : kaba kongsan tam ka dei ba kumno un nang ban icit ia ka khyannah kaba shong hajan jong u. Baroh shi katta um nang satia namar u magnet uba kham khlain u don hajan, u da ring lut ia ki jingmut jong u. Ha lyndet ka bor jong u magnet. lehse u lah ban pyrshang hynrei um iohsngew satia ban don jingkyntu.

Ki sangeh, ki pynhiar ia ki jasong ki kiew kumba laiphew sawphew pruh na surok bad ki shong ha ka jaka kaba ki la lah jied lypa ban bamja sngi.

Hadien ba ki la dep bam u Sonny u pynbeit ia la ka met ha madan, hadien nangta u kylla ia lade haduh ba ka khlieh jong u kan da poi ha pneh ka Sandhya. Lyndang u khmied ia ka khmat jong ka ba ka kah sngi ia u la kum ka dur ha sahit. Ka dei ka sien ba nyngkong bad u i hun sat ban iohi ba ka khmat bhabriew jong ka ka sdang ban wiat phuh samrkhie. U pyrkhath ia kan te la kumba oh da u shniash naduh ka khmut ka khmat, ka dur ka dar ka rynteng ka ryntot haduh u shniuh uba kdor ha ki moi moi. Ka peit ia u ka ia phai noh artat sha ka pung. Da lyndet, ka kti kadiang jong u ka bat ia ka na ka syngkai.

"Sandhya, nga la thait. Shah ia nga ba nang thiah shiphang ba pneh jong phi."

Ka syrpaia da ka kti jong ka ia ka shalangmat jong u bad ka syrpuia ia u shuiuh jong u kumba sad.

"Thiah." ka ong.

U pynhap noh ia ka kti jong u na shadien fang ka bad u sngewthuh ia ka jingtyrsiang ka jorjet sari u da khapbrip artat ngain ia la ki khmat, hadien shiminia ei ei u peit biang.

"Thiah," ka hukum.

"Nga pyrshang tang ngam nang. Da kumno kin khapbrip?"

Ka buh biang ia la ka kti ha shalangmat jong u bad ka pynkhapbrip ia ki khmat.

"Khapbrip". ka ong.

"Kim donhok mo kiba pli ban peit ia ka jingbhawbriew jong phi?"

"Ngam dei kaba bhawbriew katta katta."

"Ha nga hi phi kham lah ban ia ka pyrthai baroh kawei."

"Hangne te tharai ka dei hi, tang ba tang shu poi Silchar pat, doni ei - re iba kham bhawbriew,"

"Ym dei kumta, phi bakla. I Nildia dei i briew iba nga iapmat nyngkong nyngshap. Ha nga hi i dei i dak ka jingieit bad baroh kiei kiei kiba nga la nang ha ka jingieit. Ngam lah ban kheit ia u soh ka jingieit kaba nyngkong bad ngan ym lah ruh ban ioh. Shipor i la iing ia ki jingmut jingpyrkhat jong nga. Mynta pat nga la kylla. Hato ngam shym teh ia lade ha phi bad phi ha nga. Mynta phi dei i jong nga bad nga u jong phi."

"Phi pynher syngiew ia nga — nga tieng ia phi."

Ka pynlong ia u Sonny ban pyrkhath jur ia kata ka jingkyntoh. Ha ka jingidei jong u, ka rukom leh jong u bad ka kyrdan, ki don ka jingktah kaba jur ia ka khynnah. Ka la dei ban tieng ia u, namar kito ki rukom leh eh bad bym khein briew ia ka. U ialehi jaka: mo bad kane ka khynnah? Um sngewthuh satia. Ruma rutit imat u la leh ne ong ei ei bad kata ka pyntieng ia ka. Nalor nangta ba ka dang kham poh rta ka lah ban sngew ba kito ki kam jong u ki dei ki-ba eh bad ki pynher syrngiew ia ka. Lait nangta ym don ei ei ruh em.

"To," u ong, "pyndep shuwa ia ki jingpule jong phi, sa tang katno bnai eh phin sa ia rynghat bad nga bad phin long ka lok jong nga shi jingim."

"Kata kaba bha." Ka peit ha ki khmat ka jong u, ki rymmiang shyntur jong ka ki kiuh. Ka dang don bun ban kren hynrei ka jingkyndeh mynsiem ka jur than ha ka khynnah kaba shida. Na ka khmat jong ka lah ban ithuh ba ka dang arphew anem,

"Kynmaw kein, nga ieit ia phi bad ngan iai ieit ia phi palat ban ia ka pyrthei. Ka dak jong ka jingieit ka don ha ka kti jong phi. Phi dei ban pyndep noh ia ki jingpule. Pule tyngah bad da pynioh ia ka degree. Nga ngan don hajan jong phi borabor."

U Sonny u peit ia ka baje ha ka kti jong u, ka la jan dap shi baje, la palat shiteng sngi bad u lohi ia u lyoh uba rben halor ki lum.

"Peit ia utei u lyoh," u kdew. "Ka Shillong kan khriat. Ia ieit noh ioh ngi khriat,"

Suki u rah ia la ka khlieh u da khun ia u ryn-dang jong ka da ka kadiang bad u kyrshan da ka kti kamon. U ieng joit, u tan sa ia ka. ki ia rynsied lang wei, ar, lai ia ka jaka kaba kham pynnoh haduh ba kin da, poi ha ka kali, Ki ia rung hapoh bad u Sony u ring ia ka

haduh ba kin da ia syndait para met bad ka jingniah kali artet haduh Shillong ka long kaba sngewtynnad.

Janmiet u Hori Roy u lalam ia ka Sandhya tip shaci, u Sonny um tip namar um nud ban ia talain wait bad ki-ba beh u kpa jong u ruh u jah haduh ka por bamja miet. Tad hangta hi ba u iathuh ba ka Sandhya ka don bad u kpa jong ka. Ym donkam kylli jingkylli. U kpa u long kum u Blei bad kaba ki blei ki leh ka dei na ka bynta ka jingbha.

Ha ka arphewhynriew tarik katba ki dang ia shong ban dihsha step u Hori Roy u rung kumba u ju leh bad u singuh. Kata ka jingduwai kaba la jlan ba u kyrpad ia ki jingkyrkhu bad ba u aiti ia baroh shi iing ha ka jingsumar u Badonbor baroh. Hadien nangta ki ia bam kumba ju leh barobor ynda haba ki la dep artat u Hori Roy u pyllait jynhaw.

"Sonny." u ong suki bad skhem. "Nga sngewsih shibun ban iathuh ha phu ia kane ka khubor. Ka Nilima kam don shuh ha kane ka pyrthei."

"Ha !" ka mih kulmar na u Sonny.

"Ka Nilima ka la iap," u kpa jong u u kren jai u ia bsuh artat ia la ka khlieh ha ki slakti bad ki tymbuit ki kyrshan halor miej.

"Te pa," u ong. Ki ktien u kpa ki iai sawa ha ki shkor jong u "ka Nilima. Ka la iap. Ka Nilima.

U Sonny u ang sah sha ka dong jong ka sad. Kumba tied u pyrtbat rkhiang kumta ka khubor jong ka jingiap ka paralok jong u ka long ha u — um sngew lah ngeit satia. Katba u dang ang hangta u iohi ia ka, kumba ka long saw sngi mynshuwa ha la ka sari rong soh kaba pur da ki syntiew bad ki swetar kaba iadei rong ha ka jaka kiew eroplen. Ka sngewbha ban phong jynsur bad ka sari ka her ha ka jingbeh ka lyer.

Ka ieng harud jingkheng bad ka khot ia ki da kaba phuhsamrkhie.

"Mynta ka sngi kaba itynnad bha." ka ong. Ka bat ia ka Sandhya na ka kti, ki iaid lyngba ka kamra sha ka phyllaw ha ka liang ba ka ieng ka eroplen.

"Ka por ka la dei ba ngan leit," ka ong "ka plen jong phi ruh kam slem shuh. Ka Shillong ka la dei ban khriat mynta, phin muja bha Sandhya kynmaw da leh donakor ialade. Sonny, sa iathuh lem ia nga ia kiei kiei baroh. Sa ialeh sngewbha." Ka sangeh shiphang bad ka bteng biang. "Phi ruh Sandhya Nga ngeit phin ioh ka por kaba sngewtynnad. Nga kyrkhu kyrdoh ia phi. Khublei." Ka iaid artat sha ka eroplen kaba ap lypa.

"Khublei Nildi, leit suk. Phi ruh phin ioh ka por kaba sngewtynnad hi." U Sonny bad ka Sandhya ki jubab lang.

Ka peit ia ka ba ka iaid kum ka syiem. Ka kiew ia ka jingkieng bad shuwa ba kan rung, ka phai sha ki ka kaweh kti ryngkat ka jingphuh samrkhie. Ki ruh ki kaweh leit suk " "Katba ki dang ieng hangta. ki ap ia ka eroplen ba ka pynbtbei ia kawei ka enjin hadien kawei pat. Ka jingriew ki enjin kaba ia kiew ia hiar ba u nongniah u tynjuh ia ki. Shen ka eroplen ka tyllun suki jai sha ka surok jong ka, ka da phai ia ka idong sha ki bad ka pyrsad lyer ia ki Sa sbiphang katei la kum ka han ka kiew ha suin khlem pynkhih thapniang. Ki kaweh ia ka eroplen bad ki sngewthuh ia ka jingpannud ha ka por iakblad.

"Ka dang im du," ki her ki jingpyrkhat lynba ka jabieng jong u. U iohsngew malu mala ba u kpa jong u u batai ia ki jingjie bad kumno ka hap ka eroplen U pynabah shkor tang ba ka por ba u kpa u ong. "Ki ioh khabor mynmiet ba ka eroplen ka hap bynnia

mynstep hajan Cuttack bad u kpa jong ka u la lah her dang ngir Ka Sandhya ka don ha kamra pule kot."

Ka kirteng 'Sandhya' ka pynkyndit pat ia u Sonny na ki jingphobsniew jong u. "Ka don hangno ?" u kyli.

"Ha ilaka i pa,, ong u David.

Joit ieng u Sonny bad u her shata, u plie suki bha jai ia ka jingkhang bad u ia khyrdep biang.

Ka Sandhya ka khyllied ia la ki khmat "Jamai babu" ka ong. Ka iam bad ka dem biang ia la ka khlich

U pat u isid beit sha ka jaka ba ka shong. U shong ha syndah jong ka- Da ka kti ka diang u bat ia ka na tyrpeng bad u khyllie.

"Sandhya u ong "Sandhya pynch ia lade." Ka sur jong u ka sdang khynniuh

Ka jingiam ka kham jur, Ka peit sha u bad ka ong "Nildi."

U iobi ia ki khmat ba tieng bad ba sngewsih kumba ki kyrpad jingiarap na u. U phai noh la ka khlich bad ki ummat ki jaw na ki khmat jong u. U kwah ban pyntngen ia ka khyannah hynrei kumno un leh ym mih ktien satia na ka shyntur jong u,

"Sandhya" u ia sdang thlun. "Sngewbha wat iam Sandhya en noh."

"Ar ki mynsiem sngewsih, kim lah tngen." Ka sur u Hori Roy.

U Sonny u phai bad u peit nangno ka wan ka jingsawa. Ki jingkhong baroh ar ki khang te nangno ka mih ka sur u kpa.

"Sandhya, wat iam seh ieit, kren seh "

Suki ka rah ia la ka khlieb bad ka jingiam jong
ka ka kham suki bad da ki rymmiang shyntur ba
kiuh ka ong sa shisien "Jamai babu"

U Sonny u ring ia la ka kti kadiang u sei ka
rumal bad u niad ia ki ummat na ki khmat jong ka.

"Wat iam shuh" u ong, "pyrshang ban pyneh ia
lade bad wat ong shuh Jamai babu."

"Nildi, Nildi" ka khot bad ka iam,

"Sh - b. i Nildi im don shuh, ieit. In ym lah shuh
ban iohsngew ia phi. Peit hangne lada phi dang sngew
ia nga shahshkor."

"Phi kwah ban ong aiu?" ka kylli. Ka phal sha u
bad ka niad ia la ki ummat.

"Ym myntol ban iam paitdohnud than eh, namar
ym don mano mano ruh uba lah ban lait na ka kti
ka jingiap. Ngi baroh ngi dei ban iap. Ka kmie kaba
kha ia la i khun ka lah hi mo ban da ia i khun na
ka kti ka jingiap? Nga uba ngeit Blei, nga ngeit ba tang
u Blei hi marwei uba bat ia ka jingim bad ia ka jing-
iap. Lada ka jingiap ka wan lyngba ka jingpang ne
lyngba kiwei pat ki jingjia ka pyndepia la ka kam-
ram. Ngi sngew ba ka long ka jingduh kaba khraw.
Ia habashim noh ia kiba ieit ba thoin jong ngi. Ka jing
sngewsih ka dap ha ki dohnud jong ngi hynrei ngim lah
ban pynioh pat da ki ummat. Kynmaw ruh ba u syiem
ha ka khet bad u nongkhrong ha surok ki ia ryngkat
ha khmat jong ka, Ym dei tang phi iba mad ia kane
baroh ka pyrthei ka dei ban shem."

U ieng joit bad u leit khang ia ki jingkhang.
Nangta suki u iaid sha ka u da ong artat. "Nga ieit

ia ka Nilima bad nga la duh noh ia ka lok bad ka riewstad kaba nga leit eh. Ka long kaba lehnheh ia nga ban iam. Ngam leh ban wallam pat ia ka sha sla pyrthei."

"U Blei u la leh than ia nga bad ia ka iing jong ngi," ka duhai, "ka nusib jong ngi."

"Ha kiba pait dohnud ka pyrthei hl ka dum. Ym dei kumta U Blei u khraw palat ban lehbein ia phi. Lada ka jingiap ka dei ka jinglehbein, kumba phi pyr-kbat u leh ia baroh phar."

"Kumno ngan leh bad kumno ngan im?"

"Phi la poi ha kaei kaba donkam. Ka jingim jong phi bad jong nga ne jongno ruh kam don jingiateh satia bad ka jingim jong kiwei. Ngim bad haba ngi iap ngim don jingiadei badno badno ruh. Wat la ka jingiadei jong nga ka jan katno katno ruh ha pyrthei. ynda nga iap ngan iap tang marwei kblem ktah ia kiwei."

Ka peit sah ia u.

"Hooidei, keim, kane ka dei ka jingim." U shong sa shisien hajan jong ka.

"Marwei ngan im? Balei kane ka nusib jot." Ka pynhiar mynsiem.

"Em, ieit, phim long marwei. Nga don hajan jong phi. Phim ngeit ia nga? Nga don bad phi bad ngan ym iehnoh ia phi. Phi la duh shisha ia la i hynmen jong phi. Nga ngan long ka hynmen, u hynmen bad u kurim jong phi katba nga dang im ha ka pyrthei."

"Nga sngewtbub, nga tip bad nga ngeit ia phi." Ka ong ka peit artat sha u da ki khmat ba jem bad ka shaniah ia la ka kbleh ha ka shadem jong u."

U bat ia ka khlieh jong ka bad u pynwandur pat ia u shniuh uba la pra. Nangta suki u khyllie ia ka tmoh jong ka. Ka peit ia ki khmat ha u. U ruh u peit skhem ba ki khmat jong ka ba u da thmu shisha ia kawei pa kawei ka kyntien kaba mih na u. Katba ki ar jur ki khmat ki ia peit sah, u ring ia ka haduh ba ka shadem jong ka ka da shon ha ka shadem jong u. U angewthub ba ka taleh ban ring bad pynhiar mynsiem bad ka shadem jong ka ka ia kiew ia biar. U pynhap ia la ki rymmiang shyntur balor ki rymmiang shyntur ba kyih jong ka bad ka ruh ka pynphai kylla U rah ia la ka khlieh bad u iohi ba ka khapbrip ki khmat bad ka ang sah. U doh sa shisien bad ka snoh skhem ha u.

"Baleit," u ong, "Wat khot Jamai babu shuh ia nga." Katba ka jingtied ka riew ha ka jingkhong. Namar nga ieit ia phi."

Ka phuh samrkhie,

U Sonny u ieng ban plie ia ka jingkhong.

U Hori Roy u ieng ha jingkhong.

"Ym donkam shong eroplen shuh," u ong u kyrngah artat ia la ka khlieh da i ngiew hi khait. "Ynnai shuh, Sonny, phi bad ka Sandhya phi dei ban leit noh lashai sha Silchar. Phi dei ban leit peit ia kiba ha iing. Rah ia ka kali bad nga la bthab ia u Bali ba un leit bad phi. Phim dei ban ieh ia ki tad ynda wan phai u kpa Un leit sha Silchar bad ka kali kan wan ryngkat bad u."

"Uei! u kpa jong ki, pa?" kylli u Sonny.

"Ani! Ka jingbieit. Phim tip ia u kpa jong ki? Kumno kumta u Bharat kem,".

"I uncle Bharat," u kyndit "I pat....."

"Ka kam bieit," ong u kpa jong u katba u dang laid sha ka liang jong ka shuki jong u, u shong pynkhia ia la ka met bad u iathuh ia ki kumno ba u ia kynduh. Ha kata ka por u Bharat u dang dei u Sarat Acharjee. Kumno u kylla Khristan bad u kylla kyrteeng Bharat Chandra. Khatduh u iathuh shai la ki, u da ieng artat na ka shuki bad u laid suki haduh ka dong jong kawei ka almari buh kot, u peit is ki kot hangta bad u ong artat. "Ka dei ka jingkwah jong u ha uwei na ki khun shynrang jong nga un ia poi kha bad kawei na ki khun jong u. Ka dei ka jingkwah jong u kpa."

U Sonny bad ka Sandhya ki shu ia peitsah ia u namar kim nang ong ei ei.

"Ka urlong ha phi, Sonny bad Sandhya, bad nga da sngewhun"

"Phi mynjur lang ia kata pa?" U Sonny u kylli shlur sa shisien.

U Hori Roy u laid haduh ka jingkhang, u plie ia ka, katba ka kti jong u ka dang don ha u nar khang u phai biang sha ki bad u ong, "hooid ka dei ka jingkwah jong nga de." U ia mih bad khang ia ka jingkhang tdam.

U Sonny ha ka jingshisa u ieng bad bud ia u kpa shuwa ba u kpa unkhang ia ka jingkhang. Nangta u phai wak sha ka Sandhya katba ka jingkhang ka khang tdam. U pdiang ia la ki kti sha ka. Ka ruh ka ieng joit bad ka her sha u. "Oh baieit," ka ong ka kdup skhem ia u bad ka shan ia la ka khlieh ha ka shadem jong u U Sonny u bat ia ka.

"Nga da sngewhun shi katdei eh." Ka ong.

6 Ha ka arphewhynniew tarik u Sonny bad ka Sandhya ki mih nob na Shillong dang step. Ka dei ka step kaba kbriat bha. Ka sngi ruh ka ialehkai bad ki lyoh kiba rben ha mibngi. Teng teng ki kjat sngi ki kynjat lyngba ki lyoh rben sa shiphang pat ka rich biang ha lyndet jong ki. Katba ka kali ka dang kiew la u lum Shillong, ka erkbiat ka beh pyrshah ia ki bad ki kli la lade da ka kombol ha ka jingshong kaba hadjen

Ka jingkylla ba kynsan na ki jingsngewtynnad bad jinglehkmen jong ka Khristmas sha ka jingsngewsih bad jingpaiddohnud jong ka jinglap dei kaei kaei kaba shyrkhei rem. Kim ioh por satia ban pynkut ia ki jinekmen jingsngewbha lane ban sdang sa ia ka jingsngewsih. Ho-oid, kim don ei ei ban ong, ban khniun ne ban ia kajia. U dei u mawjam bakhatduh jong ka doh baroh. Ka jinglap ka shat la ki khmat ha iwei na ki bareit jong ki katba ka dang tyllun sawdong ia ka pyrthei bad ka dei ka nusib jong ki ban sngewsih.

U Sonny u peit ia ki kliar jong ki lum kiba ha jngai tang ba um sngewthuh la u la iohi ei-ei hangta. U phai sa sha ka Sandhya kaba shong ha syndah jong u, ka ruh ka pynleit jingmut tip shael. Tang u Bali hi marwei u niah ia ka kali khlem kren briew, u khun ha ki khongdong u da peit artat kliaw la ki khmat sha khmat jong u ba ioh don ki kali kiba her ruma ia ka pynnoh.

U Sonny u peit sa ia u meter ka kali ba u ia kiew ia hiar. Shiphang u la poi sawphew nangta pat u hiar haduh arphew san ei ei bad u kiew biang. Da ka dong ki khmat jong u u iohi ka thie ka Shillong la shadien. Nangta u phai sa sha suin bnong dei hangta ba u kynmaw ia ki khyllipmat shuwa ba un mih artat. U shu ong 'Khublei' ia ka kmie bad la u kpa. U leit sha u David bad u jwai ia u na ka ngab "Pyneh" u ong "haduh ba ngin da iashem pat." U bat sa ia ka Rita na kblich bad u doh ia ki ngab baroh ar. Dei hangta ba u iohi ba ka Sandhya ka dem ban ktah ia ki kjat

u kpa, nangta sa ia ki jong ka kmie. Ki khmat jong ka ki jhieh bad ka niad da i tduh ka sari katba ka kmie jong u ka piām ia ka. U David pat u sei ia ki kti ban khublei kynrein la ki ummat. Dei tad ynda ka Sandhya ka piām ia ka Rita ba ki iam. U Sonny u iohi ba ka kmie jong u ka phai noh dadien bad ba ka niad ia la ki ummat da ka jainkyrshah.

‘Bye-bye’ u kaweh ia ki katba ki dang ia ieng ha phalor.

“Bye bye” ki ruh ki kaweh. “Wat da jah slem than eh.” Tang ka kmie jong u kaba khlem phai.

“Rung noh Sandhya” u khynniat ia ka shapoh u ia rung artat ia lade bad u khang ia ka jingkhang tdam U Bali u pynkhib ia ka enjin bad suki jai ka kali ka iaid katba ki dang ia kaweh kti

Ka ktah jur ia ka Sandhya. Wat la i jingon lynti iba malu mala ruh, ka hi kam ju mad kum ia kata ka rukom leit on lynti ka jingiakhlad kaba naduh ka dohnud. Suki ka sngewthuh ba haduh katto ki don ka jingsngew na ka bynta jong ka. Kam sngewthuh ia u sai rupa uba teh ia ka longung jong ki wat la ki paw da kumwei habar.

Suki ki poi ha kliar lum, sa shisien u Sonny suki u phai sha ka Sandhya. U iohi kane hapteng ka jingpyrkhat. Kumno un leh ban pynklet ia ki jingsngew jong ka. U buh ia la ka kti kadiang hadien ki tyrpeng jong ka. Da ka kti kamon u khynniat ia ka khlich ba kan shaniah halor ka kti kadiang jong u.

Ka phai sha u bad ki ummat ki mih biang na ki khmat jong ka.

“Phi dang iam bi,” u ong. Ka dei ka kyntien kaba nyingkong hadien ba ki la ia sngap jar. Ka sawa kumno re.

Ka Sandhya ka kyrngah ban pynhap noh ia ki umat kiba sah ha ki khmat jong ka

U Bali pat u pynsuki ia ka kali, u pynphai bad u kylli, "Phi ong kumno bah?"

"Ym dei, ym dei ei-ei, ia," U phai biang sha ka Sandhya bad u ong. "Ngan pyni ia phi ia ka jaka ha kaba shisien nga ia kynduh ia ka jingma."

"Ka jaka siu?" ka kylli.

"Ap shuwa, haduh ba ngin da poi hajan. Ngan ym lah ban klet shuh ia ka, kaba da shyrkhei rem."

U sangeh bad baroh ki ia sngap jak. Dei tang ka kali kaba kyrbuh, ka her bad pynmih tдем hadien jong ki. Ka kham her stet, sa shiphang ki poi ha ka jaka ba ka khlad kawei ka surok. U Sonny u kdew ia ka surok ha ka. Ka pyrshang ban pule ia ki jingthoh hynrei kam lah ba la bun kiba la dam.

"Peit ia utai u lum, Sandhya" U kdew.

"Ki bun bha ki lum hangtai ia uno phi mut?"

"Peit ia utai uba paw ka surok nator jong u. Phi iohi?"

"Ho-oid."

"Ha ka liang kaba shatai ka don ka pynnoh kaba dap da ki dieng suda. Phi iohi ia katai hangtai?"

"Ho oid" Ka jubab.

"Haba nga dang rit," u sdang u Sonny. "Ngi ia leit bam khana shisien hangtai. Ka jaka kaba itynnad. Hajan katai ka surok i don i jaka iba madan bad i don i wahduit harud. Ki rangbah ki dang ia shet ia tiew katba ngi dang ialehkai. Kumno re kumno ngi lai ngut ki khynnah dakeit ngi ngam shapoh khlaw ban siat sim da ki jri. Lebse ngi la laid la kumba shikilometre ei ei haba ka kynplat ka lynnaiar kiliang. Ani ka jingngiew, nga sngew kumba ieng sah ki shniuh, 'la leit phai noh' ngi fia ong lang. Shuwa ban kut ki ktien ka aiu re ka khii hapoh sanium harum jong ngi. Ngi her kat lab kat lai ertet ia u lum lnygba ki btiap. Ngi her la kumba shiteng ia ka jingngai haba ngi iohsngew ia

ka jingher u briew naphang kadiang jong ngi. Ka khih ka khlaw ka btap. Hangta lei lei ngim don pyrthei ngi her iap katba dang sah la ka bor. Uta ruh u beh ia ngi hi sia haduh ba ngin da poi ha ka jaka kaba khuid ki mut. Ngi iohi ha u rieh ha lyndet sanium hadien ki dieng kseh. "Siat," ong mano re. Lai tylli ki mawpyllon ngi pyllait. Ngi iathuh ha kiba san. San ne hynrei ngut ki leit ut hynrei kim lap ei ei ruh em. Ki dei ki nongshohnoh lane don mano re ba leh danda."

"Oh! Shisha nga la iohsngew shaphang jong ki. Ki da dei ki nongmane bsein?" Ka kwah tip.

U Sonny u kmen ban iohi ba ka shim bynta.

"Lynda nga da dei hi na ka kpoh jong ki ngan ym lah ban pvnshai ia phi."

"Balei? Baroh baroh ki ialap shaphang kata. Ngi pule ha ki jingthoh ruh"

"Haduh katno ki da tip, ngam lah ong namar kaba nga tip ruh ka dei tang ka hamsaia. Namar ngam pat ia kynduh bad uno uno uba la iohi ia kata ka jingmane jong ki. Kaba nga tip baroh ka dei tang ka jingiathukkhana pateng kaba nga iohsngew na i mei bad na i meirad. Ki tymmen jong ngi ki dei ki nongia-thuhpuriskam kiba stad"

"Phi mut ban ong ba kaba ngi iohsngew ka dei kaba bakla? Ba ym don kaba kum kata hapteng ki briew jong phi?" Ka kylli.

"Ngam tharai ba phi bakla. Kaba nga mut ban ong ka dei ia ka rukom mane namar ka dei kaei kaei kaba rieh. Kim ju leh haba iohi briew. Ym kham don ba tip. Wat ki khun ruh kim tip ia kaei ba ki leh ki kmie ki kpa."

"Nga sngewthuh," ka ong ka peit sha u la kumba kan nguid ia kawei pa kawei ka ktien kaba mih na u.

"Ki don katto katne tylli ki iing ha ka ri jong ngi kiba leh ia kata, Kine ki briew ki ri thlen tang ban kiew ka spah ka hajar. Ngi khot ki nongrithlen. Ym

dei ia uto u thlen uba phi iohi ha ki kot ki sla. U dei ka dak jong ka lei spah "

"Balei phi khot ia ki ki nongri lada ki dei ki nong mane ?"

Lehse ba ki briew jong ngi kim sngew ia hap ia kane ka rukom mane ba kynsha. U thlen u dei u mrad ba kynsha. Ban sheba ia u donkam da ka snam briew. Phi tip hi ka snam briew ka dei kaba kordor bad kaba kyntang bad ym dei ban sheba ia uno uno u blei da ka. U Blei aju uta u ban pan snam briew bad u ban hikai pynkhehbieit ia ki briew bad kin kem ne jaleh uwei ia uwei pat bad pyniap briew ban ioh ia ka snam tang na ka bynta ka jingknia. Phi sngew shongdor hi ban mane kum ia uta u blei ? Lehse dei kata ka daw ba ki khot nongri ym dei nongmane. Nalor nangta ki lah ban bret noh ia uta mrad kynsha lada ki mon, tang ba kam dei kaba kai namar ka wan rah ia ka jingtim uta u mrad de."

"Phi ong ba ka rukom mane kaba rieh haduh katta katta ba ki khun kim tip ia ei ba ki kmie ki kpa ki leh. Balei ki buhrieh kumta haba ka pyrtthei baroh ka tip ia kata ?"

Ka jingkylli kaba dei, Ngam ju iohsngew ba phi kylli kum kita ki jingkylli. Sngap ngan iathuh, ki ong ba u thlen uba phoi kynsha bad lehrain. Haba ki nongri ki ai thlen ki leh mynmiet ne shiteng synnia haba ki marjan marpa baroh ki la thiah. Ki don ka kamra na ka bynta kata. Ka kamra ka dei ban long kaba la shna bha bad ka bymlah ban iohsngew na shabar. Kiwei pat ki briew kim dei ban iohsngew ia kata ka kam. Ki ngeit ba ia u donkam ban khot da ka duwai da ka phirat ryngkat bad ka sing thlen. Ka duwan ka dei ka pliang ksiar ne pliang rupa."

"Ynda haba ki la tem bad duwal ki ong suki u wan mih nyngkong ha ka dur kaba rit bha bad u par haduh jan ka pliang. Nangta u nangeh nangeh katba nang jur ka duwai ka phirat. Nangta pat ki ong ba ka snam briew kaba ki theh ha ka pliang ka kylla ha

ka dur briew bad ba ita i briew hana i shad i kmen halor ka pliang bad i rkhe pashait la kumba i sogew-bha than ban ioh nguid da u thlen. Ynda u thlen u la beh bha u ang ia la ka shyntur bad u kynrup thrait ia ita i briew na ki kjat bad u sa nguid suki katha ka ksing ka dhah bad ka duwai phirat ki nongri ka nangiaid. Lada kata ka da dei shisha kumta ne em ym lah ong namar ym lah ngeit satia. Lehse u shu jliah ia ka snam na ka pliang ruh ym lah ong. Te ki ong katba u dang nguid u thlen u syep bad ki trai ki lum ia ka syep ha kawei pat ka jingdiang. Ia kane ka um syep ki khleh ha ka kiad ne na kiwei pat ki jingdih ban pyndih ia ki nongbylla jong ki."

"Ka Sandhya ka pynkhih ia la ki tyrpeng bad ong."
 "Kaba sogewshyrkhei ban shoh uwei ia uwei pat khlem daw bad ban khniot snam na ka bynta u bsein em."

"Ngi la nang ban icit ia ka spah palat ban ia ki para mynsiem. Sngap ngan iathuh shuh. Ki ong hana ba uta u mrad kynsha u nguid ia ka snam ki briew kiba khlem thoh bria. Ia ka snam ki matlah, ki dkoh ki thohmut thohmat, hana, um treh. Lada ki nongri ki hakla ha kane, un lynthaw kylla pyrdet ia lade bad u lah ban nguid kylla sa ia ki nongri bad ia kiba ha iing ha sem jong ki."

"Ki nongri pat kumno. baroh ki riewspah?"

"Imat kumta hi tang ba ym don ba tip ki riewspah haduh katno? Ha ka jingshisha ngi don tang khyndiat eh ki riewspah bad kita kim dei eh ki nongri thlen. Kan poi ka por ynda ka jingdawa ka palat ban ia ka jingai ba ki sdang troin bad kylla mrad haduh ba ki duh jaid syndon"

Lada ngam bakla ka don sa kawei pat ka jing-knia briew hangne ha ri lum jong phi. Lehse ki knia ia ka blei kali. Don jingiadei hapteng kine ar.

"Em. Nga tharai phi mut ia ka jingknia jong ki Syiem Jaintia. Ym don jingiadei ei-ei rub em bad u thlen."

"Oh, ho-oid, ka jingknia ki Syiem Synteng."

"Ngam da tip bha ia kata ka jingknia lada ka dei ba ki aj ia ka kali ne ia kiwei pat ki blei. Kata ka jingknia ka la duh la slem. Oh, shisha uto u phlas u don sha sngewbha ai lem khyndiat "

Hadien ba u la ioh ban dih ia ka sha khluid u kham sngewsyiad. Wat la ka dang khriat rub ki kjat sngi ki la lah ban sam lynba ia u lyoh.

Kaba lathub myntan ba ka Sandhya ka sab ha ki jingmut jingpyrkhat jong u. Katba u dang phai sha ki khlich lum sha jngai kiba l kumba ki her lang sha khmat ka jingpyrkhat ka wan ha u bad u ong ha lade. "Ngam kynmaw ba kawei ka iing ki nongri thlen kan riewspah haduh katta katta. Ngam iohi ruh ba ka wah bah jong ka spah kantuid ha ki iing jong ki. Wat la katta ruh ki snob ha u thlen la kum ki ngap ha ka rew. Katto katne na ki ki dei ki Khristan bad napoh ki thapniang jong ka niam ki pyniaid ia la ki kam ba shyrkhei. Nga hi ngam sngewthuh ia kata ka jingstad bad kaba haduh natno ka dor ki dei ban siew. Long hi mo ban pynlong blei ia u mrad kynsha bad ban kyntiew ia u sha ka kyrdan blei. Katno kaba shyrkhei ban pyrkhat ba uwei u khniot ia ka mynsiem uwei pat ban ioh bsa thlen tang na ka bynta ka spah. Dei tang u thlen mo uba kha spah? Kito pat kiba kynshew da ki jingtrei shitom bad da ki um syep ngi iohi ki kham riewspah bun phew-shah."

"Lada dei tang u thlen uba lah ban pynkha spah, ka pyrthei kan jin da la dap da ki thlen suda. Lwen hi em kine ki ap langthohiong ha man la ki thliw iing bad ki briew pat kin ialeh uwei ia uwei pat na ka bynta ka snam."

"To kam pher lada ki lah ban pynbeh kamai, hikai ia ki ba kin bam da ki jhur ki jbep, da ka dud ka khi bad ki syntiew ki skud kiba mih kyrbai ha ka pyrthei. Lada ki ki ong ba kim dei ki masi ki blang, ai ia ki da ka snam ki syiar, ki blang kiba long ruh ki

jingknia jong ka niam Khasi af kin bam ia ka doh knia de. Lada u briew u dei ban ri ia ki, ki dei ban bam da kajuh ka jingbam kaba u briew u bam."

"Ki rukom bad ki jingneit bieit ki sah hi wat ha ka pvrthei shai mynta. Mano ba lah ban shan ia ka bor ka juk nukliar ban snob ban ngeit bieit ha kaei kaei ka bymlah long bad kaba kham sting ban ia ka sner sim."

.....

7 Ka sngi ka la jan sep haba u Bali u pynsangeh ia ka kali ha phalor U Sonny bad ka Sandhya ki sngew ba ka iing kaba ju long kaba shit briew mynta ka pjah slam slam. Ka jingsngewngiew ka tap ia ki baroh. Ka Suma ka don ha jingkhong ryngkat bad ka Geeta bad ka Maya ban shaw ia ki tang ba kim leh kumba ju leh mynshuwa. Ym don jingsngewkmen ban por iing bad ym don jingmuja ban iohi ia kiba ha iing ha sem.

"I mei i don ha jingthiah," ong ka Suma katba ka dang ialam ia ki shapoh.

"I pang?" kylli u Sonny.

"Em, Jamai babu." Ka jubab.

Na ka lynti kaba hapoh iing ki iohi shi kamra ki kynthei ki shong ha madan Ka kmie pat ka shong kyllain myngor halor jingthiah bad ka sari jong ka ka tap bad khmut bad khmat.

"Mei" ka khot ka Sandhya bad ka iam artat. Ka kmie jong ka ka pyrshang hiar na jingthiah hynrei ka Sandhya ka rung pynstet bad ka pynnoh ia lade ha ki kti ka kmie. Baroh arngut ki ia piam iwei ia iwei pat, ka jingiam bad jingud ka dap ia ka kamra baroh kawei.

U Sonny u leit bad u ktah ia ki kjat jong ka kmie kumba ju long rukom tang ba u tip ba kam sngewtbuh briew shuh. Ynda u iohi ia ki ummat jong ki u sngew kumba ha u pdot jong u ruh ka sdang lang bad u la

kynreln ummat. U twad ia ki pla, ka rumal jong u kam don hangta. Ki ummat ki hap, u niad da ki kti. Ym long. Um lah ban pynsangeh ia ki ummat na ki khmat jong u. U iohi sawdong ia u ki kynthei ki niad ia la ki khmat. U dem ka khlich bad suki u phai nob bad mih na kata ka kamra bad beit beit sha kamra shongkai.

Ka jingiam ka jingud bad ka jingiakren sngewsynei ka kmie bad ka khun ki poi ha ki tyudong shkor jong u katba ki arngut ki ia khlei ia la ki jingmut ia kaba la leit, ia ka mynta bad ia ka lashai ba ki sngew kumba ka lawei ka suda lait tang u lyoh dum uba kah ia ki khmat jong ki.

Ki ummat ki dei ki jingpang ba iabit, haba ki sngew sib, ki iam, ki ud kiba ha iing, ki nongsngewlem bad ki marjan marpa ki ia iam lem bad ki dohnud balung ki dei kiba kloi tam eh ban ioh ia kane ka jingpang.

Ha kamra shongkai u Sonny u shem ba ka thylli lan Ki syntiew bad ki khiew syntiew kim don shuh, ki dur na kynroh ruh ki la jah katba ia ki shuki pat ki tap da ki jain jot. U kynmaw ba shi taiew mynshuwa kane ka kamra ka phuh ka phieng bad ka pdiang sngewbha ia ki lok ki jor bad ia ki nongshun ruh kumjuh. Ha kata ka sngi pat long da kumwei, ki shuki ki miej bad baroh ki jingbuh jingsad ki kren da ki ktien kiba pher, ki ktien jong ka jingsngewsih bad ka jingkynjah. U Sonny ruh um sngewthuh, katba u dang ieng hangta ban pule ia ka kamra na kawei ka dong sha kawei pat, kaei kaba par ha ka jabieng jong u namar u iengstem palat ban ia kaba u dei ban ieng.

Ka mynsiem sngewiem kam dub la napdeng kano kano ka jaidbynriew ruh. Ki ktien pyntngen ki sawa haduh ki shkor jong u katba u dang jam suki shaneng sharum ia ka kamra bad haba ka jingud bad jingiam sngewsih ki ia kiew ia biar ki khmat iong u ruh ki adang lang um biang

kumta u kut jingmut ba u dei ban mih noh ban pynjingai
ialade na ki jingjinjar mynsiem.

U mih shabar bad u shem ia u Rali bad arogut ki
khynnab ki ia pynkhuid kali, u iaid beiti sha surok hangta
ruh u sngew kumjub hi kumta u iaid shuh ia ka surok
kum u lamwir. Ka sngi ka la sep bad ka jingdum
ka sdang ban tap ia ka pyrthei katba u Sonny u iaid
haduh ba un da poi ha ka surok ba dap briew. U shem
ialade hapdeng u paidkar bad u iaid ruma khlem pyrkhat.

Ha kata ka miet ki lai ngut kiba wan na shillong ki
la thait ian ba ka sniew shan eh ka lynti. Wat la katta
ruh ki pyneh ia lade tad ynda ki marjan marpa ki la
lent. Nangta u Sonny u iaid beiti beiti sha ka kamra kaba
u ju thiah. U la lah thmu lypa ba un thiah arem haduh
ban da shai phar ka sngi. Kumta u thang ia u mom-
hati halor miej. u pynlip ia ka sharak bad u bsuh ia
lade hapoh nep. Katba um pat iohthiah u kynmaw ia
ka miet ba nyingkong ba u thiah ha kata ka kamra
bad kumta ter ter sa ia ka miet kaba ar de. Hadien
nangta u iohthiah jai. Um lah ban ong slem katno u
la iohthiah haba u kyndit thred ba u iohsngew ia ka
jingkhang ha kamra bam ba ka riew kri-i e-d-ried bad
ka khang tdam. Da ki khmat ba dang brie ba jur eh
ka jingsamthiah bad na ka jingshai u momhati u iohi
ka kynthei briew ka iaid wut sha kamra sum. Um
patiw, bad um pyrkhat ei ei ruh em, u nangtharai ba
kawei na kiba sah miet ha iing ka kwah pyndonkam ia
ka kamra sum. Nalor nangta pat ki khmat jong u ki
dang khia palati U sdang iohthiah sa shisien. Hynrei
ka jingriew kita ki bolti kdung. kdang ha kamra sum
bad ka jingsa ka um ba ka hap pashait ka pynkyndit
biang ia u na ba thiah. Mar kumta u phai la ka
khmat shaphang kamra sum ban peit mano ba mih
nangta. Ka syrogiew jong ka jainskain jong u ka shat
sha kata ka liang tang ba u lah hi ban iohi ia ka
jingkhang jong ka kamra sum. Shen ka jingriew ka
um bad ki bolti ki sangeh bad hangta u iohi ia kaei
kaei kaba um ju iohi mynno mynno ruh. I kynthei
i mih lyngba ka jingkhang kaba khang, la kumba ki

lyntang jingkhang ki ang hi hapdeng. U pyrshang ban peit ia ka khmat ka briew um ithuh satia haba dum ynda ka poi pat haba shai u shniuh jong ka u noh rynjain kum ka jingkah ia ka khmat. U ialeh ban pynshai ia ia ki khmat katba ka iaid lait ia ka jingtiash jong u khlem larkem pamar kam shym phai satia sha u bad kumta u iohi tang ia ka liang kamon jong ka ngab jong ka ba ka iaid beit syeng sha jingkhang sha kamra bam. U Sonny u iohi shai kdar ia u shniuh ba iong synnia ngain katba ka iaid biang lyngta ka jingkhang dieng khlem plie, khatdub ia wa ki khmat jong u ki iohi ia ka kjat sari shwa ba kan jah artat ha lyndet jingkhang. Kata ka pykynmaw ia u ba ka sari ka dei ka juh kaba ka Nilima ka sem ha ka arphewlai tarik. artat ba nadien hi bad na ka rukom iaid ka syriem thak ia ka Nilima.

"Ka rngai, ka ksuid," ka dei ka jingpyrkhat kaba mib ha u. U biar na jingthiah bad u pynmeh ia ka sharak. U plie ia ka jingkhang kamra sum bad u pynmeh ia ka sharak tangta. Ka jingkhang kane dang khang huk. La u peit ha kamra sum kane ka rkhiang khoit khoit. Katto u iohsngew ba theh um shaid shi shaid byarei um iohi dak um haei haei ruh U peit sa ia ki boltu baroh artylli kita ruh ki rkhiang bha ym don dak ei. er ruh ba la pyndonkam ia ki. Kynsan ka lap ka jingtieng, u sngew ka maia aiu-re ha ka khlich jong u ba ka par ia u warai jong u. U sngew kumba u shniuh u ieng baroh shi khlich. Mar kumta u khang idam ia ka jingkhang u her pynkloi sha jingthiah u tap da ka nep na khlich ha kjat. "Ka ksuid Nilie," u ong ha la mynsiem, "hooid kein ka phong ka juh ka sari kaba ha ka-to ka sngt. Lymkumta te ka briew aiu heit ka ban laid tyngba ka jingkhang dieng kumto. Ka dei ka ksuid." U sngew kum ba iap op hapoh nep kumta u ialeh ban pyllan ia ka khlich ba un dup loh ring bad pynhar mynsiem. Klingkleng ka wan ka jingawa na kamra bam la kumba buh pliang. heter miej bad kumba riw ki siang ha ki khiew ki pliang.

"Wow," ka mib ka jingawa na shynter jong u bad

ka met jong u ka khîh kir na khlich ha kjat. U tan pynkloi na khlich ha kjat. "Ani kaci kata katne miet?" Ka jingtieng u sngew kumba ka aie-re kan kyorup beit ia u, u bat skhem ia ka nep bad u pynsyngit ha ka met da kaba u ban ia ka rajai na baroh arliang. U ban ia ka tdub kaba sha kjat da ki kjat bad ia ka liang kaba sha khlich ruh u leh kumjuh da ka khlich. Mlon u kli bad u sngew kumba ym don ba lah ban khyllie ia u. Shiphang u sngew kum ban iap op. kumta u laleh da kumne bad kumta ban lait tang i khmut ban pynhiar mynsiem hynrei ka nep ka tap baing ia u khmut jong u. Um lah ban ring bad pynhiar mynsiem bha um nud ruh ban pyllait ia ka khlich shabar. "Bha kaba iap op ban ia kaba iap ha ka kti ka ksuid," u ong ha la mynsiem. Ia kumta ruh u khyllied ia i tdub ka nep khnang ban ioh ring mynsiem u ia tap artat.

Nangta u iohsngew kumba iaid mano re ha kamra bam bad ka jingkhong jong u ka pah sa shisien k - r - i - e - d. "Wu - wu - wu" u khyntur na khlich ha kjat bad u bat pynskhem arshah ia ka nep. Ka aie re ka par rieba ha u ingdong jong u bad u sngew kumba ki shniuh ki sam lyngba ia ka nep

"Sonny!" U iohsngew ia ka sur kynthai.

"Wu-wu-wu," ka mih na shyntur jong. U pyrkhat ba kaba kut ka la jan bad u dei ban iap.

"Balei kumne? leit!" U ioh sngew biang ia ka sur kynthai.

Suki u khyllied ia ka nep na khlich u phai bad peit shaphang jingkhong da ka jingtieng.

"Oh! Sandhya," u kren kumba kyndit. Ki rymmiang shyntur jong u ki dang khyntur ha. "Balei, phi kwah aie?"

"Kwah aie?" Ka phai ktien. "Ngi iohsngew ia phi ha kamra bam. Nga wan peit bad nga iohi ba ka meh ka sharak jong phi. Nga shu kwah ban tip phi kwah aie?"

"Em," u ong "Phi iohsngew..." sa ba un lait ktien? u sangeh nph kumta u kyli jingkylli.

"Hooïd," ka ong "ngi iohsngew ia phi myntan ha kane ka kamra." Ka ia kdew artat sha kamra bam.

U Sonny u dei ban tap eit miaw ia la ka tiengpud. U hi em dang kumba shimit ar minit u shuwa um nud wat tang ban khyllied la ka khmat bad ka iohi ksuid mynmiet "Kan ong kumno ia nga," u ong ha lade "Lada nga iathuh la la ka jingshem. Kan ym ngert Kan rkbie bein pynban. U tiengpud kan ong. Nga dei ban buhrieb."

"Phim pat ia thiah seh?" u kylli pynban ia ka

"Ngi la thiah. Nga kyndit haba nga iohsngew ia phi hangne."

"Nga sngewsih," u ong "ngam tip ba nga pynwit bad pynkyndit thiah ia phi Nga wad um ba nga shiang." U da shiang shisha ba tyrkhong u pdot namar ka jingtieng.

'Phi la ioh? Ka kylli.

"Em, ym lei lei. Ngan sa dih pat mynstep."

"Kumno? Shuh ngan leit shim shi klat." Ka phet artat bak.

Katno shuh u im mynsiem, ka wan ha ka por ba um poi pyrkhut ban ioh jingtarap nawei bad ka pyllait na ka jingting kaba la jan pykhlehbieit ia u. La kum ka angel ka paw kynsan bad ka syrpaï pynjem jai ia ki jing-pisa jingmut jong u. U sdang ban sngewshngain sa shisien bad mynta u lah eh ban tur pyrshah ia kano kano ka ksuid khlem sheptieng bad khlem ma bad lada ka ngai ka paw sa shisien un ia kren bad ka.

Ka Sandhya ka wan rah um shi klat,

Ai ia nga ieit, nga shiang bad ngam tip kumno ban lei. Nga la jan dih na ka top na kamra sum."

Ka kohnguh phubsamrkbie artat. "Balei phim kyr-siew ia nga?"

"Nga sheptieng, u jubab. Kumno - re - kumno kata ka ktien 'sheptieng' ka mih na ka shyntur jong u.

"Phi tieng iano?" Ka kylli khuid mynsiem.

"Ngam tip tang ba ngam nud ban pynthut ia phi."

"Wat khustai, ym don ba lah ban pynmysaw ia phi hangngne katba nga dang im."

U Sonny u tip ba ka kren ia kaba shisha. Ka Sandhya ka la ju pyllait ia u na kiba kum kita ki jingjia khlem da tip ba ka leh kumta. Ha u Sonny hi ka kordor shibun namar ka la pyllait ia u na bun ki jingjinjat.

Ka shim ia ka klat nalar miej, ka ieng hajan jingthiah bad ka ong ia u "la ar - shipawa thiah noh."

"Phi ruh thiah suk." U phat ktien.

U peit ia ka katba ka dang iaid, ka plie ia ka jing-khang bad ka mih na kamra jong u. Ka rung biang.

"Ka sharak jong phi." Ka ong, Ka pyalip bad ka jah artat sha lyndet jingkhang.

U Sonny u bsuh ia lade hapoh nep bad u khapbrip ia la ki khmat. U pyrshang katba lah ban pyllait ia lade na ki jingpyrkhat kulmar, kumta u pynleit jingmut ha kaba niew ia ki langiong. Um samthiah katba ki langiong pat ki nang shlei haduh ba u ichnoh ia ki blang ba kin niew hi ialade.

Ka jingpyrkhat ba nyngkong nyngshap. Kaba wan ha ki jingmut u Sonny ka dei ia ka Mrs. Barua. Ka dei ka tnga jong u Deputy Commissioner. U la ju pan jingmut na ka haba u ia kynduh ia ki jingeh bad ki jing-ei jingmut jong ka barabor ki iahap bad ka por. U ju pyrkhat ban wad briew ia lade kaba kum ka Mrs. Barua ka ban israp ia u ha ka shipsa, haba u ia kynduh bad ka Nilima u pyrkhat ba u ia shem ia kaba u donkam hynrei ym shym la thaw ba un loh ia ka bad ka kam don shuh ha sla pyrthel. U dei ban hun bad ka thei bhabriew ka bym pat shah ia ka shit ia ka thngan ne ia ka lyer u slap.

U tip ja ka por trel u Mr. Barua bad um kwah pyn-jinjar la u kynrad la jong da kiel kiel ki bymlarkam. Kumta u leit ha ting jong ki ha ka por khadwei baje.

"Are kumno kumta kaba phylla du ! Ngi pyrkhat ba Phin wan ba ka ar tarik." Ong ka Mrs. Barua.

"Ka dei," ong u Sonny. Nga dei ban tier pyakloi namar ki jingjia ki stet bad nga hap wan kyrkieh."

"Kumno ka Shillong ? Ka khriat bha mo ?"

"Ka da khriat bha bi," u ong. U sangah shiphang nangta u ong "Kong sngewbha ai jingmut lem, nga don hapdeng ki jingeh."

"Peit shane khyraw. Phi te phi hap tang ha ki jingeh. Sa katno sien shuh ngan batai ba phi dei ban shongkurum moh. lehseh shisyndon ia ka kane ka jingim khyoraw badonburom jong phi. Ar ki jabiang ki lah ban pynum bad pynlem ia ki jingeh baroh. Phim ngeit ia nga ?"

"Ngin sa poi shata."

"Kumta te ho-oid, lei ita iba donbok haduh katta katta ? Em phi ngam dei ban kylli ia kata baroh nga kyrmen ba ngin loh shithi. Iathuh kein ia ki jingeh jong-phi."

Ha ka jingshisha ka Mrs. Barua ka sngewtynnad ban sngap ia ki jingeh jong kiwei bad ka hun ban pyrkhat ba ki jingai jingmut kiba mih na ki rymmiang shyntur jong ka, ki iarap ia ki.

U Sonny u iathuh ia kaba la jia baroh bad ia ka ksuid da.

Yada ka la sngewthuh ia kaba la jia baroh ka peit ia ka haw haw ha suin bad ka ti kdew kadiang jong ka ka syxpai ia la ki irmat nangta ka phai kynsan sha u kum kaba dang kyndit thiah ka ia ong artat. "Lada dei kumta kata ka brew ka leit ia phi. Ka pyndem ia la ka jingieit tang na ka bynta ka para jong ka. Kaba phylla. Ka la dei ban pdiang ia ka jingtyrwa jong phi. Nga ngeit ba kan jin da la im haduh mynta mynne lada ka la pdiang ia phi. Nga tharai ka wan wad ia phi lehse ka sahnud aiu re. Lehse ka don ka jingangnud kaba

kam pat lah ban pyndep. Ka dei ban long kumta namar ka pynpaw tang ha phi hi marwei Pyrshang ban iakren bad wad jingsngewthuh na ka hi, ne phi tieng ?”

Ka thar ia u Sonny haba ka kylli kumta. U jubab pynkloi “Ka jingkylli mynta kam dei shaphang ka jingtieng. Ka burom jong ka iing ; namar uci u ban shlan ban shongkurim ia ki briew na ka iing kaba shong ksuid ?”

“Ym lei lei. Ym da dei eh haduh katta. Nga ia iohngew ia kawei kaba jia kumta hi bad ki ong ba tang ki svntiew ki la biang ban pynhun ia ka mynsiem jong kaba la leit nob. Phi ruh balei phim pyrshang kai da ki syntiew ?”

“Ngan leh kumno ?”

“Ong ia ka, ba ka dei na kawei pat ka pyrthei bad kylli balei ka wan bad ong lada phi lah ban israp ia ka ha kano kano ka rukom. Lane phi lah ban iathuh ia ia ka jong ka jingsngew jong phi na ka bynta jong ka bad kum ka dak jong ka jingieit bad hurom tyrwa da ki syntiew.”

“Lada kam jubab pat ngan leh kumno ?”

“Ka lah ban wan paw ia lade katto katne sngi namar ki ong ba kiba iap mynsaw kiju leh kumta. Tang katno ki la jah. Ym lei-lei. Wat tieng Lehse ka kwah ban pynpaw ia lade tang ha phi.”

Ka wan poi ka sha, kumta ki ia sangeh nob bad ki ia kren ia kiwei pat ki bym myntoi.

“Nga sngewtynnad,” ong ka Mrs Barna “ba phi lah da ia teh ktien. Nga kyrmen ym slem shuh ba phin iathoh.”

“Kine pat ki jingjia. Kat kum ka rukom jong ngi donkam ban ia pyllait nob haba jia ka iap ka im kumba jia mynta. Nga dang pyrkhut lehse nga ruh ngan hap ia khlad nob shuwa.”

“Wat ia leh nongkhadsanspah snem shane. Ngim shym im ha ka mynnor. Phin pynpaitnoud sa ia Ka

kynnah kaba pli bad phi ia lade ruh hadien habud phin long sah u men swai jong ka arphewspah snem."

"Te ngan leh kumno heit thara! lada kumba ngi ngeit, Jashai la shisongi nga shem jinjar bad mynsaw ei ia lade?"

"Phi dang ngeit hi ia kita kiei baroh? Ani, u samla ngeit bieit. Phi tip hi ba kine kiei kiei kim don tynrai. Ki briew te ki ong kein ba yn long kumta lada phi leh kumne bad kumtai. Nga ia lade te ngam ngeit phi. Ki dei tang ki puriskam kai ka por khyannah. Uei u ban ngeit shuh ha ka pyrthei stad mynta?"

"Phim ngeit seh kong ba ki tymmen mynhyndai ki kham stad? Wa! Ki kren ia kiei kiei kiba la shem."

"Nga ruh nga iathuh ia phi ia kaba nga la shem."

"Kaba dei, nga ruh nga ngeit ia kata lym kumta te ngan wan wad leh ain ia phi hangne?"

"Wat leh kulmar kein da pyrkhat sani bha, ia kiei kiei baroh. Ym donkam leh shitkhlich ioh jinjar ei hadien habud."

"Kata te kaba dei, ngam kwah pynjinjer kar iano iano ruh. Oh, shisha ki bun byllai ki syntiew hangne, phim ai ngan kheit uwei ar?"

"Kheit seh, shim da kitai ki tiew kulab lich. Lehse kin kham ia dei bad ka kam jong phi. Leh kumba nga la batai bad nga kyrmen ba kan bha."

U tang mar ia mih na iing ki Barua, u Sonny u pynbeit ia la ka jingmut ban iaid beit sha ka jaka sah la jong. U rung beit sha kamra thiah. U nongtrei jong u u la pynkhuud itynnad bha ia ka kamra.

U Sondy u pyrkhat tang ia kawei bad kata ka long ban thiah nob khnang ban kham aram ka met ka phad. Ka miet kaba la leit noh ka dap da kijingia- leh la kum ka sawangka ka jingim ia kaba um ju phonsniew. Ha ka jaka ba un pyndem ia la ka khlich

ban aram bad ioh bor ka met ka phad, pynban u dei ban sei bor ban ialeh iap na ka bynta ka jingtieng baduh ba un da lwaite Lada ka miet ka ban dang wan kan dap da ki juh ki jingialeh, ka bha ba u pynkbreh lypa. Thiah u dei ban ioh khnang ba un ioh bor ban ia kawanglada donkam ha ka miet ba u mang ban ia kynduh bad ka syr-im. U dih shuwa uwei u sikret katba u dang shong halor jingthiah. U thiah.

— — —

Suki katba ka sngi ka dang kylla sha ka miet bad ka jingdum ka sdang tap ia ka pyrthei, ka mynsiem u Sonny ka sdang shong syier. Myrwei u ieng ha kamra shongkai ka Sandhya. Ka miet ka iaid kumba ju long, ym don jingiapher eiei lait noh tang ba ki khmat jong u ki pashar na kawei ka jingkhang sha kawei pat U sngew kumba ka aiu re kan rung noh hi kumne. Em, um lah ban ieng kumne marwei namar ha ka khyllipmat ba u leh myn-ieng shlor, ka jingtieng ka tap lup ia u.

“Ban lei nga pynjinjar kai ia lade?” U kylli ia lade kan myntoi ai u kata ka tyrwa syntiew. Balei ba ngam leit noh sha iing la jong bad leh ia ki trai iing ba kin ialeh hi katba mon Ka kam aiu ba ngan shah tieng kai kumne bad pynsohsat ei ia lade?”

U iaid shaneng sharum ia ka kamra bad shen ki kijat ki jam kham stet.

“Dei na ka bynta kane ka samla mo kumto?” u kylli biang ia lade.

Hangta u iohsngew ha la mynsiem ia kine ki ktien. “Me lah ban iateh bad ki hajar ki samla, Sonny, tang ym dei bad ka jingim la jong. Ka jingim jong me ka dei tang kawei ym ju don kaba ar. Dei na ka bynta u kpa jong me? U kpa u ong ia me ban leit Silchar, um shym ong ban iashang bad ka iing mih syrim. Her kloï khun ka joh me shah thap ei.”

"Kaba dei kein, nga dei ban her, ka por ka nang laid." Ka jingiatiplem jong u ka tai nia bad ka tieng.

U ieng khok nangta u sdang jam biang mian mian la ka kamra. Ynda um lah shah shuh u laid pynstet shaphang lingshetja.

"Sandhya," u khot "Sandhya, ale hangne."

Ka bapli ka khynnah ka wan pynkloi.

"Sandhya, ngan leit noh." U ong.

"Phin leit noh!" Ka khmat phuhmat jong ka ka lip.
"Phim treh seh ban sah sa shimiet ruh?"

"Ngan sah kumno ar miet lai miet hangne. Hynnin nga don hangne bad kata kam mut ba ngan sah duh hangne." U pyrshang ban phuhsamrkhie.

"Ap shuwa ho, tang shi minit." Ka laid artat sha lingshetja.

U Sonny u ioh lad ha ita i por ba khyndiat bad u rung sha ka kamra ba u ju sah miet. Ki lai tylli ki syntiew ba u kheit na kper ki Barua ki don halor miej. U laid haduh jan ka miej u shim ia ki syntiew ha ka kti, suki suki u ong. "Nildi" ngam lah ban sah ha kane ka iing katba phi dang don hangne. Ngam lah shah. Ngam tip phi kwah siu na nga. Shim tang kine ki syntiew." U tyrwa ia ki syntiew ha sulin bad u buh biang ia ki halor miej, nangta u ong biang. "Phi tip hi Nildi ba, nga leit bad spgewhun eh tang ia phi. I Sandhya i dei tang ka jingtngen ia nga. Kumba Phim lah ban long i jong nga bad nga i jong phi, shim tang ia kine ki syntiew kum ka dak jong ka jingieit bad ka jingburom bad to ka mynsiem jong phi kan shongthait ha ka jingsuk, Kynmaw Nildi ngan long u briew uba kordit tam lada phim shongauk shong sain. Ka jingauk kan synshar ia phi." Khublej."

Suki u phai na ka miej had na ka jingthiah, u sdang ban laid sha kamra bam haba u iohangew ha ka jingkhang jong ka kamra sum ka ud biang kr-jed-sid rid.

Khlem peit bad khlem phai ka dei kaei, u kynrup la ka jingbat jong ka jingkhong jong ka kamra, bran u plie wang bad ha ka shi khyllipmat u rynsied blali sha kamra bam bad laid pynstet shabar. U lohi ia ka Sandhya ha batanda ba ka wad ia u, sa jem ka myn-siem. U peit ia ka baje la shiphew shateng mynmiet.

"Phi jah shano? Nga la wad la ka ling baroh kawei." Ka kylli.

"Thiah suk, Sandhya." U ong khlem salia ban jubab la ka.

Ka surok ka la kynjah, lait noh na ki sharak ha ki dieng elektrik bad ki ksew hangne hangtai, ym don briew shuh ha surok. U Sonny u laid stet u da phai artat shadien bad shakhmat bad ha ki arliang surok de.

U tang shu poi ha ling u pyrta "Bali! Bali!" bad u tied ia ka jingkhong.

U Bali u plie pynkloi ia ka jingkhong bad u ia ong artat "Nga nang mut phin thiah ha iing iap briew."

"Ka kam bieit aiu ban sah ha ling ki briew na kawei sha kawei ka miet."

"Kim sngew kynjah?"

"Balei kin kynjah? Ki la bun briew, ki lok ki jor jong ki ki ia bun kumba hynnin mynmiet hi kumto. Bali, peit shane i kpa jong ki in polashai lehse. Ka bha ba phi leit shaw na jaka hiar liengsuin. Iathuh artat ba i pa i phah ia ka kali bad in leit rah noh ha ka por ba i leit phal. Nga ngan leit ap ia i ha ling. Phi sngewthuh?"

"Ho-oid", u ong u Bali.

"To khie leit thiah noh kein."

Ha jaka sah la jong u Sonny u tip briew biang bad u khlain u eh kum u samla. U khreh ban thiah noh ryngkat ka khanatang ha ka kui jong u, tang ba um lah

.satia ban pule, um pei phang ruh ia ki jingthoh. Ka jingmut jong u ka dang ia syrdoh than eh bad kine kitai bad um nang pynleit jingmut shuh ha ka kot U khylliap ia ka kot bad u buh noh harud U pynlip ia ka sharak bad u khapbrip ki khmat hynrei um ioh thiah Ka jingiohthiah jong u mynsogi ka la pynthut ia u. Katba u dang khapbrip ka jingpyrkhat ka mih ha ka jabieng jong u.

Ka Nilima ka dei ka thei samla kaba nyngkong kaba la shon bad pynkhih ia ki jingmut jong u U leit ia ka. Ha kito ki shi por ar por ba ka don bad u ka la long kum ka jylli jong ka jingkyrmen bad jong ki jingangnud jong u. Ha khmat jong ka u sngew kum u lahduh ha ka pyrthei kata ka mut, wat ia ki kam radbah bad kam ramhah baroh. Ki kyntien jong ka ki thiang bad ki pyniaw mynsiem katba ka iaid ka ieng pat kaba da i shong kun. Ka jingwiat samrkhie jong ka ka suh bad ka peiba ia ki lyngkniap ka jabieng jong u bad u shu iap bieit. Ki jingkwah bad ki jingmut jong ka ki ktik ia ki bor met bad bor mynsiem jong u bad u sngew suk, lada ka dei tang kane hi ka kyntien kaba lah ban batai ia ki jingangew jong u Haba shu kren kyllum ka dei ka jingangnud bad ka pyrthei ka jingim jong u.

Ynda ka sdang kiar u sngew ia ka pangnud jong ka jingiakhlad bad ia ka jingpute jong ka jingim Ynda ka la iap pat u sngew ia ka jingduh bad jingthylli jong ka jingim ia kaba um sngew lah dapshuh. Um phobsniew shuh ki kam radbah bad ia ki kam ramhah bad u pyrkhat ba ka jingim jong u kan kie, kum ki hajar kiwei pat ha ka pyrthei kaba be-rong khlem pynkhih bad khlem pynwin, tum ha ka pung ki jaituh.

Em. Ym dei kumta. U la bakla namar ha ka jingiap ka la pynher syngiew ia u. Ka shanduwa jong ka jingieit ha ka shikhyllipmat ka kylla long ka shanduwa jong ka jingtieng. U tieng ia ka ragai bad ia ka syrim jong ka. Ha kito ki khyllipmat ba ka paw ia lade u sngew kumba la pra lut bad thied bad jaw. Un jia

da la kylla matlieh lada ka la neh slem. . Ka jingdon jong ka kaba ju long ka jingpyrsat mynsiem bad ka 50r ka kylla long ka jingtieng haduh ba um nud shuh ban ieng ban shong marwei ha ling jong ka yu nai ong ban tur pyrshah ia ka. Haba da lei lei ruh em namar ki dkhoh met kin hap hi tang na ka jingtieng. Ka pynshyrkhei ia ka jingim hi bad u sdang ban isih ia ka.

U pyrkhat "Don i jingpynkhlad iba tang kat i snep rynsun hapteng ka jingim bad ka jingiap Ngi im ban iap bad iap ban im, iwei pa iwei i bynta la i jong hi. Shen ngi baroh ngin kam sha shiliang. Kine ki ar ki syndait lang, pynban ka jingiapher tang shu kylla na kawei sha kawei. Don aiu ha ka jingiap? Ka dei ka lyngngoh kaba ym don ba leh ban batai Hato ngi ruh ngi ngi ju kai khah khah mo ha ka ri ki snaiap kumba ki leh ha ka ri kiba im? Ym ju don ba wan phai ban iathuh ia ngi ia ka maiian ba lyngn oh Wat lada wan ruh ngin ngeit hi? Em. Ngi tieng ia ki snaiap lada ki beh syrim hynrei haba ngi don ar ne lai ngut ka tieng-pud ka jah jyndam. Don hi uwei ar hangne hangtai kiba hun ban shong ha jingthang ne jingtep brierw. Ki da dei kiba tip brierw mo?" Suki u iohthiah.

Hadien katto katne sngi u Sonny u ioh ka shithi kaba la pynphah pat na Shillong. Ka shithi kaba ai tarik Bangalore—9 : 24th, Nohprah, 1970, "Sonny Baseit—Myn-ta ka dei ka janmiet Khristmas, ki jingpyrkhat jong nga ki her tang sha Phi Katba nga dang shong marwei ban thoh ia kane nga sngew kumba nga iobi ia phi, tangba ym larkam. Namarkata da ia ngam ha ka pung ka jingim haduh ban da ngiah shoin bad to ioh ia ka jingsuk. Ngi don ha Maharani College bad ka Conference kan kut la shibit. Lashai ngan her sha Calcutta bad nga kyrmen ba ngan ioh rah aiu-re na ka bynta jong phi. Kumno ka Sandhya ka juh hi hangto? Sa ia-thuh lut ha nga ynda phi wan phai bad ngan ap khnang ia phi. Ngin sa ia shem pat. Da ki jingieit-Nilima"

Ka jingpyrkhat u Sonny—ka shithi bad ka rngai. Don jingiadei mo?

S Ki sngi bad ki bnai ki iaid bad bun bah ki jingkylla ki mib, ka Sandhya rub ka la lait ia ka B. A., kat kum ki jingiateh ki la dei ban iashongkurim noh hynrei ka jingiap ka Nilima ka pynkylla khongpong ia kiei kiei baroh. U David bad ka kmie ki pyntip ia u Sonny ba u kpa bad u unche Bharat ki ia tuklar sah da ki sngi. U kpa jong u hi u kwah ban pynialait noh tang kat shi sngi ar sngi pe shi bnai duh kumba ju long ka rukom. U Bharat pat um shahshkor namar u sngew ba kata ka lah ban pynmih bun kiei kiei ki bym sngewtynnad Hadien ki ia kohaguh ban pynbeit ia ka jingiasongkurim hadien ba la lait snem ka Nilima. Ka jingiateh ktien kam dei ban jlan da ki snem. Ka dei ban long tang katto katne por shuwa ka jingshongkurim. Kumta suki u Sonny ruh u ngiah noh.

U lur kynsha u shaf ha ki phang mihngi. Mih sa ka jinglakafia ha East Pakistan. Kane ka ktah ia ki khappud ka ri India. Ka sdang da ki jingujor, ki jingpeptrei kam suki sa ka jingbymkohaguh ia ka synshar khadar hadien pat sa ka jingialeh makvnti hapoh bima. Nangta da ki lak bad ki putis ki nongphetwir ki da ieh shyn: nam ia la ki iing ki sem bad ki wan phet rich ha ri India.

Ha kaba sdang u Sonny u dei ban trei ha kawei na ki jaka sah ba la khreh na ka byata jong ki. Kito ki briew ki lathuh ia ki jingshem kiba ym sngewlah ageit satia.

Ha ka jaka ba u dei peit ma u kiba bun na ki nongphetwir ki dei ki khynnah bad ki kmie ki kpa kiba la tymmen, ki samla kynthei bad shynrang ki duna baduh katta katta ba ka mih ka jingpyrkbat ba ym don samla ba East Pakistan. Shen badien ka paw ka jingshisha ba ki samla shynrang ki sah shadien ba ki ialeh pyrehab ia ka bor synshar, katba kiba bun na ki samla kynthei ki la shah kem, la shah pyniap ne, ka pyniap hi da lade.

Shijer kiba la sdang tymmen hapoh ka jingpeit u Sonny ki lathuh ia u la kaba la sngew synel palat. Ia ka iing jong ki la lah maham lypa ba ki dei ban phet noh shisyndon. U kpa u pynslem ha kaba u leit wad ia ki

ksiar kiba u buhrieb ha lyngkha. U wan phai ha kawei pat ka sngi bad ki dang khreh ban phet noh ha kata hi ka sngi haba ki shipai bad ki suloi ki rung kynsan, ki talasi ia ka iing baroh kawei bad ki sbim lut phar ia ki ksiar ki rupa katba ki don bad ki ialam artat ia ki arngut ki khun samla kynthei jong ki. Ki kmie ki kpa kim lah ialeh pyrshah bad ki shu ang sah.

Sa kawei pat kaba la sngewkblemrain palat ba u iathuh uwei u tymmen. U ong ba ki pynpait ia ka jingkhang iing jong u mynmiet bad lai ngut kiba riam shipai ki rung. Ki teh ia u bad kti bad kjat nangta ki talasi ia ka iing. Ka tnga jong u bad ka khun ba dang sdang samla ki ber sha kamra jong u Ki dakait kim ieh ia ki. Uwei na ki u beh bad u bat ia ka khun. Ka kmie ka kynrup ban iarap ia ka khun ka da uxor tyngch ia uta u dakait, U mih sa uwei bad u tied da ka kunda ia ka kmie na khlieh. Ka bapli ka kmie ka kyllon bad ka phlei ka snam ha ka kamra. Nangta kita ki dakait ki tar ia ki jaiñ ka khynnah bad ki leh ia kaba sniew baroh ha khmat u kpa. Ka khynnah ka lynniar hynrei u kpa um lah ban leh ei-ei. U shu khapbrip la ki khmat na ka jinglebrain. Khatduh ia wai ki ring ia ka bad ym don ba tip shuh ia ka.

Lada kiba khlain bad kiba bat ia ka bor ki leh ruma bad leh jubor kumta bad kim iada ia kiba tlot bad ba lui lui, ka nusip jong kata ka ri ka la pan lypa ia ka nurok ka ksew.

Ki nongphetwlr ki la shah ia ka jingrunar bad jingdakait ki nongbanbein. Ha India pat ki juh ki briew ynda ki ta mad ia ka lyer jong ka jinglailtuid, ki dawa jlawnguid ia kiei kiei baroh. Don aiu ban ialeh ba ka riphiwji kam lait nob tang ia la ki nusip la jong. U briew um lah ban tipbriew bha ha ki trep jong ki sawphew sanphew hajar khlieh ba la tyonnan kumba thep khapiash khlem jaka pynhiar mynsiem lait nob tang ka tyngka sam lsnei. Ynda la sop sohbyrthit ka pyrkhut pyrdain, ka laitluid bad ka bor ban trei kat ka mon

la jong, u briew u sdang ban ngam ha ka tharai snlew, ha ka isih bad pihuin. Kita ki jia ha riphwi kam bad ki nongphetwir ki leit phai pat kiba la kthang mynsiem.

Ki jingkyrshan bad jingsngewlem ba ka India ka pynpaw ia ki nongshah ban bein suki ki ring ia ka sha ki madan thma pyrshah ia ka para marjan. Shuwa ia kata ki nongsyntiat bad nongpynjop ki shlei ha ki khappud la ka riam nongphetwir ban pynkulmar ia ka laid ka ieng. Ki jingkieng rel bad ki rel ki dei ki nishan ba kongsan.

Shisien ha u Naiwieng u Sonny u dei ban leit sha Karimganj. Uwei na ki para ba ithuh ithaw jong u, u dei u sahep khynnah jongki shipai kiba ap ia ki lynti rel u tyrwa ban kit ha ka jeep jong u. Kim ioh mih biang por namar ka dei ka rukom jong ka por ba dei ban iuhroit ia ki por khnang ban ioh ban trei ia kiwei pat ki kam kiba mih kynsan khlem mang bad khlem pyrkat. Ym dei shuh kumba ju long la kylla ndong shadong. Ki hap mib ynda la ndhngi pynban. U bah Roston Dkhar u hap biar lajan manla ka jingkieng ban peit ia ki nongap pahara bad ban batai kumno ki dei ban leh.

Hadien katto katne u Sonny u ong, "imat lashai te la poi Karimganj hi."

"Kumno kumta?" Kylli u bah Roston.

"Kane ka kali bordi jong phi" u kdew artat ia ka jeep "ka pangah bad ka sangeh ba manla ki jaka, te kumao ngan khmih lynti ban poi."

"Ha—ha—ha" rkhe pyllait pdot u Roston. "Em phi bah, ngan ym slem shuh."

"Phi phin ym slem, hynrei ki briew jong phi kin ym feh. Ka shim por ban iathuh la ki jingah jong ki ne phi mut ban ym shahshkor?"

"Nalor nangta kine ki nongpynjot, ong u Roston "ki kylla buit man ka por. Ngi ruh ngi dei ban pynkylla ioh ki lah ma ki."

"Phi lah hi ban khang ia ki ? Nga tharai lada ngi ieng syndait baroh shi ri ngin ym lah satia ban tap ia u pud khlem da khein ia ki duriaw."

"Ngi don ki buit. Ia kaba ki khmat kim iohi ki buit ki lah ban lap. Kaba ngim tip ka long hangno pat ki mut ban trei."

"Uei u ban tip lehse kin leh ha khmut jong phi."

"Ngi la husiar bha tang ba ngi duna briew. Nga mut ban ong ki briew kiba la ioh jinghikai kiba lah iohi palat ban ia ki shijur ki khmat. Lynda kumta kine ki jingpyubthei kin pynjinjar ia ngi"

"Kumno phin tip uno uba mut ban leh ? Namar ym don jingrapher hapdeng ki briew jong ngi naduh ka riam ka beit haduh ka ktien ka thylliej?"

"Wat khustai. Sa iarat ita ruh. Ieh ha ngi seh. Ngi tip la ka jingrapher lym kumta te kin jin da la pyn-jot ha ban da biang, namar ki la sdang naduh shuwa ba ngin pyekhreh bad mynta kidon da ki spah ha kine ki thain. Kiba bun na ki mynta ki rieh bad shea ngin sa lah ban beh ia ki. Oh ngin hap sangeh hangtai de."

Ka kali ka suki jai bad ka Phai sha ka surok ba shu siang maw malu mala sha ka jaka sah ki shipai. Ka dei kawei na ki jaka sah ki shipai u Roston. U Inspector uba dei peit ia kata ka jaka u la khmih lyn-ti lypa ia u sahep ba un poi ha kata ka sngi. Kumta ki pdiang sngewbha bad pdiang burom ia u'

U Sonny um ju iohi ia ka jingieit bad jingburom kiba hapoh ia la kiba halor kaba kum kata. Ha ka jing-trei jong u, ki aktor baroh ki dei tang na sla katba ka jingieit bad jingtieng burom ka pher.

"Ngi da sngewburom ban ioh ban pdiang la phi ha ka por bam kumne," ong u Inspector. "Borabor phi kiar ia ki por bam jong ngi. Mynta ngin ym shah ba phin leit khlem bam."

'Ym don kam pynshitom ia lade namar dang sah sa lai jaka ba ngen leit bad uno u sahep ruh u kwah poi noh ha Karimanj."

"Hangne ka kam ka belt. Ym don ei ei ruh em. Phim treh bam sahep?"

"Kumno hangta ngin ia bamja noh hangne?" kylli u Roston ia u Sonny.

"Ngen jin da la sngewbhu," Jubab u Sonny ba u sngewthuh ia ka jingsngew ki shipai,

"Kem f Bhadra Wan rah klat hangne" Hukum u Inspector.

Tang shu hukum ia ki klat, ki briew ki la pynstet shane shatai.

"U Sahep un bamja bad ngi, pynkloi" Ong ia-wan habar, kata ka iing jain.

Ynda ia poi ki klat, u Inspector u sei u bitor rum, na kyndong bad u buh halor i rynsan iba harud jingthiah. U theh mar khyndiat bad u pyndap da ka um.

"Hangne pat ka klat jong phi?" Kylli u Roston ia u Inspector.

"Ka mok, sahep. Ngi don tang ar tylli ki klat" U sei artat na ka pla shipai ia ka mok.

U Sonny u shong hajan u Roston halor ka jingthiah ba ki siang da ki siej. Um suk satia ba u mlien than eh ben shong halor ki shuki sop syngkhien. Shiphang shiphang u kyndiah ia lade hangne hangtai ba ki siej ki pen ha jingshong jong u.

Ki shipai ki wan rah i lynten ba la sdang dum. kumta ki lai ngui kta kja suki na ki klat jong ki hapoh ka jangshai kata ka lynten.

"Inspector sahep" kylli u Sonny. "Phi ia bamja dang katta por te ym dei dang shai than eh?"

"Ho, old, sahep. Ha sor te ka dang shai than eh Hangne pat ngin leh ain lait noh tang ba ngin ia kren bad thiah. Did shuh sa khyndiat." U Inspector u theh sa mar khyndiat.

"Kaba phylla, ka bang pynban hangne," ong u Sonny.

"Dei kata kaba jinjar bad phi ki sahep ophis," phai ktien u Roston, u niad artat ia ki rymmiang shyntur da ka rumal. "Phim tip setia katno muja ban iaid ban ieng ban shong ban sah habar, lait na ka kshapngiah bad jlep sor. Ngi kiba la mad ngi kham sngewthuh katno shngiam teng teng ban ring mynsiem ia ka erfum erwah."

Ka wan sa ka ja. Ki sdang bam U Sonny u sngewthuh ia ka jingbang ka ja ka doh wat la ym don jingtah palat ban ia u dai bad ka doh. Ka rukom bam jong u ka pynlong ia u Inspector ba un khot ia u ba un wan bam teng reng lada jia ba u iaid lynti nangta. U Sonny u kohnguh tang ba kim shymlah ban ia kren kut. Ka rel ka hiar bad sa tang shiphang jling ka bthei ha ka dong ba ka iaid ka rel.

"Are! khun ka ngoh, ki la pynbthei biang." Ong u Roston. U ieng joit u niad ia ki kii ba ka tawlia kaba don hajan jong u, u sei ia ka pistol, u kdiah ia ka bad u shem ba la thep bha shoin bad her bak, ryngkat bad ki shipai hadien bad ha khmat jong u.

U Sonny pat u shim ia ka elektrik bad bud ia ki.

"Bah Roy, wat wan shane" Hukum u Roston.

"Em," jubad u Sonny. "Nga dei ban leit."

Ki iaid stet na surok bah dang kumba shipawa kilometer ei ei haba ki suloi na shiliang wah ki riew rat-tat-tat rat-tat tat. Baroh ki dem ha surok bad ki par shaphang nala kaba don hapdeang ka surok rel bad surok bah.

"Ki sala ki iada ia ki." Kren biang u Roston katba u dang par suki bad ka tbeh elektrik ioh don jingriam ei ei ba pynapi ia ki. Ka miet ka dum synnia bad ym kham don khlur ba u kah u lyobiong. Naparkata ym iohi ei ei ruh em. Teng teng ki kuli na shiliang wah ki her nalar jong ki whis whis. Kan shim por slem ban poi

ha ka jaka ba bthei ka bom. La kumta ruh ki pat 'suki.

Shen ki riew sa ki suloi na ka liang jong ki na lai saw jaka, bad suloi rit suloi heh. La saw bain ka bneng da ki kuli ding bad ka jingriew la kum ha tbma kajuh. Ki jingiasiat ka neh kumba san ne shiphew minit hadien nangta ka kynjah jlang. Kim nud iaid na surok, ki dang iapar na nala. Hadien katto katne por ynda ki sngew ba ym lei lei shuh. Ki mih ba surok bah nangta ki iaid stet bad ki her. Sa shiphang ki iohi kum ka rel kaba ieng jngal na ki khlem sharak khlem ding Hangta lei lei ki her kham stet tad haduh ba kin da poi hajan bad ki ithuh ba ka dei ka rel kit jingkit. Ki tbeh ia ka jaka u guard ym iohi briew. Ki kiew bad ki shem ym don briew. Ki khot bad ki wad hangne hangtai ym don ba thie. Kumta ki her sha khmat bad ki iohi katai ka enjin ka ieng jngal na ka rel. Ki poi ha ka jaka ba ka bthei ka bom. Ym dei ha jingkieng. Ka bom ka bthei ha madan bad ka pyngkad ia ki lain rel ha ki arliang lynti. Ki peit bha ia ki daba rel ym don dak ei ei ban pyni ba ki la sniew. Kaba phylla. Ki da kham peit bnab ia ka daba kaba nyngkong ki shem ba u nar bteng um long shuh. Ka enjin katai ba khmat bad ym imat don briew satia.

U Roston u leit haduh ka enjin, u kiew ha ka jaka u draibar.

"Me dei u ei?" U kynhiet u Roston.

Ym don jubab.

U Sonny ruh u kiew ha ka enjin bad u iohi ia u briew ba u khynniuh bad um nang kren shuh.

"Ani, une u briew." ong u Roston. "Me dei u dribar?"

"Ho-oid, sahep," u jubab ia khynniuh artat.

"Hiar, hiar hangne." Ong biang u Roston.

Hangta lei lei um don pyrthei.

"Balei me kyluh katne katne. Pynch Iano me tieng? Ngi wan khang ban iarap ia me." U Pynshlur u Roston.

"Ngam tip shuh jia aiu?" ong u draibar u da nguh naduh kjat ia u Roston.

"Detteri! Me khleh bieit ne? Wat leh kumto. Shano pat ki lok jong me?" u kylli u Roston.

"Ngam tip," u ong.

"Ki don bad me ha ka por ba bthei?"

"U Fireman u don bad nga. U guard ruh u dei ban don ha la ka jaka."

"Mynta pat shano ki don?" u kylli biang u Roston. Hadien nangta u phai sha ki briew jong u bad u hukum ban wad ia ka pynthor kba.

Baroh ki ia leit wad. Ki shem nyngkong ia u guard hapdeng lyngkha. Nangta u mih sa u Fireman de. Ha kajuh ka por ki iohi ia ki sharak jong ki kali kiba na Karianganj bad na Badarpur ba ki wan.

Ha ka lai tarik u Nohprah ka pyrtthei ka bna haw ba ki Pakistan ki bom ia ki jaka hiar liengsuin ki shipai India kiba ha ki phangsepngi. Ka dei ka jingsdang jong ka thma artaiew kaba wallem ia ka jingiap bad ia ka jingjot. Man ka sngi ki mih ki khubor kiba sngewtriem bad ki sngi kiba khatdub lei lei kiba la sngew shyrkhei bad sngowsangsot haba ia ki rangbah, ia ki kynthai bad ia ki khyannah kiba pli, ki bym dei ki nongialeh ki ring la kum ki mrad sha duwan ka jingiap ia ki briew kiba ka pyrtthei ka barom na ka bynta ka jingstad jong ki, ia ki nongbikai bad ia kiwei pat ki niah la kum ia ki blang ki langbrot shi kynthun kynthun shabar shnong. Don kiba iap da ki kuli, kiwei pat ki shah patar bad shah dain naduh ba ka jingiap kan da shlm noh ia ki myn-siem jong ki. Naduh katno uba rem u lah ban leh ki kam shyrkhei la lah thoh ha ki lynnong jong ka jingkhil hima jong kine ki thain Kumta ia ka East Pakistan la pynkylla Bangladesh, kaba kha na ka umsyep, na ka enam bad na ki jingshah shitom.

Ha kawel ka engi u Barua u khet la u Sonny na ka bynta ka kam kaba kyrkich. U Sonny u leit ban ia kynduh ia u kumba u ju leh barabor u da pyrkhat lehse ba u dei ban leit biang sha ki khappud. Haba u rung ha kamra u kynrad u iohi ba u Barua u dang bun kam bad u kerani jong u.

"Good morning Sir," ong u Sonny.

"Good morning," ong u Barua u kdew artat ia ka shuki ba un shong u Sonny. Ym slem hadien u kerani u mih noh.

"Mr. Roy," ong u Barua. "Nga dang shu ioh ia ka-ne ka hukum na ka sorkar. Nga ngewtynnad shibun ba ka sorkat ka jied ia phi. Heb, kane shim pule hi" U ai ha u Sonny da kaba phuh samkale.

Ki ktien u Barua ki pyndap ia ka dohnud jong u bad u shim da kaba kmen bad u pule. Ynda u poi ha ki lain kiba donkam ka mynsiem jong u ka noh. U ruh u shong shanish sah shi minit ar minit ba ka shuki.

U Barua u peit ia u bad u iohi ia ka jingbymbhun ba ka paw ha ki khmat u Sonny.

"Ngam ju kwah mynno mynno ruh ban leit sha ri nongwei. Nga dei ba ka Foreign Service?" kylli u Sonny.

"Ka dei ka hukum jong ka sorkar. Ngam tharai ba kin pysesah slem ia phi hangta. Ka lah ban long tang shi por kata ka mut ar ne lai bnai."

"Ki jied ba ngan laid, halor ki jingriam ka jingiap. Hato ki ngewthuh mo sangtai ba nga dei uba hit ban shinti kum ia kane ka kam. Nga tharai ba kan kham bha ba ki leh kam noh ia nga."

"Da pyrkhat bha, nga ong da pyrkhat bha Mr. Roy. Da bisar bniah balei phi rai kysan da kumta. Mynta

ki bukum ia phi ba phi leit iarap ia ka sorkar Bangladesh
Ki da pynkiew kam ia phi ba phi trel ia kata. Ka
jingioh jong phi ruh kan khem heh."

"Saheb, ngam donkam peisa lada phi mut ia kata.
Ka jingkieu kam ruh nga tharai ka dei tang ka jing-
pynthame. Nga tang shu wan phai ngan sah kumjuh
hi kum kiwei pat. Nalor nangta ka dei ka ri nong-
wei kaba ngam mon satia ban leit. Aiu ka lah ban jia
mano ban tip? Em nga dei ban ujur."

"Phi lah ban leh ia kata tang ba kymnaw ba phi
dei ban leit. Phi la tip hi ba ka dei ka kam kaba
kyrkieh. Ngan da ia kren shuwa bad ki shipai bad ngan sa
pyntip ia phi. Namar phi dei ban ia trel ryngkat bad ki.
Ia ka ujur jong phi sa ai ba nga la shibit badien ba
nga la ai kopi ia phi. Da kymnaw ia kane ba ka jing-
leit jong phi ka dei tang shi por. Mano ban tip
lehse phi donkam ia ki jingkylla kiba kum kine. Ha
nga hi nga sngew ba ka dei kaba bha na ka bynta
jong phi kiba dang eh dang khlain."

"Ka ri kaba don hapdeng ki jingieuh bad ia kaba
ka thma ka la petar haduh shyieng bad nga pat ngan ia-
rap ia ka sorkar hangto." U ieng bad u mut ban mih
noh.

"Shong shuwa. Mr Roy. Phi thut pynban Balei
phi leh kumne? Kiwei pat kin jin da la kmen ban ioh
hud ban laid pyrbel sha ki ri nongwei, ia phi pat ngam
sngewthuh sngewthaw."

: Phah ia nga hangno hangno, ngan jin da la leit da
ka mon sngewbha. Hynrei ba Bangladesh em, ba ka
ri kaba dang shu islethma bad ki briew ki dap da ka
jingisih suda.

"Ym don thma shuh mynta. Phi dei u nongkit
tien syiem jong ka jingsek bad kata ka dei ka kam
jong phi kum u Liaison Officer. Phim rat da kyntelt
briew, ngim khmib lynti ba phi leh kumta. Ha ka

"Jingshisba phi dei ban iarap ia kiwei pat. Phin iarap ia kito kiba la duh nadong shadong."

"Nga lah ban leit, tang ba nga dei ban ujur ruh."

"Leh ia kata bad leh kum u rangbah de."

"Khublei shibun eh, nga rub nga mut ban ieng noh."

"Ka bba ba phi khreh lypa, lehse phin hap mih noh, ha kine ki ar sngi lai sogi."

"Katta katta hi?"

"Ho old, namar phi la iohi hi ba ka dei kaba kyrkich. Shisha, ong ia i Sandhya ba in ym sngew ei-ei ho."

U khublei biang sa shisien bad u ia mih noh artat.

Urn shym shong slem ha kamra u kynrad jong u, wat la katta ruh u sngew ba ito i por iba khyndiat i la pynlwet ia ki jingsngew jong u, haduh ba u sngew buh-khoh sah. Kumno un leit? U la tip lypa ia ka jing-laleh makynti kaba long hangta. U tip ba yn ym don ba pdiang sngewbha bad kin niew ia u kum ia u nong-shun U khlem rung shuh ha ka kamra jong u suki ki kjet ki lam ia u sha ka jaka ba u sah. Ynda u la lah thoh ia ka dorkhas, ki jingmut jong u ki her sha ka Sandhya. Joit u ieng bad u iaid beit sha ing jong ki u da kyrmen artad lynti ba un ioh jingngen bad ban kham aram ki jingpyrkhat.

"Em phi, u bakla. Ka Sandhya ka dang shong pyn-rkhiang shuiuh habar ha ka sngi ba ka dang shu dep sum. Ka tang shu iohi ia u ka kyndit pynban."

"Balei phi pynbthuh katne katne ka khmut ka khmat jong phi? Don ei ei kaba phim hun?" Ka kylli.

"Nga dei ban leit noh sha Bangladesh." U lathub beit

"Hangno?" ka dei ka jingkylli kaba ar.

"Ha shilot."

"Are, kata te phi doobok." Ka nang pyngkulmar shuh ia u "Ngan jin da la leit ban ioh leit shata. Phi tip em ba ka dei ka jaka kaba bha. Ka Shilot ka dei ka jaka kaba sngewtynnad. Baroh baroh ki ia kwah ban leit shata. Ka bha shibun na ka bynta jong nga. Ngan sa wan kai sha phi shata. Lano phin leit ?

U shu ang sah haba u iohsngew ba ka iaroh ia ka Sylhet. U tip ba ka dei ka Mecca jong ki nongphetwir kiba ha Assam. Lada kumno kumno ruh ha u hi u pyrshah. Um sngewihub satia kumno kata ka ri kaba tuid da ka dud bad ka ngap ka pyrshah ia ki jingpyrkhat jong u.

' Ka jingsngewtynnad aju kaba don ha kata ka jaka ?' U kylli.

"Wa ! Imat phim tip mo. Ka Shilot ka dei ka jaka jong ki jingdonkam baroh Phin ioh nadong hadong naduh ki jhur ki jhep, ki dohkha, u khaw kiba da shngiam ruh. Ki dohkha lei lei te kein noh. Ki ong hana ba kawei-pa-kawei ka iing ka don ki pung dohkha ba kaba ki ri bun jaid."

"Dohkha", u kren ha la mynsiem, "kato kaba im tang ha um, khamtam lei-lei ki kha elisa jong ka wah Padma ki pynjlawnguid ia ki ryndang jong ki Bengali. La dei hi ba kin burom ia ka shilot."

"To kata," u ong "ngan sa pyntip ia phi bad thoh khnang shaphang ki dohkha. Mano ban tip nga lah ban wallam katto katne ynda nga wan kai shane."

Ka Sandhya kam sngew ei-ei na ka bynta jong u. ka sngewkmen pyuban haba ka iohsngew shaphang ki dohkha. Ha ka jingshisha ym don ei ei ruh em kaba thymmai ha ka jingiadei jong ka bad u.

Ka jingiap ka Nilima, ka ksuid bad ka jingiakynran ia kine baroh ki ktah ia ka jingsngew u Sonny. Namar-kata u pyrshang khnang ban pynjungai ialade. Haba teng

khat u poi ha ling jong ki ruh, ym da dei eh na ka jingkwah jong u hynrei tang kum ka dak bad ka akor. Kito ki jingehong hit ba u ju sngew ba ki por mynshuwa ki la lah wat la u kwah ban khyllie hng katno katno ruh um lah shuh. Kajoh ka jingsngew ba u sngew ba u snem uba nyingkong ka sdang ban par ha ki thied snam ka jabiang jong u. Kumjuh ruh ha kata ka sngi katba u dangieng ha khmat ka Sandhya, u phai ia la ki khmat shawel pat ba u lah ban pynfyngngiar laleda tang ba ym don kaei kaei ruh kaba lah ban pynfyngngiar ia ki khmat jong u. U phai biang sha ka Sandhya, kane ka shua ia la u shuiuh bad ka thad pynshiang ba ka sngi ka da kynud da la i sur la jong. Hangta u kynmaw ia ki ktien u Barua "Mano ban tip lehse phi donkam ia ki jingkylla kiba kum kine" U pyrkhat sha ba shien ia kitei ki kynfien bad u sngewthuh ia ka jingdonkam ba u dei ban mit na Sitchar. Lehse kata ka lah ban pynklet bad pyamyllen noh ia ki jingbtai jong u baroh.

Dang kumba shiphang por mynshuwa u wan da ka jingthau kaba, shisha ba un bynshet ia la ka jingkit kaba u sngew kumba um lah shuh ban shan, Pynban long lehnobei. Ban da ka Nilma kan dang im kan jin da la pyrsiang ban pynsting bad weng qoh syndon ia ki jingsngewkha jong u baroh Hynrei ka Sandhya kam dei ka Nilma bad u pat u dei hi u juh hi u Sonny kumba mynshuwa.

"To kata, Sandhya. nga don bun kiei kiei ban song, Nga dei ban kareh hpa. Ngan iaid noh," U ong u ia iaid artat sha phelor.

"Sa iathuh lam ia ka sngi ba phia leit" Ong ka Sandhya.

"Nga la iathuk ia phi ba ngam tip, Ka lah ban long lashai ruh."

"Shu phab ktien."

"Ngan pyrsiang." U ong.

Dang step ha ka sngi shuwa ka sngi Kbristmas u Major A. Tendulkar, thoh da kumta ha shadem. u waa shaw ia u Sonny na iing. Ha kata hi ka sngi ki ia leit aba Shilot. Ka lynti kaba la thait, U Sonny um kynmaw ei ei ruh em lait noh tang ia ka surok kaba bam pong bad ba ki dei ban ryngkang ia ki wah bad ki pung. Ki poi ha Shilot ynda la sdang dum, Ka shnong kane ka la lyngkrang, la bun ki ling kiba shah pynjot. Ka jingkieng halor ka wah Surma kaba pyniasoh ia ki at ki bynta joag ka Shilot kama longshoh. Ki lphur jong ka ki la noh shapoh um. Ki dak jong ka thma ki paw ha baroh ki dong jong ka shnong. Nalor nangta ka jingma iwkhong ka her kylleng ka shnong. Ka jingma kama da dei eh tang ha sor hynrei la jan baroh shi lynter lynti naduh ba ki rung ha Bangladesh ki iohsngew ia ka.

U Major Tendulkar u iathuh ia u ba dang bun ki met iap jong ki brlew bad jong ki mrad kiba sah kylleng ha ki wah, ha ki lyngkha ki risai bad harud surok de. Kan dang shim por ban pynkhuid ia ki.

“Don jingma ban trei hangne?” Kylli u Sonny.

“Khlem, artation ki jingma bad jingmynsaw ki don. Ngi dei ban jong kiba la kloi bad ngi khreh ia lade ban tur pyrshah. Ki nongshun bad kito kiba la shah ia ki. ki kynrei bha hangne hangtai. Donkam ban sar lut phar ia kum kita bad mynta hi ki Mukti ki pyrshang ia kata.”

“Nga pat ngan leh kumno? Ngam ju bat wat tang ia ka suloi ruh,” Kren bynniaw u Sonny.

“Phim dei ban khustaj. Phin don ryngkat bad ngi bad ki jawan jong ngi ki tbit ban iada ia kiwei.”

“Ka jingada da lade ka dei kaba bha tam eh, Ngam tip katno eh uwei pat u lah ban leh ia kata.”

“Ngam tharai ba phi da tiepp haduh katta. leh ia kata ka kam na ngi, ngi ngi lah eh ban iada ia phi.”

"Ngam shym ong ba nga tieng. Nga icit ia la ka jingim bad nga khein kor ia lade. Nga tieng ia kito baroh kiba mut ban pynsiew bad pynmynsaw ia kiwei. Phi pat kumno?"

"Ngam don por," ong u Tendulkar "ban pyrkhut ia kita kiei kiei Ngi trei ngi ktah kat kum ka jingdawa jong ka por. Ngi lah ban duh ia la ka jingim de lada phi mut ia kaja tang ba ngi pyrshang bau sumar bha ia lade.

Ha kata ka janmiet hi u Sonny u leit ia kynduh bad u Colonel Vora. Ia ka jingdonakor jong ki Ophi-sar shipai ka bha ba ngi ia mad hi Namar u Colonel Vora u ieng joit na kaba shong, u sei ia la ka kti kamon ban khublei ia u Sonny bad u da kynjut tyageh.

"Ngi la khmih lynti ba phin poi mynhynnin," Ong u Vora "La katta ruh ka juh bi ba phi poi mynta Phi la iobi hi da la ki khmat ia ka jingiot bad ia ka jingshipa jong ki biew hangoe Kiba jinjar eh dei ki nongsor. Ki nongkyndong kiba phi ki shitom bi tang ba ki dang kham ialah ban kyrda ia lade Ngam da tip bha lada baroh-shi Bangladesh ki long kumjuh kumae. La kumno kumno ruh kan shim por shibun ban pynieng pat ia kaba la twa." U ialebkae artat ia ka kot sada kaba don ha ka kti jong u. "Nga tharai phi tip hi ia la ka kamram hangoe?"

"Ngam da tip bha." Phai ktien u Sonny.

"Phim tip? Ym lei-lei Nga tharai u Mr. Abdul Ahmed un wan lashai mynstep shane. U wan mynhynne mynstep bad nga imat u sdang leh bynniaw ba phim poi Ngam da tip bha ia ka kam jong u la shai ka sngi. Namar ngim ju pynbna lypa loh don kiba thmu ban pynhiarkput. Lada jia ba u wan kan bha ba phi leit bad u shisngi ar sngi khnang ba phin sngewthuh ia ka jingjinjar jong ki biew hangoe. Mynta bi ka bha ba phi shong thait shuwa."

"Uet uta u Mr. Abdul Ahmed, Sir?" Kyll u Sonny.

"Oh, shisha U dei na ka Pakistan, Civil Service, trei kum u Sub Divisional. Officer bad ha ka pór khññ pyrtnei u phët rieh sha khlaw ban lait na ka jingbitar shla ki shipai. Mynta u la paw pyrtnei biang bad u trei kum u Deputy Administrator bad u tip bha ia ka synshar khadar hangne U dei na ka ling ba donburom bad un iarap ban pynsgewthuh ia ka jingtrei jong phi. Hangne ngi iarap lem uwei ia uwei pat. Lada phi ia kynduh ia kino kino ki jingeh, wan ia shem bad nga hangne. Ngih sngewbha shibun eh ban iarap laphi."

"Khublei shibun eh. Ngan ym pynwit shuh la phi." Ong u Sonny u ia leng artat.

U Colonel ruh u leng.

Ki ia kynjut kti biang.

U Sonny u leit phai sha la ling jain. Ka khriat mynmiet bad u shem ba u Tendulkar u dang ap ia u. Kim donei ei ban leh bad kim nang ruh ban pule ba ka lynten ka bym da phyrnai. Kumta ki sei ia ki kha-natang bad ki ia kren haduh ban da kham miet bad ki sa iohthiah.

9 U Sonny u pisa; U sngew kumba u lyoh rben u tap lup ia u bad marwei u lynga. Um lah satia ban plied ia la ki khmat, um iohsngew ei ei ruh em lait noh tang ia ki niang kynjah ba ki pah ha ki shkor jong u. Katno sien shuh u ialeh ban kyrsiew ialada hynrei ki khmat bad ki shkor kim kohnguh ia u. Ia kiwei pat ki dkhot met um kynmaw satia lada ki dang im bad dang snoh ha ka met jong u Kumta u pynkie sah ialade ha kata ka jinglong bad u kiet ia kiet kiet baroh.

Haba u sdang kyndit bynriew pat sa shisien u pynkhññ ia la ka khññ ban pynshisha ba ka dang

don ha u syndang jong u. U angew ba ka khia. U pyrshang sa ia ki kti bad ki kjat, u sngewthuh ba ki dang don ha la ki jaka tang ba um lah pynkhih. Nangta u pyrshang plied ia ia ki khmat da ka bor baroh, suki ki irma ki ran hynrei um lah ban ithuh si ei ruh em, U matlah mo, ne u phonsaniew? Kumta u khapbrip biang bad u thiah.

Ha kaba lai sien ba u angew iap op u kyndit bynriew artat war. U plied ia ki khmat bad u iohi ia ka sat halor jong u. Ka sharak ka meh tang ba kam lah ban pynshai ia ka kamra. Suki u i kumba ka rong ha ka sat ka kylla na kaba lieh sha ka rong thwei bad suki ka kylla lieh biang. U pyrshang ban pynkhih ia ki dkhot met sa shisien, ki dang khia hi. Suki ki khmat jong u ki phai sha ki kjat, hangta u ithuh ba la sop spain ia ki da ki jain balieh bad ba la tynrong bad teh halor i ryndan ritiba don ha jingthiah. Nangta ter ter u sngewthuh ba ki la teh ia ka kti kamon de, Ha ka phang kadiang pat u iohi ia u bitor snam ba sdien da khongpong. Khatduh ia wai u sngew ba ia ka khlieh jong u ruh ki la sop spain. Dei tad hangta ba u sngewthuh ba u don hapoh hospital tang ba um tip ha kano ka jaka. U pyrshang ban kynmaw pat ia ki jingla baroh; haba u sngew kumba u la jan kynmaw kynsan kynsan ka met baroh ka-wei ka tyrsain, Ym don briew hapoh kamra mano ban syrpal lem ia ka jingtyrsain ha ka met jong u. U pyrshang pynkhih ia ia ka met, um lah. Ka jingtyrsain suki ka ktha ia ka met jong u bad u sngew kumba baroh ki dkhot met jong u ki suh bad ki pang, U Sonny u ta tieng.

Hadien katto katne ka wan mih ka nongstuar ka shim ia u thar thew jingebit nalar muf.

"Kong," u khot ia ka haba u iohi ba ka wan hajan. U tlot bad um lah ban kren palat.

"Sh-phim pat dei kan kren," ka ong "ang ka shyntur."

U kohnguh ia ka. Ka shim jingshit bad ka twad
ia ki thied snam hadien kata ka theh ha ka kot.

"Pang," u ong "Hm...hm...hm,"

"Pang baei?" ka kylli

"Ka met...baroh..."

Ka nurse ka leit syrpaí ia ki slajet jong u. Ha-
dien ka syrpaí ia ka sla kti kamon.

Ym myntoi ka jingtyrsain bad ka jingtha ka met
ka nang jur. U ud ar shah.

Ka nurse ka ichaoh ia u marwei. Hangta lei lei
um don pyrthei shuh. U pyllait jynhaw kynsan
"Wo-ow, Wo-ow," u sngew kumba kata ka jingud
jong u ka kit noh shi bynta na ka jingpang jong u.
U khapbrip ia ki khmat bad u ud biang. Hadien u kbun
ia ki rymmiang shyntur ia katta ruh lait hi na ki thiew
khmut. Um kwah peit shuh ki khmat um lah shah ban
iohi ia ki kjat, ia ka sad, ia u bitor snam. Dei tang
ka jingud kaba lah ban batai ia ki jingsngew jong u
baroh ha ka kamra kaba thylli.

U iohsngew ba ka jingkhong ka plie. Arngut ki
nurse ki rung. Kawei na ki ka dei kajuh kaba thew
jingshit ia u.

"Phi — phet" u ong.

"Nga leit wad jingiarap na ka bynta jong phi. Ka
batai jom ia u.

Baroh arngut ki wan harud jingthiah jong u bad ki
ia krem hi para ma ki. Kawei na ki kaba la kham
heh ka deng u pahpoh saw ha ka synghai Ka shim ia ka
kot jong u bad ka peit bniah, katba U Sonny u dang
ud. Hangta ka peit ia u bad ka kylli. "Hangth phi
sngew. ba phi pang. ju?"

"Baroh - ka met."

Ki syrpaia ia ki sla kti bad sla kjat. Don ka jing-sngew aram ha kaci ba ki leh.

"Hangno nga don?" Suki u kylli ia ki.

"Ha hospital" Ka jubab kaba la kham beh.

"Nga tip hynrei...uh!" u ong.

"Ha Gauhati," ka iathuh.

"Kumno nga pol?" U kylli biang.

"Ngam da tip bha. Ngan da wad jingtip. Phi lah ban thiah? Khapbrip la ki khmat bad thiah."

U khapbrip ia ki khmat bad pyrshang ban thiah hynrei ka 'uh' bad ka 'hm' ki mih hi na ka shyntur bad na ki thliw khmut jong u.

Ki syrpaia biang ia ki slajat bad slati jong u hynrei um iohthiah satia. U iohsngew kumba pah ki tyngab ha jngai bad u pyrkhath ba ka don ka jing-khanglia ha lyndet ka kblich jong u.

"Ngam lah" u ong biang.

Ki ia kren para ma ki.

"Thiah," ki ong "ngin ai injekshon."

U iohsngew ia ka jingdung u thyrnia ba ka kti hadien katto katne u sngewthanda bad u iohthiah. Katno eh ka jingiohthiah kan bah ia ki jingpang bad jingshitom jong u kum ka jingkhylliap u bat iambait ka leit ia wan.

U Sonny u kyndit sa ebisies. U poit ia ka sat bad u tip ba ka lashai. U sharak u la lip bad ka jing-shai ka pyndap ia ka kamra. U iohi ia ka kmie ba ka shong tyngogep hajan ki kjat, ka briew kaba la shangiong bad shaiiong ki jingpyrkhat. "Adei" u ong bad ki rymmiasg shyntur jong u ki khyuniuh.

"Wat pat kren khun, ki doktor ki ong kumta. Byllai ka por hadien hadud nglusag ia kren pada phi

Ja kham shait. I kpa ruh i don hangne baroh shi step.
I dang shu mih bad in sa wan pat. Thiah."

U khapbrip ia ki khmat bad u peit pat sa shi shisien U iohi shi bilor ka snam ka dang sdien ha syn-dah jong u tang ba ym i dei shuh kaba rim namar kane ka dang kham dap. Ia ka jingsuh ruh um da kham sngew, lait noh ba ka kti kadiang jong u ka sngew kumno-re um nang batai.

Ka nongsumar ka wan rung, dei da kawei pat ym dei kiba u iohi mynmiet Ka wiat haba ka iohi ia u "Kumno phi sngew?" Ka kylli

U khapbrip ki khmat ban pyrkhath nanguo ka pang.

"Ka kti kadiang ka tyrsain," u ong.

"Ka leit shaphang kadiang bad ka syrpaia ia ka slakti jong u Ka phai sha ka kmie jong u kaba ia tyngngop ka ong. "Kong, syrpaia ia kane mian mian kumne."

Ka kmie jong u khlem kren ka ring ia ka shuki bajan ka kti kadiang u khun bad ka sdang syrpaia.

Arngut ki briew ki rung hapoh kamra. Um ithuh ia ki tang ba u imat ba ki dei ki dkhar ha la ka riam khuid kynjai. Kim kren. Ha kaba nyngkong ki peit isnai ia u bad suki hadien ki sdang ban phuh samrkhie bad ki ia leit noh.

Lyngdang um lah phai sha kamon ne kadiang Um kren briew bad um kwah kren ruh Hangta suki u iohsngew ba ka jingtyrsain bad jingsuh ka met ka sdang biang tip naei um lah sngewthuh. U khapbrip ki khmat bad u mut balade hi ba don jinghun ha ka iapler bad ha ka jingbymtip briew katba ka jingkyndit byariew ka wanrah ia ki jinjar bad ki khuslai. Ka jing-iap ka long kam ka jingbymtip briew mo ? Lada kumta

balei ki pynphai pat ia u sha ka pyrthei tip briew. U sngew kwah ban pynngam pat ia lade bad ban ruma bad sakma kylleng ia ka pyrthei bymtip jong ka jing-sngewhun ban lait na ka sub ka thar ia kaba mynta ka met jong u ka shab. Don lad na ka kyllain bad ki jingjyojar ka met. "Hm-m-m" ki thliew khmut jong u ki pynhiar ia ka mynsiem ba sobsat bad tang shu thylli ki tor u sngew biang ia ki lymban kumba shoh dkhan Katno sien shuh un "hm-m-m". Ka met ka aram tang shi saphied Shisha don ka jingsngewtynnad ban bynshet ia la ka jinjar ba kiwei pat hyorei ki khang ia kata ka lad ba kim shab kren. "Hm-m-m-m," u kham pynjlan katto katne slem bad u thait ian.

"Balei khun?" ka dohnud ka kmie ka um haba ka iohi ia uba ka la kha nyngkong ba u ud bad ba u shri.

"Pang, ka sub." U ring shidap ka lyer bad u pyllait.

"Hangno phi shitom eh?" Ka kylli tang ba ka khlem ap ia ka jubab u khun. Ka khapbrip ia la ki khmat namar nyngkong nyngshap ka dei ban phai sha la u Trai Nongthaw. Ka don la ka jingngeit kaba snoh haduh ki khlein shyieng jong ka. Ka peit pat bad ka iohi ia la u khun ha ka jinjar ba khraw ba u da ud pisa. Ka shon ia i budam bad ka iohsngew ba ka riaw ka baje badien nangta ka nong sumar ka wan ban peit.

"Ngan khot ia u doktor," ka ong, ka ia mih artat.

U doktor u wan ha la jymphong lich ryngkat u tier eksamin ba u kieng kpieng na la ryngdaug U tang shu poi u rkhiu ia u Sonny. Ki ia ithuh bha ba ki iadei para shnong.

"Nga sngewaih Sonny, nga bunkam bad ngam lah shuh ban pynbiang ia ka por. Ngam shym klet satia ia phi. Diang ngan da peit shuwa." Nyngkong u twad ia ki thied snam nangta, u sngap ia ka shadem da u tiar.

"Ang" u ong. Nangta u iaïd sawdong ia ka jingthiah u da jor ia ki jaka ba la sop spain baroh. Nangta u shim sa ia kot tiket bad u pule bha.

"Hangno phi sngew bá ka pang eh?" U kylli ia u Sonny.

La kulmar u Sonny. Dang kumba katto katne por u sngew kumba um don pyrthei, mynta ba u doktor u rkhié ia u, u sngew kumba shiteng na ka jingshitom ka la jah. Ka jadu mo kumto?

"Baroh ka met," u pynhap antad.

"Hangne?" U doktor u tied tok tok da i shympriah balor ka jingsop ka kjat kamon.

"Ho-oid."

"Ka kti bad ka khlieh pat de?"

"Ki pang"

"Ia mynta hi kan dang pang. Lada phi lah ban thieh ka bha shibun. Pyrshang ban ym pynkhib ia ka met sa shi sngi ei ei. Ki jingsuh jingthar baroh kin sa jem hi. Ngan thoh dawai shub. Kynmaw ban ym ksaid than ia la ka met bad thiah katba phi lah tang katno phi la jem." U phai sha ka nongsumar. "Khie leit shim ia ki dawai ai noh mynta." U ia thet artat ia lade.

U phai pat sha ka kmie, kane shu tyngngop. U tip bha ba kam ju long kumta. Ka dei kaba smat ba sting ka bym ju ich ia ki kam iing kam sem ha kiwei ba ka da sngewphubmat ban tret hi nadong shadong.

"Ia song seh kong. U Sonny uto u la lait. Haba ki dang rahia u hangne u da shitom shisha. Mynta ym donkam ba phia khesai. Ki jingmong kin sa jem

suki tang ba nga kwah ban da peit, bha la ka kiat, la kata ngin sa leh hadien ynda u la kham iohbor. Mynta ka sngi lei lei nga i u la bit shibun.

Ka mynsiem jong ka kmaie ka khieh im pat haba ka lohngew ia ka jingbatai u doktor.

"Phi mut ua kblain biang sa shisien?" Ka kylli.

"Wa sa tang ar lai taiew u la dei ban leit noh sha ling. Ym don jingartatien ia kata."

Ka niew ia ki sngi hapoh mynsiem katha ki dang ai dawai. Ka dei ha ka sngi kaba ar ha hospital, la kata rub satang khadsan sngi ei-ei ka la ioh ban ialem noh ia u khun sha ling. Katno ka sngewhun ban pyrkhut. Namar ha ka bi ka pyrkhut da kumwei pat khamtam lei - lei ha ka jinglong ba ka wan lap ia u. Kumta ka iarap lem ha kaba pynjlih ia ka jain tap jingthiah. Ka iohi ia ki rymmiang shyatur ba tyrkhong u khun jong ka, ka niad ia ki da u kynphad uba jhieh. Nangta suki ka iohi ia ka jingkylla ha ka khmat jong u. Wat la u khapbrip ki khmat ka tip ba ka dei ka dak jong ka jingbha. Ka sdang ban ageit ia kawei-pa-kawei ka kyntien u doktor.

10 Ka Sandhya ka la sdang mlien ban pynkut por man ka atep na ka bynta ka met jong ka. Kata ka mut ban pynwandur ia ka met ka phad. Ka shong ba pyrshah ka lit khmih bad ka sad pynwandur ia u shniuh thik pa thik. Hadien nangta ka tyllan khleifi ia ka khmut ka khmat bad ia u ryndang bad ka syr-pai syrpuu da ki shyarlahti ia ka khmat baroh kawei. Ynda la sdang rkhiam ka niad noh da i jain ia ki jaka ba ka la i rben than. Ka tah sa da u pawdar bad ka niad artat haba ka i ba ia kham rben la ki dang khmat bad ia ki flich irmat pat ka leh da u let bad ka thoh tok ha ka shalangmat da i khmut let.

Katha u Sonny u dang don ha Silchar kam ju pyrkat
 ei-ei ruh em. Ka suk bad ka sngewhun ba ka la iateh
 bad u. Ka la nang ban iet bad ban sngewbha ia u.
 Lait noh na ki jingburom, ki jingshepteng jong ka ia u
 mynnor ki la jah noh bad ka sngew ba ka ia ryngkat
 bad u ha kiei kiei baroh. Ki jinglehain baroh ruh ki
 kylla long pynban ki jingait bad ki jingsngewjan. Kaba
 kam pat sngewthuh bha dei ka jingiadei bad ia ka ffig-
 kordor jong u ha ka. Ka jingleit u Sonny sha Bangladesh
 ka pynpeit mat ia ka. Kynsan ka sngewthuh ia ka jingthylli
 ian ka dohnud jong ka. Ka da mut shisha ia u bad
 ka kynmaw ia ki por ba u ju wan kai bad iakren
 kai bad ka Ka tip ba kam lah shuh ba kan khmih
 lynti ia u ha lng kumta ka kwah dik dik ban
 ioh shithi na u, ban tip hangno u don la u sbait u
 koit bad ban tip ruh ia ka jagtrei jong u. Hynrei
 ym don ei ei ruh em kaba kum kata.

Ha kawel ka step ka la dep sad la dep khyllong
 bad ka kti jong ka ka dang shu kner ia u bitor
 krim. Ha ka jaka ba kan shim mar mar bad sleh
 ia la ka khmat, ka shu ang sab ha ka lit bad ka peit
 pynban ia la ka dur ba ka pynphalang ka lit Ka
 kynmaw ia u Sonny bad ka sngew kumba ka iohi ia
 ka dur jong u ha ka litkhmih.

"Balei phim thoh shithi ia nga leit?" Ka kren
 mian mian ha la ka dur 'Nga tip ba phim mon
 satia ban leit. Leda nga la tip ba ngap dub ia phi
 kumae ngen jin da la khang pyrshah. Phi don hangno
 mynta? Balei phim pyntip ia nga? Pyntip ia nga bad
 ngan wan ban iakynduh bad phi." Ka peit sab ha ka
 lit bad ka mut ban dang kren shuh.

"Sandhya" ka khot ka kmie, "Sandhya, ka shithi.

Haba ka iohangaw ia ka ktien shithi, ka klet ia
 kiei kiei baroh. Ka niat ia ka shuki shadien bad ka
 leit sha ka kmie. Ka shim ia ka shithi da ka

Jingkyndeh mynsiem, ka peit ia ka thikana bad ka thanda biang jai.

"Na i pa" ka ong ia ka kmie, ka rung biang ha kamra ka shong ha kajuh ka shuki ha pyrsbah ka litkhmih, suki ka plied bad ka lohi ia ka tarik, Shil-long dated the 27th December 1971.

"Waw" ka kum halla eh katba ka dang pule.

"Balei khun?" Kylli ka kmie nabar ka iaiaid artat sha kamra ka Sandhya.

"I thoh ia u Sonny." Kynsan kynsan ka ang sah tyngheng "u...Ah kynrad...mynsaw." Nangta ka peit sha ka kmie tang ba kam lohi ei-ei ruh em.

"Pule" hukum ka kmie.

"Sandhya baicit," ka sdang suki. "Kaba nga kwah ban pyntip kam dei satla kaba ingewtyonad. Nga kwah ban pyntip ba u Sonny u la mynsaw ha Shi-lot. Ki kit ia u da ka helicopter bad u don mynta ha Gauhati Medical College Hospital. Ngi wan peit mynhynne bad ngi shem ba ki sop spain ia u U dang tlot bad kim shah ban ia kren palat Ki ong ka kti bad ka kjat kamon ki la kheifi Nga artatien lada dang lah mo. ban pynkoit pat" Ka sangeh ka peit ia ka kmie bad ka snoh shkha ha ka kmie.

"Mei" ka ong. Ki ummat ki tuid na ki khmat jong ka "kumno ngen leh? Balei kumne? In dang im hi?" Ka sdang iam.

"Shi-shi shi Sandhya. Jah wat iam khleh bieit kumne. Aiu ki marjan kin ong? Kumno kin pyrkhat pat ia phi. Jah klo!" Ka hukum. "Wat iam shuh. Kumno u Sonny un pyrkhat lada u tip ba phi leh kumne. Phim dei ka khunlung, phi la shu la rangshah bad phi tip kumno phi dei ban leh. Af ha nga la kato ka shichi," Ka kynthet artat na ki kti ba kyiah ha Sam-

dhya, ka ialam ia la ka khun ha jingthiah bad baroh arngut ki shong halor jingthiah.

"Waw" Mei! Balei ia nga kumne? Nga la long lypa ka thei iaplok shuwa ban shong kurim."

"Sandhya! Nga ong jab bad sngap jar." Ka pyn-beit ia la ki khmat bad ka sdang ban pule. "Hm-m-m". ka ong "ia ei phi iam? Phim sngewthub mo ba u don ha hospital? U dang im kum phi bad kum nga hi."

Ka Sandhya ka kyndit bynriew ka peit sha ka kmie kum ka khunlung ia ka nongaibam.

"Phi dei ban leit Sandhya. U kpa jong phi u kwah ba phin don ryngkat. Leit noh lashai. Ngan pyrshang phah noh ia phi lashai Phi dei ban leit klo! katba lah."

Ka Sandhya ka ang sab tyngheng ryngkat ki um-mat ha ki khmat katba ka dang kobngub khlieh. Nangta ka bud ia ka kmie haduh jingkhang bad ka phal pat sha ka kamra ka da peit sawdong ia ka kamra.

Ym don ei ei ruh em kaba phylla ia kaba kam shym la iohi lypa. Artylli ki jingthiah kawei ka jong ka bad kawei ka jong ki para Ki jain, ka jingbuhkot, ka almari, ka miej bad baroh kiwei pat ki dei ki juh ia kiba ka ju iohi man ka sngi.

Suki ka jam shajan ka miej pule kot bad ka shong bhek halor ka shuki, ka da sngew ba ka pyrthei hi ka la thylli lan. Suki ki kti jong ka ki poi sha ka drol bad nangta ka sei ia ki dur ba la tyngkhap ha ka kotbuhdur Ka bat ia ka bad ka ring ha la shadem, nangta ka bub halor miej bad ka plied ia ki sla bad ka wad ia ka dur u Sonny ba u ieng hajan ka kali. Ka peit shiphang bad ki jingmut jingpyrkbat jong ka ki her sha u Sonny, "Ba ine in mynsaw em, ngam

sngewthuh. Balei? Um ju ialethma. Um nang pyn-mynsaw wat ia i simat ruh Uba jemnud uba lui lui bad uba kheia kor bad leit ia ka jingsuk." Ka kren ha la marwei.

Hangta ka kynmaw ba dei ma ka kaba pynshlur ba un leit sha ka ri ka jingkulmar ha kaba dang kynrei ka jingialeh bad kata ka dung ia ka mynsiem jong ka. Ka sngewsih ia la ka jingbleit bad ka sngewsynei ia la u baieit. Ki khmat jong ka kim lohi ei ei shuh. Ka mynsiem jingsngewduh noh ka kyllain sawdong ia ki jingpyrkhat jong ka bad ka sngew kumba ka la duh noh ia ka pyrthei baroh kawei bad la kumba ka kti jongno re ka la knieh kynthet noh na ka ia baroh ba ka don. Ka kamra hi, ki jingbuh jingsat ki jain ki nep bad baroh kiba don hangta kim lah khyllie na ki jingsngew jong ka. Sa ka jingsngewlanot bad ka jingsngewsynei ki ker sawdong ia ka Ynda kine baroh ki la tynnian pohsah ha ka dohnud jong ka, ka lohsngew ia ka jingpang jong ka jingkhniot ia pyllait ba ka kiew ha u klong snam katba ki ummat ki tuid ha ki ngap jong ka. Katba ki ummat ki shlei bad ki hap halor ka dur u baieit jong ka, ka kynmaw ia ka khmat jong u ba u wan ha ka shuwa ka sogi ba un leit noh.

"Ani wow," ka ud "ngam dei ban leh kumto." Ki angi iam briew ia ka Nilima ki paw tyngkrein kum hydnin hi ha kaba um ju man thait ban pyntngen bad pynshait bor ia ka.

Kyasan kynsan ka kyndit bynriew bad ka ieng joit. "Nga dei ban leit peit ia u, nga dei ban leit peit ia u, nga dei ban her U la leh bha palat ia nga, u lok ba phah ki blei, Balei ngam lah ban don hajan jong u ha ki angi ki jingjynjar ban sumar ban ayrpai nalar baroh ban kit lang ia ki jingpang bad ia ki jingshitom jong u."

Ka khylliep ia ka kogbuhdur bad ka mih ban wad ia ka knie bad ka shem ia ka ha hngshretja.

"Mei nga dei ban leit sha Shillong bad Guwahati mynta, la shibie ne lashai namar ngam lah shuh."

"Ka bha ba phi leit da ka bus" ong ka kmie. "Nga la phah pynthied tiket. Phi dei ban leit beit sha i kpa bad ia kynduh bad i Phi dei ban leh la kaci ba i ong bad wat leh thawdur."

"Nga sngew ia kata mei." Ka sngew ba ka la kham khlain. Ka jingkhlain bad ka hor ki la sam pat ha ki khlein shyieng jong ka bad ka smat pat sa shisien.

Ka pyrkhath alu kan rah bad katno kan sah. Ka lah ban long shi bnai ne shi taiew. La kumno kumno ruh ka bha ban pynkhreh lypa namar ka don ka jingbymthikna ia kiei kiei baroh. Ka jingbymthikna ia ka iaid ka jingbymthikna ia ka ieng. ka jingbymthikna ban mih bad ka jingbymthikna ban poi. Ka jingbymthikna ban shong bad ka jingbymthikna ban sah. Ka jingbymthikna ban pang. ka jingbymthikna ban jhia. Ka jingbymthikna ia ka jingim bad ka jingbymthikna ia ka jingiap. Ka jingbymthikna ia ka bneng bad ka jingbymthikna ia ka pyrthei hi. Baroh ki paw kum ki ngai bad i kumba ki pei bad kim dap doh satia. Imat kumba ka lawler bad haram ki kup ia ka rup jong ka jingshisha bad ki man kyrhai ha ka pyrthei sngi.

Ha ka sngi kaba bud ka Sandhya ka poi siem lai ne saw kynta ha Shillong. Ka lynti kaba la bam nianglong palat. Ka mih dang ngir na ting bad hadien khadmai ne khadsaw kynta ba ka kynruh shyieng-iap ka bos ka iohsngew ia ka jingdait thah ka Shillong. Ki mih biang por hynrei kumba ong mano re ban poi biang por ha kane ka lynti ka dei kai kai ka-ba khyllah. Shisien ba ka kali ka la mih ne station ka kynruh bad ka pangah ynda ka her sted ia ki pyntha ka Cachar ka jingkhynniuh ka kpoh bad u wairai ki nang jur bad ka tang shu edang kiew ia ki lum

ka law Narpuh ki nongshong shnóng ki angew kumba ki sdien sah ba awin. Kata hi ka biang ia ki ban pynphai khmat sha U Trai Nongthaw. Wat u nongbein blei ba khraw jutang katno katno ruh um banse ban kyrpad ia ki jingsydei jong u Nonghuh Nongthaw, namar hadien kawei pa kawei ka jingsangoh bad pangah u sngew kumba sa shisien te jlang shapoh riat bad shapoh rsham artat.

Ia ka surok ki shna da kaba ot ia ki rsham jong ki kjat lum ka Jaintia Hills kumta ka isid kyllain ia ki riat ki ram bad nador ki wah haduh ba kan da kiew pat suki ia u Sonaraja Kumta shaphang kamon dap tang da ki lum bad ki maw ki dieng kiba Hateng ki ieng kynsan beit thik kum ki kynroh kiba itriem kumba kin hap noh hi bad tap ia kiba isid ba ieng Halor jong ki pat ka khlaw ba rben ha kaba ki dem ki mrad laiphew jait. Shaphang kadiang pat ki riat bah riat san ba ki kah ki dieng. Hateng hateng ki phlaw kdiar bad i shyrkhei rem ban peis. Jngai bah na surok ki thie kyndiang ki thiah ki pyntha jong ka Bangladesh bad ki wah jong ka ba ki isid lyngba ki pyntha la kum ki bsein haduh ba kin da jah ba u mawsiang bneng. Hangne hangtai ka tdem ka kah shanduwa ban pyni ia ki jaka shong briew. I suk kynjai ha ka khmat bad ym i don dak thma haei haei ruh.

Ka Sandhya ka la thait bad ka kwah ban thieh noh hynrei u kpa u ong ba kan ap hadien ba la dep bam. Kumta ka pynmeh ia ka ding ba kamra shongkai bad ka pynsyaid ia lade. Suki ka jingsyaid u atoskhana ka pynkhia ia ki khmat jong ka. Hadien katto katne por u kpa u ring ia ka shuki hajan jong ka bad u shong.

"Ngem shym iathuh iano iano ruh." ong u kpa "Nga ngem ja ngeit bieit, la katta ruti ngim lah ben shu khaphrip sah haba ngi iohi ia ki jingjia kiba khyt-lah. Peit hangne: hadien ba iap ka Nilima, nga bad u kpa u Sony ngi la ia kren bun kiei kiei. Na ha

liang jong ki ki kwah ban pyllait nob ia ka jingiateh
jong phi bad u Sonny."

Ki ktien u kpa ki pynpeitmat ia ki khmat ba sam-
thiah ka Sandhya Ka jab lut phar ka jingsamthiah
bad ka peitmat kliaw Kam kren wat tangshi kyntien
ruh. Ka peit pyllaw ia ka ding bad ia ki nga dew-
jong ba la ing phyrnai bha. Kam shym phai sha u
kpa tang ba ka tip ba u ruh u pyuleit jingmut
ha ka ding.

"Ho-oid, shisha," u bteng biang. Ka jingmut jong
ki ka long ban pyllait shipor bad ban iateh biang.
Ngam mynjur setia " U pynkdur ia u ryngdang ban
pynpaw ia la ka jingkut jingmut ba skhem u da
kyrngah artat ia la ka kblich. "Kumno ngan mynjur?
Mano ban tip, kanjia siu? Ka shim por ban pyniateh.
Uei u ban shaniah ia ki jingsngew kiba kylla man ka
por? Namarkata, nga pyneh "

"Balei ynda ia pyllait pa?" Ka kylli ngur jing-
mut ka Sandhya.

U pynjih ia la ka met bad suki u shaniah ha
ka shuki "Kata ka dei ka dustur jong ki haba iap
kiba ha ting ha sem, ban lait na kano ma ka jing-
mynsaw kaba ki lah ban iakynduh Mynta u Sonny
u la mynsaw. Ngam tip lada ka dei ka raibi jong
ka jingngait jong ki ne em tang ba imat dei ia kum
kine kier kiei ba ki kiar. Haba jia kumne, nga sngew
biat ialade wat la kim shym la kynnoh ia ngi. Ngi la
dei ban husiar na kum kine kiei kiei tang ba kawei kaba
ngam sngewthuh balei u leit sha Shilot? Balei phim
khang pyrshah?"

Ka Sandhya ka shu sngap, la katta ruh ka thar
ha ka mynsiem jong ka. Ka tip ba dei ma ka kaba pyn-
shlur. Kam sngewthuh balei ka pynshlur ia u, dei ki
dohkha ne ki jingsngewmeng jong ka hi. Namarkata, ka
ialeh katba lah ban ym peit sha u kpa ioh u lap ia ki
dak ba ki khmat jong ka.

"Ho-oid," kren biang u kpa hadien katto katna por
 "Kim dei ban kynnoh tang ia ngi. Namar ia kum
 kine ki jingjia ym don ba lah ban tip. Lada ngi la
 tip lypa ngi la dei ban kiar. Ki ong ba ha ka ar-
 phwean tarik mynstep ki don ha ka Surok Sylhet-
 Chattak bad uwei u Mr. Ahmed bad u nongriahkali
 de. Ka kali ka laid najan ne nelor u bomb. Lait im
 sa tang u Sonny marwei. U Ahmed bad u nongulah
 ki la iap"

"I long kumno mynta pa?" Ka kylli.

U kpa u phai noh sha kynroh bad u peit kai ia
 ka der kaba don hangta. "Ka kjat kamon ka la
 khein ki don ki jingmysaw ha ka kti kamon bad
 na ka khlieh de. Ym don ba tip lehse u rystied na-
 poh kali Ki doktor ki kyrmen ba ka khlieh bad ka kti kin
 hoit noh ia ka kjat kim lah ong lada un dang lah laid
 ne em. Don na ki kiba kwah han ot noh hynrei u kpa
 jong u Sonny um shah. Ngam lah ong aiu kan jia.
 Mynta hi ki dang sop spain ia u bad kt la ai snam bun.

Ka pyrkhat ba lade ba u don tang kawei ka kjat
 bad ka kum ong "Isa."

"Nga la iethuh ia phi katta. Lashai leit peit hi ia
 u. Ngan leit bthah ia u David lane ia ka Rita ba kin
 leit ryngkat bad phi. Da kynmaw bha kein wat kren
 bad wat leh ruma ia kano kano ruh." Naegta u ieng bad u
 ong "khie leit thah noh bad khreb ban mib lashai
 dangstep." U phai wak aa ka bad u ong. "Nga lah
 ban ym sngewhuh ban kam pyrah ia uba dkoh." U
 laiaid artat.

Ka Sandhya ka sngewthuh aib u kpa u mat. Ka
 jingan mynawem tang ba kam mud ong ei et ruh em. Ka
 shu peit sah ia u katba u dang phai dadien bad ka tip
 ba u kren ia kaba shiba. Ka lypa sah marwei na-
 mar ba ka jingiatplem ka pynrom ia ka. Ka pyrkhat
 ba lada ka la khang ia u, un ym jip de la hap ha

ka apot kaba kum kata. Nalor ba la khein ka kti bad ka kjat, ka jingim hi ka don hapdeng ka jingma. Katba ka dang ieng ban leit sha jingthiah ka sogew kumba ka pyrthel, hi ka kdew kti ia ka: Aiu kan leh? Kan lah hi mo ban peit mar khmat ia u Sonny. Ka pyrkhath sah bad ka pisa mysiem ha la marwei tad hadub ba ka thmu ba kan da pan map beit beit na u' Weiieit la jong. Ki jingmut jingpyrkhat jong ka ki jem bad ka sa nang ban thiah.



Ka Rita bad ka Sandhya ki poi ha Gauhati mynstep. Ka Rita ka ialam ia ka Sandhya sha ka kamra ba u thiah u Sonny. Ka Sandhya ka thlun bad ka shynrain kumta ka bud kumba at jam na ka Rita. Ka kmie u Sonny ka la don lypa ha kamra. Ka Rita ka plie ia ka jingkhang bad ka rung.

"I Rita" Ong u Sonny u ia khapbrip artat.

"Bad i Sandhya de." Ka pynbud ka kmie.

"I Sandhya de!" Kumba kyndit u khyllie ia ki khmat bad ki hap halor ka Sandhya u ia khapbrip ngam, khlem kren khlem rkhie ym kum u Sonny ka pjah sam sam,

I mynsiem ka Sandhya 4 rit ria ban iohi la ka kti bad ia ka kjat ba la sop plaster bad ia ka khlieh ba sop spain da ki jain lieh. Shiteng na ka shalangmat la lah sop. Ki ngap bad ki khmat pat ki la thliew bha. U la rai khoh la sah sa tang ki shyieng, katba, ki niuh tmain niuh tmoh ki edang speh shyaram bad ki pynijlih ia ka khmat jong u. Ki ktien jong u "I Sandhya de!" ki siat ba ki tyndong shkor jong ka kum ka "Et tu Brute" jong u Kaimar. Ka klet ia kaei ba ka la thmu lypa ban leh bad ki ngap ki la edang saw. Ka sogew kumba ka jingkit ba ka dohpud jong ka ka nangkhia katba nang laid ka por la kumba ka pyrthel bapoh ka

tip ia ki jingleh jong ka. Ka lehrain ia lade ka lehrain ia la ka jingim. Ka jingsngewpaw sngewsang ka nang jur. Ka la dei ban phet ban lait na ka jingkjap ka jingiatiplem, jngai na kiba ithuh ithaw ban pda ia lade hangno hangno shabar kane ka pyrthei sngi Ki jingsngew ki nang jur tad ynda u Sonny u ud "uh-h.

"Pang ne? Kylli ka kmie.

"Tyrain ka kjat kamon Kloi" U ong suki kumba u da ktha ia kawei pa kawei ka kyntien.

Ka kmie jong u ka leit shaphang kamon bad ka syrpaia ia ka lbong jong u mian mian.

"Shong Sandhya" ong ka kmie jong u. "Ring ia ka shuki kham bajan. U dang tlot bad dang donkam jingiarap."

Ka Sandhya ka leh kumba la batai.

"Ai um." U pan.

"Kato ha u bitor." Ka kdew ka kmie

Ka Sandhya ka ieng ka theh khyndiat ha ka pela don khmut bad ka pyndih. U dii khyndiat u ia phai noh U khapbrip ki khmat bad u jliab ia ki rymmiang shyntur

Ka Sandhya ka shong blang ha ka shuki. Ka peit ia u na khlieh ha kjat bad ka ishei pynban. Ki ummat ki shlei bad ki tuid arsut ia ki ngab.

Ka Rita ka peit sah ia kane ka jingjia, ka sei la f romal bad ka ai ha ka Sandhya.

Ka Sandhya ka peit sa shisien ia u bad ka ong ha la mynsiem. "Lada ngan pda ia lade shabar kane ka pyrthei manno pat ban sumar ia u. Em" ka ong "La u dkoh ne matlah ruh u dei u jong nga, Ngan ym lehrain ia u."

Ka iohi ia ki rymmiang shyntur ba ki kiuh bad suki u peit bad phai sha ka.

"Phi wan mynno?" U kylli mian mian.

"Nga mih bynnin na shnong tang shu tip ba phi don hangne bad ngi poi mynta hangne. Phi sngew kumno?" Ka kylli.

"Kham bit." Um ju ong da kumwei ia kiba kylli ia u, "Ki shait ha iing?"

"Ho-oid, ki la ai khublei ia phi ba phin koit noh."

"Kaba bha. Ki khmat jong phi ki saw."

"Ki jong nga? Ka nguid umbiah ba ka sngew uei re uba wit na u pdot ka ia phai artad la ka khmat na u.

"Ka dei," ong ka kmie. "Ki khmat jong ka ki saw. Ka bapli kam lah shah ban iohi ia phi kumno."

"Ym lei lei," u ong biang, "Ngan sa koit. Ai um."

Ka Sandhya ka pyndih sa shisien

"Ka kti." U ong u pyrshang artat ban kham bad plied ia ka kti kadiang.

"Kato ka kti ka la tyrsain biang. Shim Sandhya." Ka ong ka kmie.

Ka Sandhya ka kynthup ia ka kti jong u ha ki kti jong ka bad ka syrpa mian mian kumba leh ka kmie. Ka juh ka kti, shisien ka la long kaba khlaln ka-ba khia bad kaba syaid, kaba la ju bat teng ia ki tyrpeng jong ka; mynta pat ka khriat. ka lieh blait blait bad kam l don snam shuh. Ka syrpa, ka khem ka da peit bniah bad ka sngewthuh ba u la duh snam ym kai shuh.

Ka nongsumar pang ka wan. Ka buh ia u jingthew jingebit ba ka shyntur jong u bad ka knieh ia ka kti na ka Sandhya. Ka Sandhya kam phai wat tang ka khmat ruh, ba ka dang pynleit jingmut bha ha u Sonny.

Ynda ka nongsumar ka la dep ia, ki kamrem ka phai sha ka Sandhya. "Phi dei ka Sandhya ym dei?"

Ka Sandhya ka kyndit, ka phai wak. "Wa i Sibadi, Phi tci hangne?" Ki phubsamrkhie kawei ia kawei pat.

"Phi ia ithuh bha?" Kylli ka kmie. Katba ka Rita ka shu ang.

"Ngi ia shong skul ryngkat." Ong ka Sandhya "Phi iehnoh ia ngi bad ngi nang pyrkhat ba la ioh khup ioh ksiew."

"Em ym dei kumta. Nga phet skul ba nga ioh rung ha kane kam."

"Sngewtynnad pynban," Ong ka Sandhya

"Phi ia dei jingdei bad i bah Roy" Kylli ka Sibani ka kdew artat da ka shyntur ia u Sonny.

Ka jingkylli kaba eh. Ka don ka jingidei, ym artation ia kata tang ba ym pat da dei eh ba ka soam ka doh Ka pyrkhat la kan ong em kin mih bun ki jingkylli. Kumta ka shu kohnguh khlieh bad ka ong "Ho-oid."

"Phi dei aiu ia i?" Ka Sibani kam ieh hi.

"Dang ia jan."

Ka jingiakynduh paralok barim bajah ka pynkya-maw biang ia ka jingsngewmuja jong ki ngi ba la leit. La kumba hynriew enem ei-ei kim ju ia kynduh shuh la katta ruh ki sngew kumba dang mynshisngi. Ka per ka laid hynrei mano ba kwah ban klat ia ka mynnor. Shiphang ki jingmut jingpyrkhat ka Sandhya ki per la kum ka sner ha ki um ba jai jai ban kynmaw pat ia ki por batak.

Khatduh ka Sandhya ka pynpaw ia kaei ba ka kwah eh ban tip na ka Sibani. "I long kumno?"

"Phi mut ia i Bah Roy? I la bitshibun. Ym dei kumta Bah Roy?" Ka don artat ka jingkylli ia u Sonny.

"Ho-oid," kohnguh u Sonny.

"Ha ka por ba i poi hangne te i long la kum iba la lap kaju. Ka shim por ba in kyndit bynriew. Ki snam aiu re ki um aiu re ngi ai ia i. Ha kito ki shisngi arsngi baroh ki ialap tang ia i Ngì da sumar bha hi ia i bad peit mynta kumno i sdang ban rkhie. Sa tang katno i la koit."

Ka Sibani ka phai sha jingthiah ka pynbeit ia ki jain ki nep Ynda ka i la biang nadong shadong ka ong ia ka Sandhya. "Ngam pat dep kam, ngan da leit shuwa ho Sandhya. Ngin sa ia kynduh pat."

"To"

Hadien ba la mih ka Sibani, ka kmie u Sonny ruh ka ieng; Ka pynbeit ia la ka met. "Ka bha ba phi ap baroh arngut, Ngan da bam lyer shuwa shabar ba nga ia shu shong set kut baroh shi step hangne. Ngan ym siem tang jingjang hi. Tang wat ieh ia u marwei"

U Sonny u khapbrip ki khmat halor ka syngkhien khlich, um kwah ei-ei ruh em lait nòh tang ban pynaram ia ka met haduh ba un da khiam bha. Kam dei kaba kai namar ba ka kti bad ka kjat ki dang pang, ka met ka tyrasin bad u pdot u dang tyrkhong.

Haba ka Sandhya ka iohi ia ki rymmiang shyntur ba ki khyngiuh bad tyrkhong, kam kwah ieh ia u.. Ka kwah ban don hajan jong u ha ki por baroh. Ka peit ia ka kamra bad ka ong ha la mynsiem "Ka kamra kaba la i bit bha. Ki lah ban pynbeit sa kawei ka jingthiah hangne tad nga ruh nga lah ban sab hangne. Nga lah ban pang bad thiah pang hangne tang ban jan ia u pamar u dang donkam ka jingiarap na kiwei." Sa shisien ka phai saw-dong ia ka kamra. "Ka la biang bha. Lada ki pynkynriah ia ka jingthiah u Sonny kham hangtai kane hangne ka jaka kan lait bun ban buh sa kawei pat ka jingthiah."

Ka Sandhya bad ka Rita ki shu ia ap kumto khlem ia kren, teng teng ki shu ia wiat samrkhie harud jingthiah. Haba jia kumta ka Sandhya ka sngewthuh sat la kumba ka aiu ro aiu ka par rieb rieb hapoh jong ka met jong ka. Kim ia kren khnang ba ioh ki pynkyndit ia u Sonny.

"La dei ka por ba ngin leit noh." Pasiaw ka Rita mian mian.

Ka Sandhya ka kohnguh suki. Ka khlem ang tang shi kyntien ruh, ka peit pynban ia ki niuh tmain niuh timoh ba ki speh niat ha u Sonny la kum ki dieng shyntam.

"La dei por te" Ka pasiaaw biang ka Rita.

"Ho-oid," Ka phai ktien ka Sandhya.

"Nga kular ia i pa ba ngin leit phai da ka kali kaba shibaje." Pasiaw biang ka Rita.

"Nge ruh" Ong ka Sandhya ka peit ha ka baje kti la jong bad ka tip ba la dei ban khreh noh.

"Khie leit" Kyntu u Sonny na ba thiah khlem da pleid ia ki khmat, "Leit bad sa wan pat"

Ki khynnah kynthai ki shu ia peit kawei ia kawei pat bad ka samrkhie artat.

"Ngin leit noh artat," ong ka Sandhya. "Ap shuwa in da wan i mei. Ngin leit noh mynta bad ngin sa wan sa shisien. Ngi kyrmen ba phin khlain noh."

"Ho-oid, khie noh, ngan sa koit." U plied ia ki khmat bad ba kejuh ka por ka rung ka kmie bad ka phah noh ia ki.

Ka Sandhya ka pyntud hynrei ynda ka iohi ba la dap khadar arphew ka shim ia ka pla bad ka leng joit.

"Ngi la leit mei, koit, khlain noh Bah Roy."

"Bye-bye. Sa wan biang." Ong u Sonny,

Ngin wat." Ki ia ong lang karba ki isid sha ka jingkheng

Ka Sandhya ka poi dang shai. U kpa u dang don ha jingtrei. Um ju poi iing tad hadien san baje. Marwei ha iing ki jingpyrkhat jong ka ki her sha u Sonny. Baroh ki pynkyrmen ba un sa koit noh hynrei kam hun satia. Katba ka dang ngam ha ki jingpyrkhat, ka kynmaw ia xi ktien u kpa ba u kren mynmiet. Hangta ka shu peit sah ha ka Kalendar ha kaba ka don ka dur jong u Krishna ba u shong kyllain mynngor halor u tiwem, la ka put sharat kyojai bad ka khapbrip khmat ha la ka jingphoh-snew. Ka jam haduh jan ka dur bad ka kren artat. Shen ka shem ia lade ba ka duwai khylliap kti,

Hangta hangta hi ka kynmaw ba u Sonny u dei u Khristan Ka wad ia ka dur U Jisu. Kam shem Ym don satia kaba kum kata ba iing. "Kaba phylla," ka ong. "Ka iing Khristan khlem ka dur u Kynrad," Kam sngew dei ban pan na kiwei. Ka kynmaw ba ka la iohi hannu re. Ka jabieng ka trei stet, ha dukan die kot, ha dukan die kalendar "Ho-oid, ho-oid, ho-oid" ka ong "ha lewduh," Khlem pyntud ia ka por ka shilm niat la ka pla bad ka her bran,

Ha lewduh ka leit thik thik ha ki dukan die dur yn lah katno, ki don bun sa tang ban jied da kano Ka peit ia kawei pa kawei ka dur bad khatduh ka jied ia kaba phong pansngait shiah. Ka phah song bad hadien ba ka la ai pisa ka her bak sha iing

Mar ia rung ha iing ka khang ia ka jingkhang bad beit beit ka iaid sha kamra thiah Ka loit ia i song, ka shim ia ka dur, ka peit, ka kdup ha shadem bad ka ong artat "nga la ioh ia phi." Hadien nangta ka pynieng ia ka dur na jingthiah ha kynroh bad ka khreh ban duwai. Ka loit ia ki sandal na ki kjat bad kam kynmaw kumno ki ju leh haba duwai. "U Sonny um ju hikai ia nga," ka kren miam miam ha lade. "Lehse ki dem khohsiew," ka ong mar kumta ka pyndem ia la ki khohsiew ha madan. Aiu pat kan ong kam nang pyrkhat "Uh! Ka ong, "kaba jinjar," Ki khohsiew ki sdang pang. Kam kynmaw ba ka la iohi ia kiba ha

ling u Sonny ba ki dem khohsiew Hangta ngut nget ka kynmaw ba u kpa jong ki u ieng bad u khapbrip ki khmat haba duwai Ka ruh ka leng joit ka kyrjaw ia ki khohsiew bad ka sdang ban khapbrip ki khmat hynrei kam nang pynleit jingmut khlem da iohi ia ka dur. "Kumpo kumto?" Ka pyrkhat. Khatduh ia wai ka kiew joit halor jingthiab, ka shong kyllain mynngor bad ka duwai da peit.

Don ba tied jingkhong. Kata ka pynthut noh ia ka jingpynleit jingmut jong ka. Ka phai wak na ka dur "don mano re ba wan" ka pynkut ia ka jingduwai bad ka hiar ban leit plie jingkhong. Lyngba ka nit ka jingkhong bah, ka iohi ba dei u kpa pynban. Ka plie ia ka jingkhong bad ka sngew phylla ia ka jinglaid jong ka por.

"Phi lah da wan na Guwahati?" U kylli "Katno por phi poi hangne!"

"Ngi la poi naduh saw shiteng ei-ei."

"U long kumno?"

"I la rajkhoh imat sa tang ki shyieng. I dang tlot bad i ong ba i sngew kumba tyrsain sab ka met ka phad. Ngim ia bun ktien namar nga imat ym pat long wat la i ong ba i la kham bit ruh,"

"Ka dei," ong u kpa. "Ha ka taiew ba nga leit peit sa u nga shem ba u dang jur palat." Nga ruh nga tharai ba u la dei ban kham bit."

"Im pat lait hi na ka jingshitom."

"Phi la kylli na u doktor shuphang kato ka khat."

"Em," ka ong. Ha ka jingshisba ka tieng ban kylli.

"Kata kaba donkam," ong u kpa "leda un nang iaid hi? Nga artatien" U ia iaid artat sha kamra la jong.

"Ngata tip." Ong ka Sandhya ka da bud ia u kpa nadien.

"Ka bira ba ngi kyrmen ba ua koit noh. Duwai"

"Ho-oid, ngan leh kumta."

"Tang u Blei uba lah ban pynkoit pat ia ka kjat jong u. Nga dei u riwngait. U Blei u ju trei borbah ha kito kiba u mon ; namarkata ngi donkam shibun ia ki jingduwai. Kyrpad na u bad un theb ia ki jingkyrkhu."

Ka Sandhya ka sngap dngong bad ka phylla kumno ba ki jingmut jingpyrkhat u kpa ki trei kam. U Sarat Acharjee lane u Bharat Chandra kumba u khot ia lae u dei u Bramon Katkum ka rukom pateng la pateng u dei ban ngeit ia kaei ba la buh lypa. Ki lain ha ki slati bad ki jingthoh ha ka shalangmat ki la shon dak lypa ia ka nasib. Nangta pat ki bor jong ki met bneng ki mait lynti ia uwei pa uwei sha la ka nasib. Mynta pat ka sngew ba u kren da khongpong. Dei ka jingngait ba thymmai ne ba u iaw ki jingpyrkhat ? Kam lah rai satia namar ka bi kam ngeit than eh ha kano kano ruh. Namar ha ka bi kiei kiei baroh ki per. Ki jingknia jingkhriem ki jingduwai phirat ki dei tang ki tynneng khlem suh thied. Ym i shong nia ym i shong jutang satia lait nob ba la hikai naduh na pneh ki kmie ki kpa bad ki mih hi ha ka jingkyrmaw ha ki por jinjar bad suhsat. Kum ka nuksa ki seba sekat ia ki dur blei khlem mynsiem lane ki jingduwai ha u Blei u bym lah ban iohi kumba ka leh ha kata ka jaa-miet ki dei tang ki bai kliar-wait ban pynhun ia ka jinglynga bad jinglong khunswet ka mynsiem briew. La katta ruh ka kyrteng jong u Blei ka paw mardor ha ki rymmiang shyntur ha ki por jinjar baroh. Ka tip ba la hikai naduh dang rit bad baroh ki spel kum ki tuta.

"Te, to, kane ka dei ka liewlong jong ka jingim briew ba khlem trai bad ia ki jingkwah u kpa donkam ban pyndep."



11 U Sonny u kmen ban ioh leit iing bam ia kito ki ar lai snem ba la dep u sngew la kumba da ki phew snem ka juh. Kin jin da la jlan shuh shuh tang ba ka jingiaicid samla ka ot pynlyngkot ia ki por na ka jingbtai ka aiom khynraw wef briew. Ki tang shu pynbna ia ka sngi ba kin pyllait noh, u Sonny u sngew kumba ka jingim ba thymmai ka par rieba ki thied snam jong u kblem ki saatch ka jingpyniaid hospital.

Ka kjat kamon jong u ka lyngkot ar centimetre bad um lah ban shan ha ka, ka tlot. Donkam ar ki diengduh na pohtit ban pawang ia ka met shane shatai. La katta rub ka jingmuja ban ioh leit iing kaba la palat. Nalor naogta kiba ha iing ha sem bad ki marjan marpa ki pdiang sngewbba ia u la kum ia u khla ka wait. U phuhmat bad u sngew sarong.

Shi sngi ar sngi ka iing ka dap bad ka shlei da ki briew kiba wan peit ia u. Hadien katto katne por ka long kumjuh hi ka kynjah. Namar ki briew hi ki dei ban im kat kum ka por. Baroh ki don la ki kamram ban pyndep. Ka por ka lyngkot bad ka kor, ymlah ban pynleit jingmut tang ha uwei u briew. Ynda ki sngewthuh ba u la dkoh ki myllen noh bad kam ktah shuh ia ka jingsngew jong ki bad suki u Sonny ruh u sdang ban im uba dkoh.

Katta u dang shongthait ban ioh bor ka met ka phad, u shem ba u dei ban shu shong. pale, thiah lane padat ia lade sawdong ka iing. Man ka sngi u hap ban leh ia ka juh kaba u leh hynnin, haduh ba u la ngiah shoin bad u kwah sa ia ki jaka phiang bathymmai.

Kam pher, mynba u dang kynnah u shaniah lut ha ka kmie nadong shadong Hynrei u Sonny um dei shuh u khynnah bad kiei kiei kiba u sngewbba eh ha ki por khynnah ki la blad noh. Um sngewhün shuh ban ap ia ka kmie ba kan leh na ka byata jong u. Kito ki por ki la leit mynba u sngewmuja ban iohsngew ia ka kmie ba ka kyntu ban suu, ban thiah bad ban bam.

Mynta pat kita baroh ki la sngewbtai nob. Kumno shuh un leh ryngkat ka kjat dkoh. U kwah ban iaid kai, ieng kai bad iathuhkhana bad ki lok ki jor hynrei ki ar ki diengduh ha pobtit ki long pynban ki diengpyngkiang bad u dei ban hikai ban nang ban iaid. Nalor nangta ki don ki jingjia ba um lah sngewthuh. Ki lok ki jor jong ki por khynnah kim don shuh hajan bun na ki ki la leit sha kiwei pat kljaka Nangta pat kito kiba u iaiet iathoin ha ki por shong skul, ki pyrshang ban iaid lait na u. Haba kumno re u iakynduh u lyngngoh ba ki lok ki pyrshang ban leh donakor. La kylla nadong shadong, um lah sngewthuh bad u pyrshat ba lehse ka dei ka jingim hi.

U pat ka jingdkoh ka kjat kamon ryngkat ka jingtip ba un ym lah koit shuh suki ki khniot ia ka mynsiem hapoh jong u. Ka jingsngewlehrain ka sdang ban klew ha ki thied ki jaw jong u. Lehrain ia la ka kjat u lehrain ia la ka jingbymlahiaid, u lehrain ia ka jingbymlah ban ia-leh bad u lehrain ia kiei kiei baroh kiba dei ialade. U lehrain ia ke jingim la jong hi. Suki u sdang ban rich ialade bad ban kiar na ki lok ki jor tad haduh ba um nud shuh ban paw ha khmat ki briew Marwei u tim ia ka sngi ba u leit sha Bangladesh, u tim ia ka Sorkar kaba phah ia u nangta bad u tim ia ka sngi ba la kha ia u. "Balei ngam iap ha Shilot bad ba yn klet nob ba la kha briew ia nga bad ba nga la iaid halor ka sla ka pyrthet?" U iai kylli ha la mynsiem.

.....

Katba ki sngi ki nang iaid, kiba ha iing jong u kl ithuh ia ka jingshong pher jong ki jingmut jingpyrshat u Sonny. U kpa um lah ban pynlut palat hynrei ka kmie pat ka iohi kdar ia ki dak kiba pher na ka jinglong u Sonny Ha kawei ka miet ka bud ia u kpa sha kamra trei kam jong u.

"Kpa u Sonny," ka ong badien ba ka la shong ka shuki kaba pyrshah ia u. "Nga sngew ba nga dei ban ia krep bad phi shaphang u khun. U Sonny um dei shuh kumba u ju long barobor. U la pher ha jinglong. Nga sngewthuh sngewthaw shuh jia aiu bad u?"

"Phi mut kumno kmie ?" Kylil u Hori Roy.

"La katto katne sngi mynta nga i kumba ka shong pher aie re ha u. Um pariah shuh kumba u ju long. Imat u bun jingpyrkbat, um kham mih shuh na kamra, um kham kren shuh bad um ju ud shuh ia kane katai."

"Hm" ong u kpa "nga ruh nga shu pyrkbat ba don kaci-re-kaci kaba shong pher tangba ngam don por ban bniah. Phi tharai ka lah ban dei na kaci?"

"Ngam lah ong, haba nga iohi ia ka jinglehrain nga ngam sngewthuh shuh. Ka lah ban dei pyndan ka kjat."

"U sngew kynjah mo ? Lehae u sngew kumba u sah marwei ba ngim pynleit jingmut shuh ne ba ngi ia tehnoh ia u?"

"Imat kumba u kynjah namarkata um ju kham mih shuh."

U Hori Roy um kren, u peit sah ha madan u shan ia ka tmoh da ka kti kadiang. U peit shiphang ia ka kmie, u am biang sia ha madan. U sngewthuh ba ka la ktah ia ka jabieng u khun. U tip ia ka pang bieit. U tip ba wat kiba nang ba stad ruh ki ioh ia kata ka jingpang. Namarkata u sngew jinjar ba ioh u khun jong u ryngkat ka kyrdan un bieit.

"Tharai, u ong ia kmie "Lada nga phah ia ka Sandhya tan synran ia u, kumno phi angew" ka lah hi ban iarap ia u?"

"Ka khynnah ka wan la man la ka taiew. Ha kitei ki sngi ba la dep ka shait shong siem. Mynta te imat ka shu wan pyndep rukom. kam ju shong siem shuh. Shisien ar sien nga iohsngew u boh ia ka, Mano ban tip ki la iapher jingmut pyndan."

"Oh, ka kam khynah." Ong u kpa, "Yap lei-lei,

Kita ki dei ki at ki them jong ka jingim. Ka Sandhya kam dei ban sngew ei ei. Uei u ban ym sngew ha ka jaka jong u? Kata ruh ka lah ban long kawei na ki daw. Ka bha ba ngi da wad bñiah."

"Ha nga hi nga sngew ba kato ka kjat ka pynrit mynsiem ia u Kynmaw la lai bnai mynta bad ym i don dak ba un dang lah ban iaid."

U kpa pat u pyrkbah ba lehse u khun u lah ban mutdur ba ki kmie ki kpa kim salia shuh ia u. Katba da lade hi um lah leh ei-ei Tangba u Hori Roy um kren ia kata. U sngewbieit ba u khun un sngew da kumta. Kan pynsngewsib ia ka kmie.

U ong pynban "ka lah ban dei da kumta tang ba ki doktor kim pat rai kut. Kin dang ia peit ban jor biang sa shisien. Lada donkam kin puid Ngi don ia ka jingngeit Ka bha ba ngi wad jingtip loh u don kiwei pat ki jingshitom."

"Balei phim khot da u doktor? Nga te nga isynei ba u khynnab uba smat ba sting u kylla long kumne pat mynta"

"Ieh, ngan leit wad da u doktor lashai. Phi pat wat klet ban kylli na ka Sandhya. Ngan pyrshang ban kylli hi na u. Ia mynta hi ynnai pynwit ia u. U mat leh katba u mon tang ba ki jingpynshlur kiba donkam."

"Nga hi ngam ju pynthut." Ong ka kmie. "Tang kawei ba ngam nang ban pynshlur. Haba nga iohi ia u ha kato ka jinglong ngam lah shah. Ka um ka mynsiem."

"Ka mynsiem kmie, he. Tangba ym myntoi namar u la rangbah mynta. U la nang ban pyrkbah bad bishar ia kaei ba u leh. Pyrshang ban pynshlur ba un khuh un ksar un leh kane katai man ka engi. Dang don aiu shuh? Ngin ia bamja toh, em?"

"La klohi." Suki ka teng ban khreh bamja miet.

Ha kawei pat ka step katba ki dang ia dihsa. U Sonny u lynga sah. Un iathub ne em ha u kpa ia kaei ba u mut dur bad thmu ha ki shisogi ar-sngi ba la dep. Lehsa u kpa un kyntait, u pat ialade un long kumno? Ki jingpyrkhat jong u ki iai tyllun sah halor ka khandur, u kjit ia ka sha suki jai. Khatduh um lah shah shuh. Um salia shuh lada u kpa u ong kumno kumno ruh.

"Pa, nga don kawei ban kyrpad ia phi." Ki ktien ki mih na ka shyntur jong u.

"Kaei Sonny? Iathub ia nga. Ngan jin da la sngewbha ban pynioh ia phi."

U Sonny u kham sngewshur bad u iathub ia u kpa. "Nga kwah ban iaidkai, pa hangno hangno ruh, tang ban leit na shnong. Ngan jin da la sngewbha ban leit ha Golfink Tang hangto hi. Sngewbha shah ia nga ba ngan leit. Nga da kwah ban don hajan kito ki diengkseh ban bam lyer bad pynpynggad ia lade. Lada phi shah sngewbha phah ia u Bali ba un leit buh ia nga. Un wan shaw pat ha ka por shi baje ei ei. Phi tip hi ba ka long ka bymlah ban shu shong sah kumne hapoh iing."

"Mano ban peit lem ia phi hangta Sonny?" U kylli u kpa.

"Ban lei? Ngam donkam iano iano ruh. Ngan shu jaid ne shongkai. Ho-old, ngan pyrshang ban iaid ruh lada donkam ngan par dalade."

U Hori Roy u kyrngah sah ia la ka khlich bad um ong ei ei ruh em.

"Sngewbha seh pa," u kyrpad u Sonny naduh myn-siem, "Phi tip hi ba la shu set op ia nga hangta mano ban tip nga lah ban lap op ruh. Ym don jingma jing-mynsaw. Nga kutar ruh ban ym jia ei-ei ia nga. Ka-ne ka dei ka jingkyrpad jong nga bad ngam tip lada ngan dang pyshitom ia phi hadien habud."

"Phi lah ban pan na nga ia kano kano. Pan..."
 U Hori Roy u pyndem ia ka khlieh hapteng ar ki kti.
 Ki kti jong u ki syrpaishah ia u shniuh ba arliang ki
 neng moi moi. U tip bha ia ka jingshitom u khun.
 Kumno kein marwei u dkoh ha lum. Sa shiphang u khyl-
 lie joit ia ka kblich na ki kti. "To Sonny, phi lah
 ban leit mynta. Ong ia u Bali ba un leit shaw de."

"Ka khmat u Sonny ka blait war da ka jingkmén.
 U kyrshan ha ki diengduh bad u ieng. "Khuble shibun
 pa. Ngan khreh noh kumne." U leit sha la kamra.

"U Hori Roy bad ka tnga ki kmen ban iohi ia ka
 khmat phuhmat u khun katba u padat ialade lyngba ka
 kamra. Haden ba u la leit u Sonny ki shu ia peit sah
 uwei ia kawei, Kim kren shi kyntien ruh, ki shu ia
 phubsamrkhie bad ki ia sngewthub jingmut uwei ia
 kawei pat.

U Bali u iarap ban pyrshong ia u Sonny ha ka kali.
 Nangta u sa niad suki jai haduh ka jaka ba u kwah leit. U
 Sonny pat u kdew ia kajaka ha kaba u kwah hlar.

Ym pat don briew ha Golfink lait noh iwei ar hang-
 ne hangtai. Ka dang step than ia ki nong Shillong ba kin
 ia id kai ieng kai. Ki kham sngewbha ban jied ia ka por
 miet ynda ka la jem ka sngi.

"Kumno phin leh marwei hangne?" Kylli u Bali.
 "Lehse phi ur phi hap mano ban iarap ia phi? Phi kwah
 ngan ap ia phi hangne?"

"Em ym donkam. Nga tip hi kaei ba ngan leh bad
 ia kaei ba ngan ym leh. Khie leit noh i pa i donkam
 ia ka kali, Kynmaw kein ba phin wan shaw ia nga ha
 ka por shibaje. Sngewthub?"

"Ho-oid bah," jubab u Bali.

U Sonny u pynbeit ia ki diengduh nangta u sdang
 ban pawang ia la ka met sha khmat bad kyrshan tang
 ha ka kjat kadiang. Haden katto katne u iobahgew

la ka enjin ka kali ba ka riew, u phai bad u iohi katai ka la leit.

"Ka bha," u ong halade "ba nga la poi. Dei hangne ba nga la khmih lynti ban poi."

Ka lyer pynggad ka beh ha ka khmat jong u katba u dang sied tyngkoh marwei shaphrang halor u pblang uba jem. Sa shijam arjam u iohsngew ia ka jingiwbihi ki kseh bad u ialeh pynkloi ban poi ha ka jaka ba ki ieng, katba ki khmat pat khliaw ki peit ia ki sla ha kliar ba ha ki tyndong shkor jong u ka jing-beh jong ka lyer ka pynmih ka jingsawa kaba kum ka sur jingrwai. Ynda u poi hapob syrgiew jong ki, u phai beit beit ia ka khmat sha u dieng uba hajan eh. U pynsted ban piam ia u dieng bad u sngew ia ka jingkyndeh u klongsam namar ka jingkmn bym lah batai. Katba u dang leh kumta u klet ia ki jingpang jingshitom bad ia ki jingbym lah ba ka met jong u ka la iaid lyngba. Namar u tang shu pyllait ia ki kti na u dieng u hap ban pynch bad ialeh tyngch ban ieng beit hyhrei um lah ba ki diengdub ki la hap na poh-tit jong u bad u ruh u kyllon ha madan. U ialeh ban par bad u kynjoh ia ki diengdub. Nangta u shong pynjit khat bad suki u pynnoh ia ka met ha madan u da thiah lyndang.

Katba u nang peit ia ki sla thyrnia ba ki shad bad khih ha ki mat, u sngew islade kum u myllung. Ka jabieng jong u ka dap da ki kynnien jingrwai suda.

U Sonny um dei u myllung bad um ju sngewhun bad peiphang ia ki myllung. Ki jingthoh i Babu Soso, u Tagore bad ka Naidu ki rben la kum ka miet synnia iong ha ki jingpyrkhat jong u. Khamtam lei lei ki jingrwa inongwei ba u pale ha ki skol rit bad skol beh.

U ngiah bad u btai ban pule ia ki lain ba shong kun-hyarei myata pat ka pher. U sngew la kumba un rwei uoh bi. Ki sar-tum sar-wah ki kynoi nangno um tip

bad ki sai oustara ki bsiat ha ki tyndong shkor jong u. Ki khmat u khapbrip ia peit ban pynhaptar bad ka jingrwai bad hapoh mynsiem u sngew ia ka jingtkhih kumba kiew ia hiar. Ka jingrwai ka tang hapoh ka dohnud jong u, ka jingrwai sngewsynei jong ka jingim. U kynud ia la ki jingjinjar. U ngam kham jylliew mian pa mian ia ki par ka jingpang jingshitom bad ia ka jingdkoh ha ka pyrem ka jinglong samla. U kynmaw haduh katno u khlain bad u shalak katba u dang ialeh bad kiew kham shaneng ia ka jingkieng jong ka jingim. Ha ki por, seng nongrim ia laka jingim, u dej barabor u khyannah uba kham hakmat ban ia kiwei bad um ju ngiab ban beh ia ki thong. To ka lad ka jia long ban kiew kham shajrong ia ki kyrdan ka jingim. U la sdang ban kiew hynrei ka met jong u ka ia tyngkhuu bad ki jingjia ba shyrkhei kiba la pynlwet syndon ia ka bor met bad mynsiem, ki da ichnoh artat ia u ha ka jingisynei ki diengduh.

Ki ummat ki shlei katba u dang pyrkhath ia ka nusip jot ba ka wan lap ia u ka da pynkylla dpei lut phar ia ki jingtrei shitom jong u. 'Da shisha, ia nga uba angnud ban kiew kham shajrong la lynthaw bad iuh lwet jin. Hynrei balei tang ia nga hi ha kane ka pyrthei baiar?"

Ka jingsngewsynei la lade ka bym don pyrthei shuh ka trei hapoh jong u katba u khyllie ia la ka khlieh bad u pyrshang ban shong.

"Kine ki diengduh ki dei ki lok bad ki baiet jong nga." U phai sha ki diengduh. "Da kumno pae ngan khlad na phi?"

Suki u ieng bad u kyrshan ia la ka met ha ki, "Bad phi ko lyer, beh, halor jong nga da syrpal pynkpit ia, ka kjat jong nga." U isid sha uwei pat u dieng. "Katno i hun ba me ieng, me uba long ka dak ka jingkhlain bad ka bor. Katno nga kwah ban

khiah pat sa shisien ban ieng beik thik kum me bad ban iaid sa shisien pat halor kane ka pyrthei. Ani! ka apot jot, nga la lwet hi thlaw. Ah u Blei balei katne ka sohsat ia nga? Hato nga bakla aiu ha ka jingim? Iathub sa phi ko kseh baieit lada kyrkieh dar dar nga la leh pop? Em, ngam ju mlien. Lada ka pop ka kyrthai ba ka pyrthei bad ka pyrthel ka pop, nga dei tang i bynta barit, nga pop. Lym kumta te em"

U padat ia lade na u dieng sha u dieng u peit ruh khliaw na kfiar ha trai ia uwei pa uwei u dieng u ong artat "Iathub ia nga icit kumno ngan kblain pat sa shisien. Da kumno kan koit kane ka dkoh bad da kumno pat ngan ieng rangbah jwain kum phi?" U kdup bad u pyrshang khynniuh ia uwei u dieng. ki shanduh ki her bad ki hap ha madan. U dem bad u par ha ki lai bad u tam ia ki diengduh ba ki hap kham jngai na u. 'Balei baieit phi phet na nga? Phim tip seh ba ngam lah ban im khlem ma phi?' U kyrshan bad u mut ban ieng ha kata ka khyllip-mat u hap pding ha madan. "Oh-ho, ka kjat runar. Phim shah hi ia nga ba ngan ieng ruh, Phim tip ba ka dohnud jong nga ka pait bad ngan im u riewpait-dohnud shirta tang na i bynta jong phi, Koit noh klo! baieit."

Ki kti jong u ki syrpai ia ka khohsiew dkoh. Hangta u iohangew ia ka duitara sa shisien ha ki shkor jong u, ka sur. ka jingrwai sngewsynei. Ki jingmut jingpyt-khat ki kyndeh hapoh jong u katba ka jingtem ka nang-jam nang jam ha ki shkor jong u, U sngew kum ban pait sa u klong snam ba u kynmaw ia la ka jingpang. ia ki jingiinjar jingsbitom bad ia ka sohsat mynsiem ba u shah. Um lah shah, joit u ieng bad sa shisien u padat ia lade na u dieng sha u dieng bad u hap hangne hangtai namar u la poi haba kham sharing ha ka jaka ka bym kai ia u dkoh ba un her ruma. La katta ruh um patiw ia ka jingpang ha ka kjas, u her shaphrang.

U Soony u la ngam jylliew sha kiwei pat ki phang u da klet ia la ka jingdkoh. Un jin da la klet lut ia kiei kiei baroh ba la jia ha u bad her ruma kat shaba u pol. Ka jingsuk bad jingkmén kynsan kynsan ki tap ia u, jngai bah na ka pyrthei ba u ju mad, ka bneng hi ha lade. Shi lynter ki tuid ki ummat arsut ia ki ngab. Ki dei ki ummat jong ka jingkmén bad ki ummat jong ka jingsngewsih. Ki ar ki ia milai lang bad ani ka mithai. Un jin da la her khlem tip shapoh sanium.

Hynrei kynsan ka alu-re ka pynsangeh ia u khak. Ki jingbsiat ka duitara ki jah jak. Ka jingsuk bad ka jingkmén ki her bak. Ha ka jingbeh ka lyer bad ka jingud ba jar jar ki sla kseh u iohsngew kumba kynslok i briew na shadien kham pajih na u. U pyrshang ban phai tang ba u tieng ioh u hap. Kumta u sied tyngkoh shapbrang haduh ba syndeh uwei u diengkseh u shaniah ia la ka tyrpeng kamon ha u dieng bad u mut ban phai shadien haba u iohsngew pynban ia ka sur kren kaba u sngewthuh bha.

“Bah Roy, Bah Roy.”

U Sonay u phai suki bad u iohi ia ka Sandhya ha ki ummat. Ki jong u ki la don lypa ban iashem ia ki jong ka bad u shaniah pynjem ha u diengkseh.

Ka Sandhya ka march sha ka jaka ba u don, ka shim niat ia ka kti kamon jong u bad ka tan pyrkhing halor ki tyrpeng la jong. U shanduh napoh pohtit kamon u hap bad u thie u neh den haba kham sharing.

“Ani!” U ong la kumba u pang. “i baieit i la hap. Shuh ngan da tam ia i.” U ialeh ban pyllait ia ka kti kamon na ka hynrei ka bat skhem.

“I baieit jong phi?” Ka kylli ka ia peit artat ia ka khmat jong u.

"Ho-oid, i jong nga," u kdew da ka shyntur ha u diengduh uba hap ha madan bad u ong, "kine ar ki dei ki jingim jong nga, ki nongkyrshan jong nga. Khlem kine ngan ym lah ban iald ban ieng, ngan ym lah ban poi hangno hangno ruh. Shuh shuwa ngan da tam."

"Ia leit noh." Ka ring ja u.

"Em, sngewbha wat leh kumta. Wat ring ia nga bad wat ich ia u hangthie. Shuh ngan tam hi."

"Em," ka ong bad ki ummat jong ka ki shlei bad epid bad ka patan ia u sa shisien.

"Wat tan ia nga, wat ring kumta. Ngam leit bad phi. Em, ngam treh leit bad phi. Nga kwah ban shim shuwa ja u thie u diengduh. Lada phim shah phi lah ban leit kat shaba phi mon. Ngan ym leit bad phi. Kbie." U ong bad u ialeh ban pyllait ia ka kti na ka hynrei um lah satia. Ka am triang bad ka bat skhem.

"Ich, ngan tam ma nga" ka ong. Ka dem bad u ruh u hap dem lang katba ka dang tam da ka kadiang.

"Phim sngewthuh te Sandhya haduh kattno kine ki mut ia nga. Ngan ym im satia khlem kine. Ki dei ka bynta, ki dkhot met. Dei tang na kine ba i sah khyndiat i jingkyrmen ban im lym kumta ia bha ba iap."

"Ia leit noh" Ka ong suki.

"Leit shano?" U kylli.

"Sha Hag." Ka jabab.

"Ynnal pynjinjar kai falade, u Bali un sa wan shaw ia nga Shong." U pynnoh artat suki ia la ka met ka ruh ka shong syndait khlem pyllait ia ka kti jong u.

"Nga don ryngkat bad phi, Balei phi kwah sa ia u Bali?"

"Nga ia phah ba un wan shaw. Un wan khlem pep. Lada phi don apia u lym kumta phi tab ban feit. Ngan ap bangne tad ynda u wan."

"Balei phim sngewtynnad seh ban leit bad nga ? Don jingpher ei ei ? Phim sngewmon shuh seh ia nga ? Phim shaniah ia nga ? Ngan ialam ia phi sha iing beit beit. Ia ngin ialeit." Ka kynjut ia ka kti jong u.

"Balei phi thlia bad pynjinjar ia nga ? Ki jingkylli jong phi kiba donkam shisha. Ka bha ba nga pyn-shai sa shisien. Nga la iathuh ia phi bunsien ba nga dei u dkoh. Balei phim sngewthuh ia kata ? Balei phim peit ia ka kjat jong nga bad balei phim pule ia ka khmat de. Ka bha ba nga kren shai ba nga da isih ban don ryngkat bad phi. Ngam don jing-sngewbha shuh bad ki briew kiba kum phi. Phi lah ban leh katba mon hynrei nga ngam lah, Ngam lah shuh ban iatynjuh bor bad phi. Nga da kwah dik dik ba i pa in pbah noh ia nga sha ki jaka shong ki dkoh, ha kaba nga lah ban pynlut ia la ka por ha ki jingsuk khlem thlia bad khlem pynwit da ki briew kiba kum phi

"Phi la klet imat ba nga dei ka jong phi bad ba phi la iateh bad nga." Ka ong.

"Em baieit ngam shym klet Ngam pat bakla ka jabiang. nga dang kynmaw bha kyndiang ia kiei kiei baroh kumba ki dang jia hynnin hi."

"Te balei heit phi ong ba nga thlia bad ba phi isih ? Da kumno ngan khlad na phi ? Kam pher ei ei la phi pang ne shitom, matlah ne dkoh, nga iet la phi bad phi dei i jong nga hi. Ngan ym iehnoh ia phi haba da lei lei ruh. Nga la lah pyrkhath lypa kumno ban leh. Nga kyrmen ba ngan trei kam noh bad nga kular ban sumar ia phi shi lynter jingim."

"Ha-ha-ha," u rkhe saitmet. "Ngam dei shuh na ka pyrthei lamwir jong phi kong. Ka jaka jong nga kam dei shuh bad phi hangne. Phi sngewthuh ne em ba nga dei na ka pyrthei ki dkoh, ki matlah bad ngan sa pynlut ia la ki ngi ki por hangta. Ym shym la thaw ba ngan shong ba pneh jong phi. Ka nusib

jot. Ia nga la thaw ba ngan shong sah ba ki ling khunswet ha kaba nga lah ban pynlut ia la ka jingim bad kiwei pat kiba sniew bok sniew nusib kum nga. Phi pat, ka bba ba phi trei phi ktah. Wad noh dano re, nga mut u briew ba phin ia shong shi jingim. Klet ia nga, klet noh ba u Sonny u la paw ha ka jingim jong phi bad sa im suk im sain pat. Ym myntoi ba phin pyn-jot kai ia la ka jingim halor jong nga."

Ka Sandhya ka tap ia la ka khmat da ki kti bad ka iam. Ki ktien u Sonny ki la palat than eb la kum ki mawlong shah ki kit ia ka bak bad kam sogew-thuh shano ka tuid.

Ha kajuh ka por ka kti u Sonny ka lait na ki jingbat jong ka bad suki u ring noh ia la ka kti. U ia lade ruh um da pher na ka Sandhya. Ki jingkynsnok ka Sandhya ka pynmih shijaw arjaw ki um ba ki khmat bad u niad da ka kti. U ailad ia ka ba kan iam ruh namar ba um nang kren shuh. U pdot jong u u dap mam bad ki rymmian shyntur ki khynniuh U sangeh dngeng karba ki jingpyrkhat ki her ruma halor ki jingjia baroh.

U reb kynsan ia ka kti kamon bad u iohi ba ka khynniuh ha suin U pyrkhat ban bub ia ka halor ka tyrpeng ka Sandhya hynrei u sangeh noh ba u iohi ba ka Sandhya ka dem la ka khlich halor ki khohsiew bad ki kti ki kyllain sawdong. Sa shisien u pyrshang bad sa shisien pat u artatien. Ha kaba lai sien u shem ba ka kti jong u ka hap hi mian mian halor ki tyrpeng jong ka.

"Wat iam Sandhya," u pyrshang ban khroh ia ka "To ngin pyrshang ban bishar ia ki jingshisha. Ngam lah ban im bad phi bad phi ruh bad nga wat ia ki jingangew jong ngi ki khlain katno katno ruh. Ka por kan poi ha kaba phin ym lah shah ia u dkoh kum u lok jong phi. Ka pyrthei kan kynshi bad phin ym lah shah. Ka jinglehrain kan tap ia phi bad phin ym nud wat ban paw ha khmat. ki. briew."

"Ngam salia. Nga dei ka jong phi, ai ba ka pyrthet kan kren katba ka mon."

"Peit hangne Sandhya lada phi salia ne phim salia kam pher than eh namar u dkoh te u dkoh hi bad ki khwat ka pyrthet ki peit pyllaw. La nga long uba kumno kumno ruh, la nga bat ia kano kano ka kyrdan la nga stad katno katno ruh, kine kim lah ban pyndam ia ka jingkynnob bad jingbudnam na ki sla ka longbriew manbriew ha pyrthet. Phi dei kaba bhabriew ha pyrshah ba dang pura bha ka jinglong samla. ryngkat bad ka jingwang jingtip ba phi don, ym artatien ba phin lah ban shem da uwei pat u briew uba kham bit ban ia nga. Balei phi kwah snob sah tang ha nga hi? Da ki hajer ki samla shynrang ha pyrthet, ban lei phi pynlut por kai hangne? Khie wad ngan jin da la sngewhun ban iohi ba phi shongkurim ia u briew uba bha.

"Ngam treh. Dei tang ia phi hi. Lym kumta te em." Ka jubab shlur.

"To katta," u ong. Te kumno pat kiba ha iing ha sem jong phi. phi la ju kylli ia i pa jong phi? Katno tylli eh kita ki iing ki ban sngewhun ban kam pyrsa kurim ia u dkoh u bym lah ei ei shuh. Lada phi kwah ngan iakren bad i pa jong phi ynda nga ia kynduh sa shisien."

Ka Sandhya ka kynmaw thret ia kiei ba u kpa u ong ia ka shisien. Ka phai na u Sonny bad ka pyndem ia ia ki khmat sha khyndew; ka da peit sah pyllaw ia u phlan ba u sdang ban mih. Ki jingartatien ki rung ha ki jingpyrkbat jong ka bad ka artatien. La kan lah ne em ban ialeh pyrshah ia ki jingkwah u kpa. Lada u kpa u ong 'em' ka nud hi ban ialeh pyrshah ia kata? La katta ruh ka pyneh.

"Em" ka ong. "Ym donkam. Nga tip hi ialade."

"Ia phi! Nga pat? Balei phim kylli ia nga pat ia nga kwah ne em ban shong kurim? Uei uta u bieitsian

aba kwah ban shongkurim bad ban ri khun haba u tip
ba um lah ban pyndep satia ia ki kamram u 'tnga bad u
kpa ? Nalor nangta ka jingibein bad jingpynbudnam ia ki
khun kan 'long' kaba eh ba phin shah Pyrkhat bha
Sandhya wat shu shaniah ha ki jingangew bad ha ki jingshit
jingmut."

Ka Sandya ka pyrkhat bad ka ong. "Te balei phi
kwah iatch ktien bad nga?"

"Nga kyrmen ba ki jingpyrkhat ba shong nia kin
paw hapoh ka dohnud jong phi Kata ka dei ka jingkylli
ia ka mynnor. Ngim ju im ha ka mynnor, ym dei ? Te
lada nga la shongkurim ia phi ha kito ki por, phin jin da
la long la kum ki thei iaptnga mynta."

"Lada phi pyrkhat da kumta, ka bha ngi kiar na ki
jingkynnoh bein."

"Dei kata kaba nga pyrkhat bad ka bha ba phi ri
noh shuwa ia la ka burom."

"Nga don kiwei pat ki jingpyrkhat."

"Ki jingpyrkhat ! Ki jingpyrkhat aiu pat ? Ka bha
ba phim pyllait jynhaw bad leh kumba nga ong."

"Peit shane Bah Roy, kam dei kaei kaei kaba khyllah.
Lada ka Shillong bad ka Silchar kim bit satia ia phi bad
ia nga, ngi lah ban phet sha kiwei pat ki jaka. Kum ban
shu ong noh sha ki sor bah kum ha Kolkata, Bom.
bay. Madras ne Delhi ha kaba ym rat da don ba
ishuh. Ngim set kut ia lade na kane ka pyrthei ban lait
na ka lorni bad na ka jingbishni ki brierw."

"Phi te iba da tyngesh shisha. Phi la ju pyrkhat
pat mano ban bsa ia ngi hangta bad katno ngi eh ngi
lah ban im ? La kumno kumno nga leit ia phi arshah na
ka bynta kata, ban dei ba nga koit nga khlain, mynta
kumne hi nga shong noh ryngkat bad phi."

"Wat sngewpher ei-ei ngan bsa ma nga. Ngan trei da kano kano ka kam baroh. Da ki hajar ki khynnah kynthei ki trei ha kito ki sor bad ki seng ia la ki iing ki sem."

"Nga lah ban ym ia mynjur bad phi ha kane. Kumba nga la ong hi ban da dei ba nga shait nga khlain hi, ngin leit shaba kut ka pyrtnei bad ngin ym pyrwa ei-ei ruh em, namar arjur ki kti ki lah ban khlong bam nangno nangno ruh Hynrei ban shu shaniah tang ha phi marwei te Bih lada ym dei hi ba phi da ioh da i kam beh kam hain, kata ruh kaba jinjar ban ioh, nga artatien shibun, namar ba bun ki jingeh ha ki sor bah."

"Ki jingeh aiu? Phim ngeit seh ia nga?"

"Nga ngeit ia phi ieit, tang ba ngam sngew lah ngeit ia ki jingpyrkhat jong phi."

"Balei?"

"Nga tip bha ia ka jingim hangto. Nga tip ruh ba ha kito ki sor ka don ka jingiadei para briew ha ka shong ka sah. Phim lah ban set op ia lade tang bad nga hi shi lynter ka jingim Hadian ba phi la trei la ktah baroh shisngi bad ba phi la thait ian tang katno phin sa ngiah ia ka jingim set kut. Phin sa thrang ban iaiaid kai ieng kai. Phin shem ba ki briew ki iaiaid iaieing ha surok, ha kper syntiew harud wah rud um bad ha kiwei pat ki jaka ba pynggad. Ka por kan poi ba phi ruh phin kwah lem hynrei u lok jong phi u dei u dkoh ryngkat bad la ki diengduh. Kumno kein phin sngew? Nga tieng loh phi rkbie bein sa ia ka met iap jong nga baroh."

"Balei phi da stat bad kynnoh haduh katta. Ynda haba ong ei ei, phi pat phi pyrkhat ba nga shu kren kai ne ka bym lah long. Imat phim sngewthuh shuh ia nga, ym dei?"

"Nga sngewthuh bad nga kham pei phang ia phi ban iano iano. Nga sngewthuh ruh ba ka por ka la poi ba ngin ia khlad noh Nga tharai ka bha ba ngi sangeh noh mynta hangne. Peit shatai phi iohi ia katai ka kali. U Bali u la wan. Sngewbha iarap lem ia nga halor kine ki diengduh. Ngin sa ia kren pat, da pyrkhat lem ia kaci ba nga ong bad nga kyrmen ba phin sa sngewthuh kham bha."

Ka ieng katba ka kali ka sangeh bad ka ioh-sngew ia ka jingpah ka kali. Ka pynbeit ia la u shuiuh nangta sa ia ka sari, ka da kynther artat ia ki niut ki nier kiba snoh ha ki jain jong ka. Ka dem bad kynjob ia uwei u diengduh bad ka pyntyngkhap hapoh ka pohtit kadiang u Sonny. ka bat ia uwei pat ha ka kadiang jong ka. Nangta ka shong syndait biang hajen jong u. Ka shim ia ka keti kamon jong u bad ka kyllain ha la u ryndang. "Ieng," ka ong ka ia khyllie artat ia u bad suki ki iaid ia kaba kham sharing.

"Ani, wow! Sandhya," ong u Sonny ynda ka jingsyaid ka met jong ka ka par suki halor jong u. "Lada phin kyrshan ia nga kumne te ngam rat da donkam ia kine ki diengduh. Ka met jong phi ka dei ka dawai bah."

Ka Sandhya ka phuh samrkhie. "Phim donkam shuh te hynrei ia nga."

U Sonny um nud ang shuh.

Kumta baroh aragut ki iaid pyndem khlich haduh ba kin da poi haba kham madan bad nangta beit beit sha ka kall.

U Bali u iohi ia ki bad u leit tan na kham pajih. U ruh u sngewphuhmat lem. "Nga tharai phi sngewmuja bha ban ioh bam lyer mo bah?"

"Shibun shah," jawab u Sonny. "Mano ban tip lehse lashai ruh ngan wan biang hangne. Ka da

bha shikatdei haba duwa. Nga sngew la jlep tang hapoh iing."

"Ho-oid, bah ba kano ma ka por ba phi mon."

Ki rung hapoh kali bad ka kali ka her suki jai.

12 U Joint Secretary jong ka Sorkar Assam ha ka Appointment Department u dem pynleit jingmut bha jai kaba u pule ia ki dak kiba dang shu poi.

U dei u Prem Mahanta. U briew uba dang khlain dang eh bha dang kumba sawphew snem ei ei, u briew uba da thanda bha ha ka jinglong ryngkat bad ka jing-sian jingtip, ia uba baroh ki iaroh naduh ki lok ki jor, ki para ba ia trei ryngkat haduh kiba hapoh jong u. Dei ma u uba don kti ha kaba phab ia u Sonny sha Bangladesh. Ki jingjia kynsan kiba u Sonny u ia kynduh ki neh sah kum ki dak ha ka jingiatiplem jong u bad ki pyndiaw ia ki jingmut jingpyrkhat jong u palat ban ia kino kino ki jingjia kiba u la ia kynduh ha ki kam jong u. Dei ma u uba pyrshang ban buria pat ia ki jingduh u Sonny tang ba kam shong ha ka jingnang jong u ban pynbha pat ia ka kjat kaba la khein. U tip ba lymda dei bi da ka kambah u Sonny un dkoh sah junom. Ki doktor kiba sumar ia u Sonny ki iathuh kumta ba u bad u dei u briew uba nyngkong ban leit peit ia u Sonny mynba u Sonny um pat kyndit bynriew bad u sngewthuh kaba haduh katno ban ia kynduh bad ki jingjia kiba kum ki jong u Sonny.

Katba u dang pule ia kawei hadien kawei ka shithi, u lap kynsan ia ka shithi u Sonny ba u thoh da ka kti. Mar kumta u shim ia ka shithi bad u bub la ka jong, u da pule biang sa shisien. Ynda u la pule bha ia kawei pa kawei ka ktien, u khyllied ia la ki khamat bad peit sha ka jingkhang kaba khang khyr-dep la kumba u nongthoh u ieng hangta, U shim ia u sikret bad u thang suki jai u ia pynnoh shapish artat ia la ka met ha ka shuki. Suki u shim ia kata ka shithi u khylliap bad thep hapoh pla shadem. Ka

kti kadiang ka kner sha ba don u budam. U shon ia u budam u iohsngew ba ka baje ka riew khring-ring ring, mar kumta u peon jong u u rung.

"U Bah syiem u don ne em?" U kylli ia u peon.

"Ngam da tip bha, sahep, ngan da leit peit shuwa." U jubab u peon u da mut artat ban leit noh.

"Peit shane," ong u Mahanta "Phah ia u hangne, Lada um don phah ia uto uwei u babu uba iatrei ryngkat bad u. Kaci ka kyrteng jong u?"

"U Bah Suiam."

"Ho-oid u Suiam."

"Ho-oid, sahep." U peon u mih noh.

U Bah Syiem u don, u leit sha kamra u Secretary bad u khublei ia u.

"Rung." Ong u Mahanta.

U Bah Syiem u rung bad u ieng hajan ka miej mar pyrshah ia u Mahanta.

"Bah Syiem, nga kwah ban tip la phi ithuh ne em ia u Bah Sonny Roy?" Kylli u Mahanta u ia shaniah artat ha ka shuki,

"Phi mut ia i Bah Roy iba hap kah ha Bangladesh?"

"Ho-oid, ia uto."

"Nga ithuh bha." Jubab u Bah Syiem.

"Phi tip u sah hangno? Phi lah ban batai ia nga ia kata ka jaka? Nga kwah ban leit peit ia u la shi-bit lada nga lah pyllait por ia lade."

"Nga tip," ong u Bah Syiem u batai artat ia ka jaka ha kaba ka iing u Sonny ka don. U shim da i kot sada de bad u dro ia ka surok ban leit sha iing u Sonny.

"Hangto seh u sah?" Kylli u Mahanta. Nga sngewthuh bad kynmaw bha ia kato ka jaka. Khublei shibun Bah Syiem." U Mahanta u shim ia ita i kot sada na u Bah Syiem bad u thep ha kajuh ka pla na kaba u thep ia ka shithi u Sonny. "Oh, shisha phi la leh kumno ia ka phail kaba dei ban phah ia u sha Meghalaya, sngewbha phah ia ka hangne. Nga kwah ban tip haduh katno ngi la leh Dang don shuh kano kano kaba sah na ka liang jong ngi?"

"Ym don ei-ei shuh na ka liang jong ngi. Ngi la leh lut phar ia kaba donkam baroh. Ngi ap sa tang ia ka jubab na ka liang jong ki. Nga ia kynduh ha kine ki sngi ia u briew uba dei leh ia kato ka kam bad u ong ba na ka liang jong ki ruh ki la lah pyndep. Sah sa tang ki hukum ban pynmih."

"Ka bha la kumno kumno ruh phah ia ka phail hangne, mo."

"Ho-oid." Jubab u Bah Syiem u ia mih nob artat na kamra u secretary.

Ha kata hi ka janmiet tang shu wai ophis u Prem Mahanta u niah ia la ka kali sha iing u Sonny. U Sonny u dang pule kot ha kamra pule kot u kpa ha la ka pajama bad ka sopti poh. Ia u diengduh u pynsbaniab ha kynroh hajan jong u.

Ka Rita ka iathuh ba u wan u Bah Mahanta bad u Sonny u phah ba kan ialam ia u sha kamra pule kot. U sngewthuh ruh balei ba u wan.

U Mahanta u rung bad u Sonny u pdiang sngewbha ia u. "Good afternoon Mr. Mahanta." U ong u da ieng bad kdew ia ka shuki, "Sngewbha rung bad shong hangne."

"Good afternoon Mr. Roy." Jubab u Mahanta u shim ia ka kti u Sonny bad u kynjut ktl. "Phi long kumno"

mynta. Oh, nga la sngewthuh. Phi dang pyndonkam ia ki diengdub. mo?"

"Kine, kin iai neh bad nga. Sngewbha shong." U kdew ia ka shuki kaba hajan jong u.

Hadien ba u Mahanta u la shong u Sonny u kylli
"Phin dih daei da ka sha ne da u kophi?"

"Scotch," ong kynsan u Mahanta

"Ha-ha-ha" rkhie u Sonny. "Nga sngewsib ban pyndiaw ia phi namar ngim ju bub ha ing"

"Lada kumta te dei ban long da kaba khlain.....
Bha da u kophi namar nga la dihsba baroh shisngi ha jingtrei."

Ka Rita ka mih noh na kamra.

Nga imat phim pat khlain bha, mo?" Kylli u Mahanta. "Phi dih dawai nangno, mano ba sumar ia phi mynta?"

"Nga la thait ka dih dawai. Katba nang dih? katta nang tlot Ngam banse katba nga dang don hapoh ka jingsumar u juh u doktor uba na Guwahati U wan shisien arisien shi bnai. ki bun bha kiba u sumar hangne. Nga donbok namar ngam hap leit Guwahati."

"Kata kaba bha. Te u ong kumno u doktor? Sa katno eh phin shu long sah kumne bad lano phin lah ban laid?"

"Laid!" U kren kyndit u Sonny. "Ngam tharai shuh ba ngen dang lah pyndonkam ia kane ka kijat." U thap artat ia ka lbong.

"U doktor pat u ong kumno?"

"Ki shu pyncyrmn ia nga tang ba nga sngewthuh ba ka long kaba eh."

"Lada kumta te dang don shibun ka jingkyrmn ba phin koit. Namar katba kim pat ong hi em, nga mut ki kham tip shibun ma ki, dang don jingkyrmn bad phi dei ban wad ia ki lad."

"Kumno kumta phi ong bah? Namar ki doktor hi kim ju pynduh jingkyrmen katba um pat iap u nongpang. Kata ka dei ka kam jong ki bad ka rukom jong ka kamai kajih jong ki. U bai, eksamin, u bai dawai, kin ioh nang-no lada ki la pynduh jingkyrmen lypa."

"Mr. Roy phi la kren than ia ki. Ngam tharai ba ngan mynjur bad phi ha kane. Ki doktor, ia ki nongpuid ne nongpynkhiah ki ialeh katba lah ban ri ia ka jingim bad pyngoit. Ka jingsiew ia ki, ha nga hi kat ban pynsah ia ka jingim nga sngew ba ka dang duna. Lada ngi khein kor ia ka jingim nga sngew ba ngi dei ban kham siew bun shah ia ki. Kata ka dei kaei kaei kaba ngim da tip bha. Ka bha ban ym ia tuklar ia kata. Mynta nga kwah ban tip lano phin lah ban trei kam?"

"Ngam lah ong lada ngan dang lah hi mo ban trei kam pat sa shisien. Ha kine ki sngi nga la phah ka kot istapha. Imat phim pat ioh mo?"

"Ha phi mynta te imat phi pyrkhath ba baroh ka bym lah long suda, ka bym bit suda. Ngam sngewthuh shuh ia phi. Phim sngewtynnad shuh imat ia ka jingim. Balei, phi sngewkhia than ka jingkit? Kumno kiwei pat kiba kham sniew bok palat ban ia phi? Ki im suk bad ki ialeh katba lah tang ban im. Nga shisha te ngam lah sngewthuh shuh ia phi mynta. Phi dei uba sian uba tip bad ngam ngeit ba phi la ngop lut phar ha ki jingsngew ba pynthame kai ia ka jingim."

"Phi mut kumno?" Kylli u Sonny.

"Nga mut ban ong ba phi dei u briew uba sian, ia uba baroh ngi ia sngew sarong ban ia trei lang, ryngkat bad ka jingnang jingtip, ngi khein ba phi dei uba kordor. Namarkata ngam sngewthuh balei phi kwah ban iehnoh ia ka kam. Balei, nga kylli nadub mynhynne, phim sngewhun shuh ia ka kam ne phim mon shuh ban trei?"

"Phi tip hi ba mynta nga dei u dkoh."

"Kata kan leit pher aiu bad ka jingtrei jong phi ? Nga la iohi ia uba dkoh ha kane ka kam, Nga tip ruh ba uba matlah ruh u trei bha pynban."

"U matlah bad u dkoh ha kane ka kam ?" Kylli pynstet u Sonny.

"Kaba shisha. Kum phi kumne hi, ki matlah bad dkoh ha ka jingtrei."

Phi da mut " Um pat lah pynkut u Sonny.

'Nga da mut shisha ia kaci ba nga ong bad phi lah ban leh kumjuh."

U Sonny u kyndit thret la kumba naba iohthiab. Um ju pyrkhat ia kata namar la ker kut bad khangdong sawdong ia u da ki jingjinjar suda bad u la ngop ha ki jingsngew bymlarkam khlem shong kun. Hangta hi u kynmaw ia ki sngi ba u rung kam ba haduh katno u angnud, un kiew haduh khlich Te mano pat ba pynbajikor ia u ? U dei ban iaid shaphrang la teng khat ki mih ki jingeh haduh ba u da mai bad da tim ia la ka longrynieng pynban. Kine baroh ki dei tang namar ba u la angnud palat bor U Mahanta u don ha khmat jong u, uba la shuwa ia u kumba khadsan snem ei-ei ha ka kam bad u la kiew haduh u Joint Secretary ; u pat balei u syier ?

"Lada kumta te ieh ngan da pyrkhat sa shisien. Pynдем tdong u Sonny.

"Peit hangne Roy, ka kot istapha jong phi ka don hangne ha ka pla jong nga." Ong u Mahanta u ia wad artat hapoh pla. "Lada phi mut ban dang trei ka bha ba phi klet noh ia ka Hynrei lada phim sngew lah shah shuh, kan bha ba phi thoh da kawei khnang ba ngan sngewthub ba ka jingwan jong nga hangne mynta ka sngi ka long ka bymlarkam satia."

"Nga kular ban pyrkhat sa shisien." Jubab u Sonny.

Mar hangta hi u wan poi u kophi bad ki sdang ban ia dih.

"Oh ! shisha nga thap klet," ong u Mahanta. "Sa tang katno ngin phah noh ia phi sha Meghalaya. Ngi la iakren ia kane bad ki la mynjur ban buh ia phi hangne hi ha shnong kat ar snem ei ei haduh ba phin da khlain bha."

"Khublei shibun Mr Mahanta, nga tharai ka dei kaei kaei kaba phi la pynshitom bha ialade."

"Em, sa kawei pat ia ki eksamin jong phi, nga shem phi la leh bha ha ka bynta kaba nyngkong. Balei phim pyndep noh ia kaba sah ? Mynta ba phi lait por kumne ka bha ba phi pyndep noh ia kaba sah baroh. Kam eh ei-ei ruh em "

"Ngam don kot don sla, Sa kawei ruh ngam pat da pynbeit bha ia la ki jingmut jingpyrkhat."

"Ngan ai ia phi. Kata lashai ngan phah katto katne ki kot, sa nang pule ia ki.

"Ngan sdang noh kata "

"Nga tharai ba nga la lah ban pynkohnguh ia phi. Ym donkam pynkbuslai ialade bad wat ju niew bein ruh ia lade. Aiu phi pyrwa ka jabieng jong phi kaba nep bad phi dei uba stad. Nalor nangta ki dkhoh met jong ngi hi ki bvm biang. Peit nga deng iit. Ki khmat kim long shuh bad bun kiwei pat kiba kumta."

U poi sa u kwai. Ki ia bam mar shikyntien hadien nangta u Mahanta u ieng noh. Hadien ba u la leit. u Sonny u da sngew pher ialade. U pyrshang ban ieng ha ka kjat kamon, em, ym pat long. U shim ia ki diengduh bad u leit sha iingshetja ban, iathuh ia ka kmie.

"Phi istapha ! Ka kyndit sa ka kmie.

, 'Nga la thoh tang ba u Mr. Mahanta um pdiang."

"Ani! Sonny, phi te uba da kat u khun shyn-rang shisha."

"Em, ym dei shuh mei, ngan ym istapha shuh." Ong u Sonny ba ka kmie jong u U phai na ka kmie bad u sied tyngkoh sha kamra la jong Hangta u pynbeit islade halor jingthiah kumba u ju leh haba u lap ia kaci kaci lane haba u sngew alhia. U peit sah ha ka sad u pyrkhat bun kiei kiei hynrei tang kawei kaba shon eh bad kata ka dei ba u la ioh jingshai.

.....

U kpa u Sonny, u Hori Roy u ialah katba lah. haba u iohi ia la u khun phrang sngi ha ka jing-jinjar, ban wad ia ki stad ki jhad. Um khein satia ia ka jinglut jingsep haba u wad ia ki doktor, ia ki nongkhem kti khem kjat bad ia ki nongshna shyieng shna shruh. La lut kiba u tip bad ket kaba ong ki briew shata u leit wad. Lajan baroh ki ong "artatien." Hadien u pyrshang sa ia ki nongai dawai Khasi.

Ha kawei ka step uwei u briew na Padu u wan ha iing u Sonny. U briew uba la tymmen briew u bym jin shuh ia ka sanphew tam. Uba ka shalangmat kaba la la lur ngam jylliew ki nur bad ki ngab kiba la sdang sti bad noh. Une rynjain la ka riam ka beit kaba ran bha. U phong ka sopti poh kaba la tngit bad u tynset ha ka patlun kaba i kumba shu wah ha dieng kper bad ka soptilor rim kaba imat kumba u la pyn-donkam la bun ki tlang, nangta pat u phong la ki juti jain saw ban kham i shong kun. Nangta u kieng ka pla khaki na tyrpeng kadiang sha syngkai kamon ha kaba u thep ia ki dawai ryngkat ka tupla shritu ban syaid ka jabieng. U kwai shi shyntur bad u ktha mep shi mep Ki rymmiang shyntur ki saw huin bad haba u rkhe u pyni ia la ki bniat kiba la sah rongsaw tangba ki dang eh bha. U ryngdang pat uba la riw hum.

"Hangno uta u nongpang?" U Sonny u iohsngew na kamra la jong.

"Lada phi lah shisha ban shna?" Kylli u kpa u Sonny.

"He-he-he." u rkhié. Ngan ym jin da la wan te bah haduh hangne lada nga artatien ia ki kynbat la jong. Nga la shna ia ki katno ngut shuh kiba kim lah ha hospital Baroh ki koit, tangba nga dei ban da iohi ia kata ka kjat shuwa ba ngan ong ei-ei

U Sonny u sngap bha kyndiang na la kamra ia ka kop sop jong u nongshna. Hadien u kpa u khot ia u bad u Sonny kumba u ju iaid kumta u padat ia lade halor ki ar ki diengduh.

"Ine i dei i Bah Palong Pajat na Syndal" U pyn-ithuh u kpa. "Ki ong iba stad ban shna ia kiba khein kti khein kjat Nga la iohsngew shaphang ine i rangbah la slem tang ba ngam ithuh ia i. Mynta i kwah ban peit ia ka kjat jong phi ban shna rub lada i lah"

Katba u kpa u dang kren, u Sonny u pynshat ia la ki kbmata na u kpa sha u Palong bad na u Palong sha u kpa. U Palong pat rymmuin u phuhsamrkhié katba u dang sngap ia u Hori Roy ba u iaroh ia ka jingstad jong u U Sonny um sngew salia ei-ei ruh em la uno uno ruh uba kwah pynkoit ia ka kjat jong u, u kloi ban shah namar u tip ba u la dkoh bad ka dei tang ka kam biria ban ong ba un koit pat sa shi-sien, Kumta u ieng kyrshan sah ha la ki diengduh hajan u kpa ryngkat ka pajama kylluid khlem khih tang i niuhmat ruh tad ynda u kren u Palong,

"Shong ale shong hangne ngan peit ia ka kjat jong phi." Kyrhuh u Palong.

U Sonny u padat ia lade bad shong hajan u Palong ba ka phang kamon. Rangta bangta hi u sngewthuh ia ka jingsma syep rkhiang kaba jur tang ba kata kam pynwit ei ei ruh em.

“Diang ngan peit,” ong biang u Palong,

U Sonny u ring ia ka kjat pajama kamon haduh neng khohsiew.

U Palong u pynbiar ia ka pla khaki ha madan. U ieng ha khmat u Sonny bad u peit ia ka kjat na khohsiew arsut. Suki u shong ha madan bad u ktah ia ka kjat u Sonny da ki kti baroh ar.

“Hm,” u ong. “Da pung ka shiyiang” u kren blom blom ha lade hi. U twad biang ia ka shyieng kaba la khein. U khem hangne hangtai bad u kylli ia u Sonny, “pang?”

“Em,” jubab u Sonny.

U engap sa shisien bad u kta hangne hangtai u pyniadai ia ka shyieng. Don ka jaka ba u ktah bad u Sonny u pyni ba ka pang hangta,

“Ha diang ngan peit sa ia ka kadiang.” Pan u Palong. U Sonny um buhrieh. U Palong u thew ia ka kjat da ki kti hangne hangtai bad u twad kumno ki shong ki shyieng. U nujoria ki ar nangta u khein bad leh kumba u pyrkhat aiv re.

“To katto,” u ong. “Donkam ban da pynkhein biang.”

U tang shu khlei ia kata ka ktien, u ‘Sonny u subjer tir u sngew kumba par ka aiv re ha u warai. U kynmaw khlek ia ki sngi ha hospital bad u tieng her.

‘Kumno phin pynkhein pat ia kaba la lah pyndait?’ Kylli u Hori Roy ba u ithuh ba ka jingtieng ka kiew ha ka khmat u khun.

“Ia kata nga la tip hi ma nga,” u ong. “Wat khuslai ym lei lei.” U phai sha u Sonny pat bad u kylli. “Phi ju laleh phutbol?”

“Ban leh aiv?” Kyll lyngngong sa u Sonny. “Nga laleh ha ki por ba nga dang rit.”

"Hapoh shibnai ei-ei phin kynjat bol biang." U iathuhlypa u Palong.

"Kaei ! Phutbol hapoh shibnai ! Phi ruma ne ?" Kylli u Sonny.

"Ha-ha-ha, he-he-he," rkhe u Palong u ia shong bhek ha ka shuki. U wad kwai na ki pla, u buh uwei u kwai tylli hapteng ki bniat bad u ktha trup-trup. U niad sbi sla ka tymphew ba ka patlun, u sei sa i dongshun bad u tah stang ia ka sla baroh kawei, u khylliap bad u thep hapoh shyntur. U ktha ia ong artat "Ngan ruma lei khun ? Ngam shym kren ruma. Kumta phin leh ynda nga la dep shna ia kato ka kjat."

U Palong uba pli um kop, ha la ka jingshida u kren phak phak namar u sngewthuh ba u lah eh ban pynkoit bad u sngewthuh ruh ia ka jingshitom ka kjat u Sonny.

"Ki doktor kiba stad ki la sumar ia kane ka kjat ha kine ki hynriew bnai hynrei ym don uwei ruh uba nud ban ong ba ngan dang lah iaid sa shisien." Ong u Sonny.

"Ha-ha-ha, khun, ngam dei u doktor. Nga shu shna ia kiba khein shyieng ia kiba pait shyieng. Ha ki thain jong ngi ka jinghap nalar dieng nalar maw ka dei kaei kaei kaba jia man la ka por. Ngim im ja im jhur da kaba kiew dieng kiew maw. Teng teng ngi hap ngi ur bad ka khein kawei ar ka shyieng, ngim ju leit hospital na ka bynta kata. Ngim don ki kynbat kiba lab ban pynkoit ia kita kiei kiei. Ha Hospital kin bat ia phi ar ne lai bnai nangta ha iing pat phin hap shong thait kumba hynriew bnai ne shisnem. Lada kumta kumno pat ngi kiba duk ngin im ? Kin iap thngan lut phar kito kiba la khein shyieng baroh. Nga tip skhem ba phi ruh phin iaid hapteng ar bad lai taew."

Kata ka dei ka thong pyrshah ia ka por bad pyrshah ia ka jingstad ka pyrthei mynta. Ka pynkwah ia u kpa u Soany ba u khun ua shah shna noh ha ka sngi kaba bud bad u Sonny u kloei eh kum ia kata.

Ha ka step kaba bud, u Palong dang step u la poi ha iing u Sonny.

Ynda u Sonny u iohi ia u sa shisien u pyrkhat khyllah ka jaid bad u ong ha lade hi "da kumno une u ryo-jain un pynkoit, pynpra bad un pyndait pat ia ka shyieng." Um kwah satia ban ia kren namar u ithuh ba u Palong u mut han leh nob. U Sonny u peit kai aiu u sei na ka pla. Ki song aiu re, ba u teh ha ka jain kaba tngit. U Palong u plied ia kawei pa kawei ka song don kiba i kum ki sla aiu-re, ki thied dieng, ki jyrmi bad ki kynja snieh dieng aiu-re. U Sonny um shemphang satia aiu u Palong un leh ia kine. Ha kata ka por u Palong u sei ia ki siej kiba u la thlich bad khud jlib bha, nangta sa i jain iba khuid bad u tyllai de.

"Phi don maw tylliat ne maw shoh jingshoh uba pbim pyndonkam ha iing? kylli u Palong.

"La kut," pyrkhat u Sonny "Hangne te un pyndep artat ia nga " Tang ba khlem pyllait jynhaw ia kata bad u kylli pynban. "U maw tylliat aiu Bah phi kwah? Ha iing te ngi tylliat tang ia ki musla "

"Ia uta nga kwah." Jubab u Palong.

"Rita ! Rita !" Pyrta u Sonny "Wan rah ia uto u maw tylliat jingshoh na iing shetja, ia uto u bym ju pyndonkam."

Ka Rita ka wan rah ia u maw uba pyllon bad u ba, lyngknep hadien ba ka la sait bha.

U Palong u shim, u jied ia ki kynbat u da spel bha khyndiat na kane bad khyndiat na katai ka song. U peit sa shisien, ynda u la i biang u tylliat u ai um khyndiat khyonsoit haduh ban da ni bad da shoh bha ktek ktek.

"Khun, shong ha kane ka shuki " U batai ia u Sonny. "Shong pynarem ia la ka met."

U Sonny u shong shaniah kynjai. U Palong u shim ia ka kjat kamon u Sonny bad u pynbeit ba kan biang ia u ban kyllan dawai, u da buh da i jingkyrshan na pohjat khnang ba kan neh ka kjat. U shim ia u maw tylliat uba tylli bad ba pyllon. U niad ia ka dawai kaba snob ha u maw ha ka kjat u Sonny bad u kyllan sawdong ia ka jaka ba ka khein ka kjat. Nangta u bat baroh ar ki kti ia u maw, u shong pynbeit ia lade thik ha khmat kata ka kjat bad u rah ia u maw haduh sbalangmat la jong bad u pynhiar suki ha ka kjat u pyntyllun ia u maw na khohsiew arsut. Katba u dang leh ia kine ki rymmiang shyntur jong u ki khih, u duwai u phirat ne u myntro pynban, ym don ba tip.

Katba u Palong u dang leh kumta u Sonny pat u pynch triang ia la ki dohksah ioh long kumno re kumno. U peit bha ia ki kti, ia ka shyntur bad ia ki jingkhieh ka met ka phad u Palong.

"Khun. shaniah pynaram bha seh ia la ka met ha ka shuki. Wat pynch ia la ka met. Ka bha ba phi khapbrip ia la ki khmat bad pynjem ia la ka met jai." Batai u Palong.

U Sonny u kohnguh bad leh kumba u Palong u la batai ia u.

U Palong u peit bad u iohi ba u Sonny u la pynjem bha ia la ka met ha kata ka por u sangoh tdam da u maw uba ha ka kti na i jaka iba khein ka shyieng.

"Trait" ka riew,

"Waw" U kynkaw u Sonny, ka met jong u ka kynthih joit bad ka ia hap biang ha ka jaka ba u shong.

Ha ka khyllipmat kaba bud ki mih tang ki khlur na ki khmat u Sonny, kiba phyrnai bad ki tyngshain ha ki dong baroh. U iohi sa ia ka jingphohsniew. Kumba u iatshuh hi, "Ki khmat jong nga ki byrie bad

ngam iohi ei ei shuh na ka bynta kito ki khlur. Nga pyrshang ban peit don aiu ha lyndet kito ki khlur hyn. rei ngam iohi ei ei ruh em. Nga iohsngew kumba ki briew ki mareb shajan jong nga bad kumba u paidbah na ki dong baroh u kyntur sha nga. Haba nga iai pyn-eh ia la ki khmat nga iohi ki briew ki rah ia nga da ki kti, ki kyntiew kham shajrong ha ka haw haw bad nga sngewmuja sat ha kata ka rukom. Kynsan kynsan nga shem ba kito ki kti kiba kyntiew ia nga kim don shuh. Nga sah ha suin bad nga per kum ka sner ha sla um. Shalor shatei ym don ei ei tang ka haw haw bad hapoh hangthie nga iohi kum u shyiap suda uba jlih la kum ba la niad da ka randa. Nga kwah ban poi khyndew ban tba bad ban sngap kai ia ka madan shyiap kaba ni bad jlih bha. Hynrei ngam poi khyndew satia Ha ka jaka ba ngan hiar nga per sah khlem pynkhib ia ki kti ki kjat Ym dei tang katta hynrei nga shem ba nga her sha kiwei pat ki dong Nga iohi kitai ha jngai kiba i kum ki lum bad ki them, shata nga her. Ynda poi hajan nga shem pynban ba ym dei lum ne ym dei them. U juh u shyiap uba jlih kum uto uba nga iohi mynshuwa u tap kum u shylliah ia ki jaka baroh. Kynsan ki khmat jong nga ki iohi ia ki briew iba kat i boit ba i iaid halor u shyiap i da iehnoh shadien ki dienjat kiba rit bha. Nga kwah ban hiar bad bud ia i. Ho-oid kein, suki nga hiar jai haduh ba ki kjat kin da poi ha u shyiap. Nga sngewthamula kumta nga tyllun kai ialade halor u shyiap katno nga sngewmuja. Nga ieng joit bad nga mut ban iaid." Ki kjat ki tyrsiang bad ngam nang ban iaid. Dei ha kata ka por ba nga iohsngew ia u ryndang uba heh tip naei "sa tang katno u la nang ban iaid" Hangta nga pynch ia la ki khmat ban pelt nangno ka wan kata ka jingsawa. U jah jak u shyiap bad baroh kiba nga la iohi. Ngut ngut nget nget nga iohi pynban ia i mei, ia i pa, ia u David, ia ka Rita bad ia u Palong ba ki ieng sawdong ia ka jingthiah jong nga. Mar kumta nga iohsngew ia ka jing-pang ha ka kjat kamon. Nga pelt ia ka kjat bad nga iohi ba la sop. bad. teh kyrshan da kito ki siej. u Palong."

"Phi sngew kumno khun, pang?" Kylli u Palong.
 "Ho-oid" u jubab.

"Wat pynkhih ia ka kjat tad haduh ka por sep sngi ei ei Nga la shna bad pynbeit bha ia kito ki shyieng kiba la khein. Kin sa iadait hi satang katno eh Wat shah ioh don ba ktah ia ka kjat, phi ruh wat ktah ia ka. Wat khuslai ruh, phin sa koit. Ngan sa wan tah da kiwei pat ki dawai lashai. Mynta thiah ha jingthiah baroh shisngi bad kumba nga la ong wat pynkhih ia kato ka kjat tad haduh ban da sep ka sngi. Phi sngewthub?" U kylli.

"Ho-oid," jubab u Sonny da kaba jem.

"Te ngan feng shuwa," ong u Palong. "Bah Hori Rai Nga la leit ho. Sa ia shong baroh"

"To." Ki ia jubab lang baroh.

Baroh ki shu ia peit katba u kpa u leit on ia u Palong Ki tang shu poi habar haba ym iohsngew shuh ki shkor ka Rita ka sdang kren shit jingmut

"Ani, wow mei, nga iohi u tied da uto hi u maw ia ka kjat i Bah laisien. Nangta u sah de da ka kti."

"U khun ka Palong u dat eh thrait mo?" Ong u David.

Nga iohi na jingkhangiit Nga lynniar uba dakait unè u Palong. Kumno kein u dat ia ki briew da kumto bad u ong pat ba ka dei ka rukom shna jong u. Un pyniap ne un pynim. Dei na kata ka daw ba i Bah i iapler, Un ioh aiu da kaba u leh kumto?"

"U khad eit masi kehn, un ioh aiu heit?" Kren dom u David.

"Shi-shi-shi, Rita, David. Kane kam dei ka jaka ba phin ia kren kum kita ki ktien." Ka maham ka kmie.

"Da peit ho, lada i Bah im koit, da uto hi u maw ngan pynpait ia ki shyieng u palong" Ong biang u David.

"Mano ba hikai ia phi ia kata?" Kylli ha kmie.

"Uto kein u Palong khleh bieit," kren dom biang u David. "Ngam pat ju iohi bried, uba la kum u mrad ka juh."

"Kein katto David, ym donkam pynsaw kai ia kito ki khmat jong phi. To ngin ia khmih lynti lang ia ka jingbha. Peit shane u Palong u la kular ba u Sonny un sdang ban said hadien ar lai taiew Te balei phi law law katne katne? Lada ym koit, u Palong un ym ioh pisa " Ka batai ka kmie,

' Yn leh kumno pat ia ka jingduh i Bah, mei ?" Kylli ka Rita.

"Nga ong ngin da ia peit shuwa namar i kpa i tip bha ia kine kiei kiei. Nalor nangta phi ki khvnsab imat phim ju tip ba ka ri jong ngi ki don ki rukom shna rukom ai dawai bad ki rukom pynkoit kiba rim bajah. Hyndai shuwa ban poi ki doktor bad kine ki dawai nongwei phi tip ki sumar kumno ia kiba pang ba shitom?" Ka kylli ka kmie.

"Em. mei." Ki jubab baroh arngut.

"Kumto kumba phi iohi kein. Ki puid de haba don kam da ki syllih ne da ki tari kumto. Kane ka rukom ruh ka don la ka tynrai la jong, to kein ngin ia kyrmen ba ka ne ruh kan pynkoit ia u Sonny."

U Sonny u iohsngew kyndiang ia ki jingiakren jong ki tang um plied ia ki khmat. Haba u iohsngew ia ka jingngeit bad jingkyrmen jong ka kmie, u plied ia ki khmat bad u phai sha ka ban peit sa shisien ia ka dur ka kmie la jong kaba dap da ka jingshida.

"Phi sngew kumno khun?" Ka kylli ka kmie haba ki iohi ia u ban phai sha ka.

"Ka dang pang." U jubab bad u pyrshang ban phai shitong ka met khlem da pynkhih ia ka kiat. Um sngew kwah ia bun ktjen bad ki kumta u phai biang kumba mynshuwa bad u khabrip ngam sa shisien.

Ka jingkyndit bynriew suk, ka pynsngew pynban ia ka jingpang jong ka kijat. Suki u Sonny u dait ia la ki bnias la katta ruh u sngew kumba um lah ban shah U khapbrip tyngch ia ki khmat hynrei kita baroh kim lah pynaram ia u. U ring mynsiem shidap ka lyer bad u pynhiar pat suki. U ring biang sa shi tor ka lyer bad u pyllait phia. Em, ka jingpang ka sah hi ka juh. Um banse u leh "hm m. hm-hm" Ka kmie, u para bad ka para ki la kulmar jingmut. Ha kata ka por u wan rung u kpa bad u iohi ia u khun ha ka jingjinjar bah. U shim ia u bitor na ka miej bad u theh shiteng pela.

"Dih ia kane," ong u kpa.

U Sonny u ang shisien ang krak lada ka dei kaei kaei ruh, ka kthang ryngkat ka jingsma niut sma nier. U sngew ba ka jingiap kan kham bha pynban, te katba u dang im un nguid ia kaei ma ba ki ai Ka por kan sa wan hi ha ka ba un ym bam ym dih shuh. Shuwa kata u dei ban khublei khatduh ia baroh U iohi ba baroh sawjur ki khmat ki peit tang sha u khlem kren khlem khana. Un khublei nob mo ia ki? Em, u pyrkhath ka por kam pat dei ym don kam ban leh kyrkieh. U dang lah ban pynkhih ia ki kti, ia ka khlieh, ia ka met kaba mut ka dang bun ka bor hapoh jong u. Ka jingiap kam lah ban shu nguid ia uba dang khlain. U pynkhih ia ki tyrpeng, ia ka khlieh de shane shatai. "Ym pat dei por, nga dang khlain. Haba bthei ki dinomait ruh ngam iap, kumno ngan iap kloi katta tang ha ito i maw? Em, nga la pyrkhath bakla. Ngan im hi ban ia ktait ha kane ka pyr-thei." U ong hapoh la mynsiem.

"Mynta pat kumno khun? Sngew iarap khyndiat khyensoit?" Kylli u kpa hadien ba u la ap bad iohi ia ka jingkhih u khun shane shatai,

U Sonny u nujor la la ka jingpang ha la ka mynsiem bad u sngew ba kato kaba jur eh ka la kham duna.

"Katto katne." U jubab.

Ki ia pynbiar mynsiem lang ba la lait ksuid.

"Lada kumta," ong u Hori Roy, "khapbrip bad thiah noh. U David bad ka Rita ki lah ban leit noh. I mei in ap ia phi. Nga ruh ngan hap leit noh. Lada ka dang jur ka jingsub dih sa shisien dih ia ka dawai. Ngi kyrmen phin koit noh. Nga te nga bret nadong shadong ha U Trai Kynrad. Dei tang ma u uba lah uba iai. Un pynkhiab pat ia phi ruh."

U Hori Roy u mih noh na kamra. Wat ha ka pang ka jhia ruh ka kam kam ju ap briew. Donkam ban trei lym kumta ka sah lyngkrang. U Sonny u tip ia kata. Katto u la pang ruh um ju pynwit ia ka jingngeit u kpa. Ha ka jingshisba u ia lade ruh u ngeit kumjub. Kumta u khapbrip ngain. Em phi, u sliang um. Ka kmie jong u ka ai shi pela. U dih bad u khapbrip biang. Sa shiphang u ioh thiah jai.

U Sonny um salla shuh ia ka por. Um salia shuh katno u thiah lane katno por u peit namar ka por hi kam myntoi shuh. Ia ka baje kti lei lei u la loit la slem, naduh mynno ka kmie ka la lah set hapoh synduk. Naduh kata ka por um kwah deng baje shuh. U phong teng da ka pajama kaba kylluid bha wur wur, kawei ka soptipoh bad shi jur ki juti jain. U thiah, u shong, u iaid, u ieng bad u bam u dih ha kine ki riam bad u angewhun tang ia ki hi.

U Palong u wan ha ka step kaba bud bad u kwah ban leit peit ia u Sonny ha jingthiah. U tang shu mar ia rung u loit ia ki jingsop na ka kjat u Sonny. U peit bad u twad ia ka kjat nangta u shon da ka kti ka diang ha ka lbong bad da ka kti kamon u shim ia ka kjat u pynkhih ia ka mian mian bad kynsan kynsan u leh aiu-re da riew tbuk.

U Sonny u lynniar kat lah kat tai "Waw Palong."

La her kulmar sa kiba ha iing ha sem shapoh kamra u Sonny

"Ym lei-lei ; ym lei lei, ym lei lei" ong u Palong

"Ym lei-lei, katto ka la shong dait bha,"

Baroh ki shu ia peit sah ia u kum ia u riew kynsha. U Palong pat jai u ktha la u kwai khlem salia. U mut ban ktah sa shisien ia ka kjat u Sonny.

"Wat ktah," u hella u Sonny.

U David u tur kham hajan bad u peit ia ka khmat ba thanda U Palong.

"Te rangbah," ong u Palong. "Lada nga la ieh phi la dkoh. Na ka bynta jong phi nga dei ban ktah, ban khem ban pynbeit bad ban tah dawai de. Naduh lashai ka ngi kan ym pang shuh wat lada u iuh u hati halor ka kjat jong phi."

Baroh la kumba shoh bicit ha ki ktien jong u. Ki shu ia peit khlem da pynthut Namar ba ia kata ka rukom sumar ym don ba pei phang lada ka dei ka jingpynbeit shyieng ne pynpra shyieng pynban. Ym banse, hap ban ailad ia u Palong ba un pyndep ia ka kam jong u.

"Phi kyumaw ? Nga iathuh ia phi ba nga pyrshang ban wad kam Nga la ioh. Hynnin nga ioh ka shithi ba ki la thung kam ia nga de. Thir haei ?" Kylli phuhmat ka Sandhya.

"Ngan tip kumno ma nga ? Haba ia ka kam aiu phi wad ruh ngam tip." Ong u Sonny.

Thir ia kane." Ka kaweh ia ka jingsop shithi.

"Ap shuwa ho. Ka kam kerani, ka kam hikai aiu shuh nalar nangta ?"

"Kawei na ki."

"Hangne ne shabar ?"

"Hangno hangno ruh tang ba lait na Shillong."

"Nonghikai nonghikai skul ? Hangno ?"

"Ka dei. Hangno pat lait na shnong ?"

"Ha Silchar ? Ka bha, Congratulation. Lano phin leit ?"

"Ha kano kano ka por baroh tang shu mynjur i pa. Ha ka jingshisha nga la kloi kumne. Nge ap sa tang ia i pa namar im pat ai ktien wat lada i pynshur ia nga ruh."

- Khie leit. Nga ruh ngan kyrkhu kyrdoh. Ha ka jingshisha phi la dei ban tei ia la ka iing ban iarap ia i mei jong phi bad ia ki para de Phi la shu pynsywa ei shi-snem. Ban da dei ma nga, em, katta te nga la-kyrniom ha ban da biang la ha ka kam ne ha ka jingpule. La kumno kumno ruh phinroh por ban pynlut bad ban klet ia ki kynrum kynram baroh. Kan bha shibun ba phi sdang noh da ka jingim kaba thymmai,"

"Kaba dei tang ngam hun satia."

"Phim hun, iaei pat ?"

"Ia phi."

"Ia nga, Ah ha-ha-ha." U ia phai noh artat na ka.

"Shisha te," ka ong. "Nga da sngew shitom jingmut tang na ka bynta jong phi."

"Phi pynjinjar jingmut na ka bynta u dkoh ! Aiu phi lah ban leh ? Ban lei phi kwah pynsywa kai ia la ka bor haba phi tip ba phim lah ban leh ei ei ruh em ? Phi mut ba phin lah ban pynkoit ia nga da ki jingjinjar jingmut jong phi ? Kata te ka bym dei. Ka bym da dei. Ka bha ba phi klet ia kata. Nga kular skhem ba nga tang shu koit ngan wan wad bi ia phi. Peit shane ki bun kiei kiei kiba ngi dei ban leh bad kiba ngim dei ruh ban leh. Ngii dei ban jied. Wat sngew bakla bad jied ia kaba bha tam eh."

Te ka dohnud jong ka ka nang dap nang dap haduh ba ka sngew ba ka la shlei bad kam lah shah shuh.

"Nga la jied ia phi bad ngan ym kynran shuh la da jia kumno kumno ruh wat la nga dei ban jot ruh ngam dei shuh ban phai dien. Phi lehse tang na ka bynta i pa jong phi phi teh ia nga. Kam long kumta bad nga. Lada phi ieit shisha ia nga phin sa iohi katno nga shah tang na ka bynta jong phi. Lym kumta phin iohi ruh haduh katno ngan long lada phim ieit ia nga. Phim sngewthuh lehse haduh katno nga sngew. Phi thlia kai ialade, phi kren kai ialade bad phi khot ia lade u dkoh. Phim tip haduh katno ka thar ha nga Wat lada phi kyntait bad bret noh ia lade kum ia u stait ruh ngan hap shi hap halor jong phi."

Ka sangeh shiphang. U Sonny ruh um pyntut namar u sngew ba ki ktien jong ka ki la ktah jur.

"Mynta ngan leit hikai skul noh vm dei tang na ka bynta ia lade hynrei na ka bynta jong phi ruh. Lada kumno-re ka sorkar kam shim shuh ia phi, ngan sumar ia phi shirta. Nga ngeit ba nga la lah ban pynsngewthuh ia ki jingsngew la jong."

U Sonny u kner ia la ka kti kamon bad u syrpaia u shniuh jong ka na shadien. Dei tang kata kaba u lah ban leh.

"Peit shane Sandhya, nga sngewthuh bha ia phi." U ong. "Mynta nga dang don ha jingthiah ieh ngan sa ia kren pat ha kiwei ki por, nga mut ba ynda nga la khlain bha ngin sa ia kren bha." U sngew kumba i phiah ding i sdang ban trei kam bad pynrhem pat ia ka dohnud ba sator, tang ba um kwah pynpaw ia kata. Ka doh, kata ka met jong u, ka dang tlot bad um pat lah ban leh ei-ei. Hynrei ka mynsiem ka sdang pat ban khie im. Ka jingkut jingmut ba thymmai ban im pat bad ban khiah pat ban ioh diu pura ia ka jingieit jong ka baieit jong u, ka thnam pat hapoh ka dohnud jong u. Katba u dang peit bad syrpaia kumta, u iohsngew ba u klongnam u tied stet hapoh shadem jong u

bad ba u pdot jong u u klun shi kham ka ja bad um sngew nang leh ei ei shuh lait noh tang ban shu peit sab ia ka sat. Khatduhiawai u ong. "Ngan im, nga dei ban im tang na ka bynta jong phi. Ngan sa khlain pat, Sandhya, nga kular ba u Sonny un ym lehbein shuh ia phi."

Ka phai sha u, ka phubsamrkhie ryngkat ki ummat ha ki khmat, ka ieng kham hajan bad ka noh ia lade halor ka shadem jong u.

"Baieit," ka ong.

U Sonny um ujur.

Ka la dei ka por dih sha ha iing u Sonny. Ka kmie ka don ha iing shetja. Ka trei hi marwei bad ynda ka la pynbiang ka wanrah sha ia ki.

Ka Sandhya ka ieng joit bad ka ujur. "Balei phim khot ia nga mei phi da wan rah shane?" Ka shim artat ia ki sha.

"Sa ha iing ruh." Ka phai ktien ka kmie. "Sa ia dih ho. Nga dang bun kam." kam kwah ban pynthut ia ki.

Ka Sandhya ka ai ia u Sonny ha jingthiah. Ka i hun ban peit ba u bam u dih. Ka tyrwa ia ka bynta la jong de.

"Em, khublei shibun eh, ka dei ka bynta jong phi." U ong. "Nalor nangta nga dang don ha jingthiah. Yuda nga la koit nga la khiah bha ngan sa bam kham bun na ka kti jong phi."

Ka mynjur. Ka ruh ka bam ka dih la la ka bynta. Ka lum ia kiba sab baroh bad ka leit rah sha iing shetja. Katta por ka shnong ka thaw ka shait kynjah barabor namar ki briew ki dang iadon ha jingtrei, ki khyannah pat ha skul, dei tang ki kmie kiba don ha

ling, ki shet ki tiaw bad pynkreh ia ka jingwan ki kpa bad ki khun janmiet. Ka Sandhya ruh ka kren ia u Sonny bad ia ka kmie jong u bad ka ia mih artat ban leit noh sha la iing.

Hadien ba ka la leit ka Sandhya, u Sonny na jingthiah pang u sdang ban sngewsynei na ka bynta jong ka. "Ka la pule ia la ka jingim ba nga la pang slem than eh" U kren hi marwei marwei. "Aiu shuh kan leh ngam lah pei phang. Ba ngan ym da leit ha Shilot, ym rat da jia kumne. Ngin jin da la ia shong suk shong sain bad ka ruh kan jin da la phuh la phieng kum u syntiew ba iing jong nga Mynta pat ka bapli imat kam salia shuh ia lade ka shu i diaw sat la kum kaba la iap lok kajuh. Em ngam dei shuh ban shu thiah kumne. Nga dei ban ioh bor noh bad pynkhlairi noh ialade. Shuh un da wan u Palong lashai ngan ong ia u ba un pynkloi ban pynkoit noh namar iba nga iait i la shah slem bad i dang iai ap. Nga ruh ngam dei shuh ban pyntlot ia lade Nga la long la kum u bieit bad mynta ngam dei shuh ban long kumto, em, ngan ym shah shuh ba ki jingwit kin pyntlot ia ka jingthmu jong nga. Lashai ngan rypsied na kane ka jingthiah, em, ioh nga mynsaw pynban. Suki ngan hiar bad pyrshang iaid noh. Ho-oid kham bha kumta pynban."

Hangta hangta hi u sngew kumba u iald suki jai, u sngew kumba ki la skhem bha ki kjat bad ba ki kohoguh ia ka hukum jong u.

Hadien ba u la pynlut kumba phra bnai el-ei tang halor ka jingthiah pang, u Sonny u sdang ban trei kam pat ha Shillong. U la lah ban iald bad ka kjat jong u kam pynthut shuh ia u. U sngew ialade ba u long kumjuh kum ba u ju long hyndai. Ki jingjynjar bad ki jingshitom kiba ka met bad ka mynsiem jong u ki la dei ban shah ki la dub noh. Suki u sdang biang ban long u juh u Sonny uba dap tang da ki jingkyrmen bad da ki jingkut jingmut ba ekhem. Nalor nangta ka kyrsan kyrbah bad ka jingiakyrsan mynsiem lem ba u ioh shisien sbi taiew na ka baiet jong u

ka dei ka bor bah kaba pyndait pain biang ia ka myn-
ajem ba shynrang jong u. Ki jingartatien bad ki jing-
sngew lanot baroh kim don shuh bad ha ka jaka jong ki
ka mih ka jingangnud ban jop ia ka lawei lathai.

Ha ka shithi kaba nyngkong ka Sandhya ka thoh
ba kan pyllait por khnang ha ki sngi Robibar na ka
bynta u Sonny bad ka bat skhem ia la ka kular. Ka
thoh buk ia la ka jingieit ba kawei pa kawei ka shi-
thi bad kata ka pynkbihi sa shisien ia ki jingsngew
u Sonny. Ka kyrsoi ia ki phang kiba thymmai kumno
ba un sngew ia ka jingpang bad ia ka kamram jong
u kum u rangbah ka pynkut artat da kaba kdew ia ka
jingahiang ba ka lawei ka lah ban wallam "Katno thi-
ang kan long lada phi koit noh shen," ki dei ki ktien kiba
ka pynkut ia ki shithi jong ka. Ka hi kam tip haduh
katno ki shithi jong ka ki trei bad tei pat ia ki jing-
kyrmen jong u. Ki long kum ka thong ha pyrshah ki
khmat u Sonny bad u ruh marwei u iakhun Hadien
ka sngewthub ba u la lah ban iaid ban leit trei de,
Kata ka ai ia ka ka jingkmn bym lah ong shuh.

Ka Sandhya, nator ba ka dei kaba bhabriew, su-
ki ka kyllu long ka jinglorni bad ka jinglatuklar ha
shnong ha thaw. Ka kamram jong ka kum ka nonghi-
kai skul ka paw hi ba ki khmat kiwei pat ki briew.
Ha ka jingshisha ka dei tang ka jingleit jingwan jong
ka na iing ha skul bad na skul ha iing, ha kata ka
rukum kam ju kwah ban pynpaw khnang ia la ka jing-
bhabriew ha kiwei pat ki briew. Bunsien pynban ki
surok bad ki dong kiba ka iaid man ka sngi ki pyn-
kynmaw pat ia ka ia u Sonny bad ia ki por ba ka ju
iaid ryngkat bad la katta ruh shen shen hadien ka
long pynban ka jingring ia ki khmat jong kiwei pat.
Ka hi kam tipe ei ei ruh bad kam kwah ruh ia kaba kum
kata tad ynda ki poi ha ki tyndong shkor u Prahlad.

Ha kawei ka sngi saitjain, hadien ba la wai skul,
kawei ka khyannah kaba sab marjan bad ka Sandhya,
ia kaba baroh ki sia ka Khuku, ka la wan ia kynduh ia ka
Sandhya ha iing.

Ka Sandhya ka iashongkai bad ka ha kamra shongkai Haden ba ki la ia pur ia kane katai ka Khuku ka sei ia ka shithi napoh ka pla jong ka.

"Kong," ong ka Khuku. "Kane ka shithi jong phi."
 'Mano ba ai Khuku?' Kylli ka Sandhya, ka da kner ia la ka kti ban shim ia ka shithi.

"I ai i Bah Debo."

Ka Sandhya ka kynran noh ia ka kti bad ka kylli biang "I Debo aiu?"

"I to kein iba na Arjyapatty. I Debobrata Bhattacharyya."

"Ka shithi aiu sha? Ha diang ngan peit"

"Da pule seh" Ka ong ka Khuku ka mut artat ban ieng noh hadien ba ka la lah ai.

"Shong shuwa Khuku." Ong ka Sandhya. Ka shim ia ka shithi bad ka plied. Ka shem pynban artylli ki Cinema tiket.

"Phi ong mano ba ai ia kine? I Bah Debo?" Ka kylli sa shisien pat.

"Ho-oid" jubab ka Khuku.

"Ban leh aiu i phah ia kine?"

"I ong ba mynta ka sngi ki pyni ia ka film kaba itynnaç. Lehse phi kwah ban leit."

"Oh, hynrei ngam ju leit cinema shuh. Ngam don jingsngewtynnad ei ei ruh em ban peit cinema. Ka bha ba phi pynphai noh ha i. Namar ngam donkam ia ki."

Hangta ka Khuku ka sngew kumno re jalade ba ka wan ai tiket cinema. Sdang kiew sa ka jinglehrain.

"Nga sngewsih ba ngam tip ba phim ju leit cinema. Ba ngan da tip ngan ym rah satia. "Ong ka Khuku.

"Ym lei lei, sngewbha pynphai noh ia kane. Da ong ba ngam ju leit cinema shuh bad ngam donkam ia ki.

Tuin ka ieng ka Khuku, bad ka mih noh.

Ha kawei pat ka sngi ka Sandhya ka mih na skul kumba ka ju leh hadien ba ka la pyndep ia la ki kam. Hadien katto katne por ka iohsngew ia ka jingiaid sted ki kjat briew naden jong ka. Kam shym poi pyrkhat ei ei tad ynda ka iohsngew ia ki jingkren.

"Kong Sandhya."

Ka phai wak bad ka iohi pynban ba uwei u khynnah shynrang u rkhe rymmuin.

"Phi kren ia nga?" Ka kylli.

"Ho-oid," u ong. Lada phim sngew ei ei tang shi-minit."

"Balei?" Ka kylli.

"Nga kwah ban ong,"... u ong.

"Phi dei i ei? Ngam ithuh ia phi." Ka ong.

"Ym da donkam eh ia kata" U ong. "Ha kato ka sngi, nga phab ar tylli ki tiket. Ngam tip ba phim ju leit cinema shuh."

"Oh, ho-oid," ka kum ong. "Ito i khynnah i wan ai, tang ba naduh ba im don shuh i kong nga la kein noh ia kito ki kam sngewbha baroh."

"Nga sngewsih ba ngam tip ia kata."

"Ym lei-lei."

"Nga kyrmen ba phin ym sngew ei ei. Namar nga shu sahnud sah ba nga la kum leh bakla."

"Phi mut ban ong ia kata! Ym lei lei. Nga la ong ym lei lei. Namar ba phim tip." Ka jubab bad ka sdang ban jam.

U laid ryngkat bad ka bad u ong artat "Em." "Nga mut ban ong ba ioh phi kren kumno kumno pat lashai lashisngi."

Ka sangeh kheh.

"Phi dei i Debo mo?"

"Ho-oid" u ong.

"Nga la lah bthah ba ito i khynnah ba ngam donkam ia kito ki tiket. Te ngan ong aiu pat ia phi? Ngam don ei ei ban ong"

"Kata ka dei ka jingsngew jong nga."

"Nga la lah ong ba ym lei lei. Kaba la dep, ka la dep Ngam don ei ei ruh em ban kren ia phi."

"Nga la sngewhun ba phi la ong kumta."

"Te to kein katto. Nga donkam ban poi iing noh shuwa ia ka saw bajc. Nga kyrkieh." Ka phai wak bad ka iaid stet.

U Debo u shu ang.

Ka Sandhya kam poi pyrkhath ei ei ka mut ba kaba la dep ka la dep hi kumto. Ka pyrkhath ruh ba lehse ka bha ba u Debo u da tip ia ki jingmut jong ka. Namar ka lah ban dei tang ka jingbymtip jong u kaba pynlong ia u ban phah tiket ia ka Nalor nangta i dei i ei ei iba ka khein ba i long tang i shi saphit bad i bym da donkam ban ia pynleit jingmut. Ynda ka poi ha iing ruh kam sngew dei ban iathuh ia ka kmie. Kumta ka trei ka ktah, ka iarap ia ka kmie ba ki kam iing kam sem baroh kumba ka ju trei man ka sngi bad ka pynkhreh kot ia ki para baroh.

Ha ka sngi saitjain kaba bud ka mih biang na skul kumba ka ju leh tang mar shu iadep la ka kamram la jong. Ka iaid na Gandhibagh na ka surok kaba kham kynjah bad ka kynmaw ba ha ki por shit teng teng u Sonny u ju ialam kai ia ka ha kata ka kper. Shuwa ba kan khun noh sha Bungalow Road ka sngewthub ba arngut ki khynnah shynrang ki bud ia ka nadien ryngkat ka kluk-kluk klak klak ba ki ia kren shait para ma ki hi.

"Shim kane ka tiket," ong uwei.

"Ynnai phi, ngam ju leit cinema shuh mynta." Jubab uwei pat.

"Shim mo ong. Kaba itynnad te me la shibit."

"Nga la ong ba ngam ju leit cinema shuh te. Nalor nangta i mei bad i pa rub kim angewtynnad ia nga ba ngan leit cinema."

"Shish, me la nud sat hi. Me tharai ngam iohi seh ia me ha cinema."

"Ngam ju leit shuh te. Phim ngeit?"

"Me tharai ngam iohi ia me. Bad uto u Khasi pat de me leit man la ka por du lih."

"Nga iathuh ia kaba shisha, Naduh ba im don shuh i kong ngam ju poi shuh."

"Kumno me ong khun ka khlemrain? Pbuit! kam lehrain. Ka kren la kum kaba hok eh. Bad uto u Khasi pat nga i la kumba phan iap noh hi khlem poi cinema. Pbuit!" U tla.

Haba ka Sandhya ka iohsngew ia kine ki ktien siat pharsbi, ka kiew ka jingsaw kyrang ha ki ngah jong ka. Shisien arsien ka phai bad peit dom ia ki. Katba ka nang leh kumta, kita ki nang ia tim bad kynphuit na shadien. Hangta ka kiew sa ka jingbitar ka da mut ban thap ia ki Hynrei kam nud Sa shiphang ka mih ka jinglehrain ba iohsngew sa ki briew. Kumta ka wad riksho ban ioh her kham stet ban lait ka jingkren khlemakor jong ki briew kiba sniew.

Ka iaid pynstet haba ka iohi ia ka riksho kaba thylli ba ka ieng kham ha pajih. Shuwa ba kan poi katai ka la lah iaid. Ka kiar noh ia ka surok kynjah bad ka iaid beit beit shaba bun ki briew. Kita kiba bud ki kham pynauki noh bad ym iohsngew shuh ia ki. La kumta ruh ka Sandhya ka kem da ka riksho bad ka phet bak sha iing.

Ka tang shu poi ka loit buk hak ia la ki jain bad ka shong bhok ba ka shuki ban pyrkbat ia kiba la jia baroh. Ki jingjia kiba lyngkot muk mak la kum ki jingkylliap ki niuhmat hynrei ki kjap bad ki thar ia ka dohnud jong ka.

"Ka shnong aiu kum kane? Ah! ba ngan da ai shi thap mynhyne, kin jin da la sngewthub, ki briew aiu kum kito ki bym don rain don rem."

Ynda ka pyrkhat bha pat ka sngewthub ba kan ym lah ban thap ia ki shyrang. Kam don bor. Ka dei tang ka kyonthei kaba la kha ba ka dong jong ka pyrthei kaba la pyntlot lypa ia ka bor jong ka. Kan myntoi aiu ban thadrong kai ia lade ha khmat ka pyrthei lorni. Lada kan ym mih shuh na iing, lehse ka lah ban lait na ka jinglorni iong ki briew kiba jler thylliej. Kumno pat kan leit hikai? Dei tang ia ka mo ba ka pyrthei ka imat! Imat dei tang ka riksho kaba lah ban pyllait ia ka.

U Prahlad u dei u pakha jong ka Sandhya namar u dei u hynmen jong u kpa jong ka. Une u briew um hun satia ia ka jingkylla niam u Bharat, wat la shisha u la ioh lut khoit ia ka spah ka hajar jong u kpa u Bharat bad kata kam dei satia ka daw ban khang lad ia u pyrshah ia u Bharat. Ka kham pynshlur pynban ia u na ka jingjia ba uwei u khun badon-baem ki briew u ibha iap ia ka Sandhya, namar kata kum u kpa kha u kwah ban pynbeit hi da lade. U tip ba ia ka Sandhya la pyniateh bad u Sonny hynrei um salia satia ia kum kita ki kamrit kamria ki bym myntoi. "Nalor nangta" u pyrkhat "ka dei ka kam iing kam sem."

U Bharat u don ha Silchar ha ki por shuti puja bad u Prahlad u rung ha iing jong u ha kawei ka janmiet. U Bharat u pdiang sngewbha ia la u hymmen kumba u ju leh ia u bad shen baroh arngut ki ia shongkai hi ha kamra shongkai Hadien ba ki la ia kren la kane katai kynsan kynsan u Prahlad u ong "Ka don kawei kaei kaei kaba nga hi nga lehrain shibun na ka bynta jong me."

"Kaei kata? Balei phim iathuh la nga?" Kylli u Bharat,

"Me, te imat mem ju pyrkhat ei ei ruh em lait noh tang ia ka jingbit jingbiang la jong."

"Phi mut ia ei, phi thew ia ei ? Balei phim iathuh ia nga lada don shisha kata kaba pynlong ia phi kumta ?"

"Lui lui, he." Ong u Prablod "La kum ka paro Me leh aiu ia ka Sandhya ? Tang namar ba me la long khristan me kwah ban ring lut ia ki Acharjee ban long ki khristan. Me uba haram ia ka jingngeit u kpa bad ka kmie jong me katno kaba sang ha pyrtnei ?"

"Ap shuwa bab," ong u Bharat "tang shi minit. Nga kwah ban kylli kawei ka jingkylli Lada nga la leh bymdei ia ka iing ka sem jong phi ?"

"Leh bymdei, balei ? Ka pap. Me te uba da khlem-rain palat. Me la pynlehrain ia ka iing ka sem ba ban da biang bad me la iuh hapoh ki kjat ia ka rukom ba ngi niewkor. Dei ma me uba pyntngit bad pynbyrsieh ia la ka jait ka kynja."

U Bharat u la sngew salia.

"Phi mut aiu bab ? Phi dang dawa hi ba ki khun jong nga ki dei ki jong phi ? Kim dei ki Acharjee. Nga la kyntait ia kata la slem. Phi dei ban sngewthuh ba ngam dei shuh u Acharjee. Ka kyrteng jong nga kadei u Bharat Chandra bad baroh ki khun ki ksiew jong nga ki dei ki Chandra."

"Sngap jar me, Me dang nud ban kren kumta Baroh ki khun jong me ki dei ki Acharjee."

"Kim dei. Ban lei phi pynsalia ia ki, phim kynmaw ba nga la tang lut phar ia ki jingiadei baroh bad ki Acharjee. Ka nam ka burom bad ka spah ka bajar ki Acharjee kam dei shuh ka jong nga. Ngam dei shuh u kur jong phi lada phi mut ia kata bad ki khun jong nga baroh ki dei ki Chandra. Kim don jingiadei ei-ei bad phi."

"Me shukor biang sa shisien. Baroh ki tip ba ki dei ki Acharjee bad me u Sarat me ong ki dei ki Chandra. Mem lehrain ia lade ba me tait ia la ka

ling ka sem ka jaid ka kynja kaba la pynlong ia me kumba me long kumoe?'

"Ha nga hi, ngi la ia pynbeit ia kane la slem bah, ia ki khun jong nga ruh kumjuh. Lada ki kwah ban long biang ki Acharjee, ngam khang. Ai kin jied katba ki mon ynda ki la san la rangbah. Ynnai pynsalia kai ia lade. Mynta hi ki dei ki Chandra."

"Ka nia aiu kum kata?" Khot ia ki katba me mon tang ba ka snam ki Acharjee ka dang tuid ha ki thied snam jong ki." U Prahlad u pynkylla pat ia ka jinghren. "Sarat, nga iohsngew ka hamsaia aiu re. Kaba shisha mo ba me mut ban pynshongkurim noh ia ka Sandhya?"

"Ka la iatchktien." Ong U Bharat.

"Lano bad kumno men pyniathoh?" Kylli u Prahlad.

"Ngam lah ong, lehse ba kano kano ka por baroh."

"Nga kylli kumno men pyniathoh?"

Ngim pat ia rai. Ka lah ban long ha iing kashari ne ha iingmane."

"Sa shisien pat me kaw kaw ia ka iingmane. Peit hangne ka Sandhya ka dei ka Hindu bad ka dei ban shongkurim kat kum ka niam ka rukom jong ngi hi. Me sngewthub?"

"Nga ong naduh mynno phi dabi ba ki khun jong nga ki dei ki jong phi. Mynba ka iap ka Nilima, phi don hangno? Phi la ju dawa ia ka niam ka rukom ki kur? Hangno phi don mynba ka ling jong ngi ka don hapdeng ka jinjar bah? Mynta ba ngi la lait phi ong ba ka Sandhya ka dei ka kur jong phi. Kam lah ban long. Haba da lei lei ruh em. Nga dei u kpa bad nga tip kham bha ia la ki khun. Ka suk ka sain bad ka jinjar ka shipa jong ki ka dei ka jingkit jong nga. Ym donkam ba phin pynsalia ia lade."

"Kumno me ong? Ngam shym wan hangne kum u nongwei. Ka Sandhya ka dei ban shongkurim ia u

bramon kat kum ka rukom ba kyntang jong ngi. Ngam don por mynta ban sngap ia ka balia jong me. Ngan sa wan pat ha kawei ka sngi ban ia pynbeit ia kane." U leng joit bad u sdang ban jam stet sha ka jingkhang.

"Khublei shibun," ong u Bharat "phi lah ban wan ha kano kano ka por."

Ka Sandhya ka jobsngew ia ka jingiatuklar jong ki bad ka da pynshahshkor khnang jia aiu ha kamra shongkai. Ym dei ba ka angewmuja ia ka jingiatuklar jong ki hynrei dei namar ba u ryndang u Prahlad u sawa ia ka iing ka sem baroh kawei bad ki khynnah ki iatleng. Marwei ka Sandhya ka syntip sha kamra bam kumta ba kan lah ban iarap bad iada ia u kpa lada kano kano kaba sniew ka jia. Ka sngewdom ia u Prahlad bad ka sngew synci ia u kpa. Ia ki jing-sim ia ki jingmai bad jingkynnoh bein donkam ban shah ha kum kita ki por bad namar ba ka dei ka kynthei kam nud aireng ha khmat u kpa ioh shah kynnob ei ha ki briew. Kumta ka sngap jar wat la ki ktien u Prahlad ki dait bad ki meh ding katno katno ruh.

Ka pyrkhath ba kin shem jinjar lada ki sah sah ha Silchar. U Prahlad, u pasan jong ka, u lah ban kynroi. Em, ym tang katta, ka shnong ka thaw baroh kawei hi ka dap tang da ki khynnah runar suda. Ki kuro iashoh ia dat ruh kito ki kuro tuh kuro thiem ruh kito hi. Lajan man la ka dong ka don la i jong i kynhun bad la ki nongielam. Kine ki khynnah ki pyrthuh beit thik ia kaci ma ba ki para khynnah ha Kolkata ki leh.

Ka jingpyndonkam ia ki tari bad la ki dakar haba sah ingytyrkhong bad ban kjit ia ka mynsiem briew na ki sakhi satar ka pynshalong ia ki riewpyrkhat. Ki nongbat aja batkanun kim sngewthuh da kumno ban leh ia kum kine. Kim lah satia ban pynsaja ia ki namar haba kem ia ki mih ki jingmaham mih ki lyman ban pyn-tjeng ia ki. Ki riew tipbriew tipblei pat wat la ki kham bun paid ruh ki rit mynsiem pynban. Eh ban ioh sakhi bad

ki jingbisha kim lah ban ai saja khlem nongrim. Nalor nangta ka jingkhiih ban kyntiew ia ka ktien la jong ha ki orliang wah ka Brahma ka pynkhiih bitar ia ka shnong ka thaw. Ki dakait ki riech hapoh ka syrngiew ka ktien la jong bad kynnoh hangta ia ki kam runar ruser baroh.

Ki tymmen ki san kiba la im hapoh ka jingsynshar ki phareng ki khnum bad ki kwah bir ba ki sngi ba rim bajah kin wan pat. Ki kynmaw ia ka jingshida bad ia ka jinghok ka longbriew manbriew bad ia ka jingbeit ka synshar khadar. Baroh ki kama kajih bad ka jingim pat ka suk. Ym ju don ba nud lehkhlemrain ia ki kynthai khynnah mynmiet myniong, ym ju don ba nud maham shoh maham dat bad ka kam tuh kam pyniap ka dei ka kam ki mynder. Ki samla pat ki rkhe bein ia ka jingbiert ki tymmen kiba kwah pynlut kai ia la ki por ha kaba phohsniew ia ka juwar ka jinglongmraw.

Ka Sandhya shisien ka la iohi ia ka jingshoh bein ia uwei u khynnah. Ar ne lai ngut ki khynnah ki ring ia uwei pat u khynnah na surok bah sha i lynti rit bad hangta ki ther ia u bapli marwei. U khynnah u iam u lynnai bad u pan map. Kiba said ba ieng nangta kim nud ban pyniakhlad. Ki shu ia peitkai. U paidbhur arphew laiphew ngut u tieng pyoban bad u ia ieng na kham pajih. Ynda la jur ka jinglynnai ki phet noh ba ioh jia kano kano kaba sniew.

U Bharat ruh um hun satia. U la shu pynjwat ia la ka jingiaishah slem. Um kwah ba ka jingkhong khong kan paw ha khmat u Prahlad bad u pyrshang ban long uba thanda jai. Ki jingkynnoh u Prahlad ki iai sawa ha ki jingsniew jong u tad haduh ba ha kawei ka khyllipmat kumba u pyrkhath jylliew bad um tipbriew shuh bad ha ka wei pat une u la kyndit bynriew. La katta ruh u bam ia la ka jamiet kumba u ju leh barabor.

Ka Sandhya ka peit thuh bha ia la u kpa bad ka sngewthuh don aiu-re ha ka jingpyrkhath jong u. Hadien ba ki para jong ka ki la leit sha la ki kamra, ka sdang ban pynkhuid ia ka miej bamja.

"Pa, ka bha ba phi leit phai noh sha Shillong." Ka ong.

"Balei ngan kyrkieh ?" Kylli u kpa.

"Ki briew hangne ki sniew jinglong palat bad ki kwah tang ban ia kajia."

"Ha Shillong ruh kajub hi."

"Ki kham bha shibun. Nalor nangta ka dei ka shnong ki laiphewjaid bynriew bad duna shibun ki jing-sngew kum kine."

"Em," ong u kpa, "Phim sngewthuh."

"Pa, kin ym sngewthuh ia phi hangne Kam dei shuh ka Silchar jong ki por jong phi Ka dei kaei kaei kaba dang thymmai ha kaba ka kot ser ka dei ka jubor."

"To kein noh katta. Ka jinglehjubor ka don la hang-no hangno ruh. Imat ka dei ka juk. Ngam tieng ia ka. Mano ba tip lehse ngi dei ban tur lyngba ha man ba ngi jam."

"Hato kam bha mo ba ngi kiar ?" Ka kylli. "Ha kine ki bnai ba la dep ngi iohsngew ba katto katne ngut ki briew ki leit pyngkulmar ha hospital ha kawei ka janmiet. U doktor u telephone ia ki pulit. Ki pulit ki leit hangta. Ynda kita ki briew ki iohi ia ki pulit, uwei na ki u leit beit beit sha ki bad u ong. 'Bah Habildar ka bha ba phi her krad nangne' u pyng artat ia ka shaku ba u thep ha pla shadem. Khlem tiar, ki pulit ki hap kynriah. Ym don ba kwah ban pyndem ha khmat kiba kum kita ki nonglehjubor, namar kata ka bha ba ngi kiar."

U Bharat u kap jlang shiphang. U pyrkbah shaphang ka khun la jong bad ia kiwei pat kiei kiei. "La lah jia lypa artylli kiéi kiei ki bym sngewtynnad, um kwah shuh ba kan bud sa kaba lai. Ka jingkiar ka dei ka lad kaba bha tam. Yn jia kumno pat lada jia ba u langam lang ha ka iashoh iadat. Khatduh iawai u pynghiar mynsiem bad u ong. "To kata ngan da pyr-khat. Hynrei ngi kiba shong ba ka suk ka sain ngi kwah ban pyndam ia kine ki jingleh jubor na ka ri jong ngi."

"Ka dei ka jingkwah jong uwei pa uwei. Wat ki khynnah dakait ruh ki kwah ia kata."

"Ki dei ban burom ia ka ain ka kanun bad ia ki hukum jong ka ri lynda kumta donkam ban pyn-nang ia ki ban burom ia ki ain jong ka ri."

"Ki samla ki pyrkhat da kumwei pat. Ki pyrkhat ba ka ain ka dei ka jingteh musorka ban pyndem ia ki wat la hapdeng ka jingsniew kaba katno katno ruh. Ki don la ki jong ki rukom ban pyntieng ia kiba halor."

"Kaei kein kaba ki samla ka juk mynta ki kwah?"

"Kata ka dei kaei kaei kaba eh ban ong namar ym don ba sngewthuh ia ki. Kaba ki kwah baroh ka dei ka jingim bad ka jinglait na ki jingma jingmysaw jong ka jingim. Kata ka mut ki kwah ban nang, ban tip ban trei ban ktah, ban bam ban dih bad ban shongthait. Ki kwah ban tei ia ka longiing longsem ban suk lawei lathai. Hynrei ki shem ba mynta hi ki dap tang da ki sniew jing-long ba jakhia. Na sdang ha kut tang ka peisa kaba lah duh. Ia baroh ki lad jong ki kyrdan jong ka nam la khang lut ba kim don lad satia ban pynpaw ia la ki dor."

"Khun ka, mynno ki iohi ia ka jingsniew jinglong jong nga? Don kiba lah ban kdew ba nga la ju kner ia la ka kti ban kbia ia ka jong kiwei? Lah ban don shisha kum kita ki briew bad donkam ban phasi lut ia ki ban pynduh kum ia kata donkam ban jynrat na dyngkhong hi khait. Ka sorkar ka peit ia kum kata."

"Ka Sorkar ka peit hynrei ki briew pat kiba bun ki iohthiah lyngngai. Ym don ba salia, uwei um khein ia uwei pat katba ka jingsniew ka nangroi. Kaba kum kane kam lah ban duh, ha ka jingshisha ka nangroi bad ka nangsang."

"Te aju ki samla ki pyrkhat kum ia kata?"

"Dei ban pynduh. Lada ki lad kiba ngi don kim lah ban pynduh ngim dei ban aili wat lada dei ban pynliem ia kane ka juk mynta ruh ym pher. Ngin tei da kawei pat kaba hok; kaba laituud bad kaba lah ban shaniah."

"Pynlem be, ani! Nangno ki samla ki ioh kum ia kata ka bamut. Kata te ia kumba ther da ki hy-drogen' tem ia ka ri baroh kawel Hato phi tharai kata kam dei kaba kham sniew shuh kat haduh ban da pynjot ia ka longbriew manbriew u mynta. Peit hangne ngi burom ia ki samla namar dei ma ki ki ban shan ia ka longbriew manbriew lashai lashisngi hynrei ki jingpyrkhat kulmar jong ki kin ym lah ban kot hangno hangno ruh."

"La kumno kumno ruh pa ka bha ba ngi mih noh nangne. Ngin lait na kine ki jingjinjar."

Ka Sandhya marwei ka muja ba ka la pol biang ba Shillong la kumba lait na ka jinglong mraw kajuh. Ka sngew ia kumba baroh ki saiteh saikhum ki hap ba na ki kti bad na ki kjat jong ka bad ka dap da ki jingkyrmen suda ba nangta artat kan sa lah ban leh ia kaba ka da mon hi. Ym artatien ba ka la phoh-sniew lpa ba kan sa leit phai biang sha ka jaka ha kaba u don u baicit jong ka. Namar ba ki sngi kiba khatduh lymne ka kam ne kiba ha ling jong ka ki lah ban pynshlur ba kan dang sah ha shnong, katba ka pat ka mut tang ia u Sonny. "Lehee" ka pyrkhat "dei tang ma u uba da sngewthuh shisha ia nga."

Ha kito ki shipor arpor ba ka shong jngai na u ka sngew ia lade kumba ka don hapoh ka jylli ba khlem trai, kata ka mut ba ka angnud sah ia kaba bha khlem ka bor ban pyrsang. La ker kut ia ka hapoh shnong da ki khmat lorni sada bad kam nud satia ban ieh ia kano kano kaba ka mon ioh ka kum ryngkang ia u pud u sam ka akor ki briew bad ka wallam pynban ka jingiehrain ia ka ling ka sem.

Haba u Sonny u leit wad ia ka ha ka sngi kaba bud kam nang kren shuh ka shu wiat samrkhe sah fa'u. U shien ia ka kti ban khublei katba ka dang wiat ia u. Ka tip ba la slem ka la khmih lynti ia ka khyllipmat kaba kum kata, marwei bad u ban khlei lut phar ia la ki jingjinjar jingshtom ba ka la lah shah.

"Ani, wow! Phi la lah shah." U ong,

"Dei tang na ka bynta jong phi. Nga im ruh tang na ka bynta jong phi hi." Ka phai ktien.

U Sonny u shahshkor ia ki jingshem jong ka bad yn da u la sngewthuh bha u kular ba kan ym shem shuh kum ia kita kiei kiei.

"Ieh ia ki ha nga. Wat pynshitom ia lade. Pynaram shuwa ia la ki jingmut jingpyrkhat, phin ym lei lei bad lada jia kumno kumno ngan sa pynbeit bad pyajlih hi ma nga"

Ka Sandhya ka sngewhuan ha la ka mynsiem ba ka la iathuh lut ia la ki jingleh bad jingjinjar mynsiem ha u briew uba sngewthuh ia ka.

Haba u kylli "Aiu shuh baicit? Kaci pat ba phi kwah ia nga ba ngan leh?"

Ka wiatsamrkhie bad ka lehrain artat "Phi kular ban shongkurim ia nga. Lano bad balei phim kham pynkloi noh?"

"Ban lei phi kyrkieh than? Ngin sa ia pynbeit pat namar mynta hi ki jingbatai bad jingsneng kyntu u doktor ki kham kordor ia nga bad ia phi. Ia mynta hi ngin pyrsang ban im ha la ka rukom: Nga kular yn ym don ei-ei shuh ban pynwit na ka liang jong nga lait noh tang ka jingieit bad ka jingsuk."

U Sonny um pat ju feit ia ka kumba u ielt ia ka hynmen jong ka. Ha u hi ka Sandhya ka dei tang ka lad ka jingbit jong u. Naduh ba sdang hi u don i jingsngew na ka bynta jong ka. Baroh ngi don ka jingsngew bad ka jingsngew ka leh ban ym dei ka jingieit. Ka jingkwah ba jur ka dohnud ban iasnob bad long kawei ka duna. Lada u la jah slem na ka u lah ban klet ruh.

Mynta pat ka pher. Ka por ka la pynkbiah ia ki soh khilang ka met jong u. Nalor nangta l pliah ding ia iba ka Sandhya ka pyrsad lyngba ki shithi jong ka ila sdang ban rhem ha ka dohnud jong u haba ka theh lut ia la ka jingieit bad ka pynkynmaw pat ia u ia la ki kamram kum u briew la uba ka shaniah, uba da palat liam ia ki-

wel pat, tang ma u hi, u syiem bad u blei. Haduh ba ki jingeh ki jingshitom jong ka jingim kim long ei ei ruh em ban iapyrshang bad ka jingieit jong ka briew kaba shong ha syndah jong u. Dang don hi mo kano kano kaba um lah ban leh na ka bynta jong ka ? Kiei kiei baroh ha pyrthei ki i jem, ki diengpynkiang kin ym lah satia ban khang ia u. Shisien ba u la ksaid u lah ban pyndep ia baroh phar. Ka ding kaba rhem ka bur bad ka ing.

U Sonny u tip ba ka la ap ia u la slem. Don ki bym lah ban shah ia ki juh ki jingeh kiba ka la iakynduh, hynrei kane ka khyannah, em, ka kynthai kaba hajan jong u ka la thom ia ki jingeh baroh bad mynta ka shong ha syndah jong u. Don jingnia kaba kham palat ban ia ka ba ka la shah ?

Ha teng ki mih ki jingsngewthuh bakla, hooid teng teng i kumba kam salia bad kam pynpaw ei ei ruh em lait noh tang ka khmat bym khein briew. Ka hi ha lade ka sngew ia ki jingmong haba ki khmat jong u ki sam lyngba. Hato ka pyrthei kam long lang kumjuh ? Janai, da shisha ka ktien ka don kaba kum kata hynrei ban wad ia ka jingjanai ha ka pyrthei ka bym janai ka long ka ba jinjar. Kata ka dei ka maian jong ki jingsngewthuh.

U Sonny namarkata u phuh samrkhie kyliang bad u ong "Khie khreh noh, mynta ka dei ka Robibar. Ia ngin ia iaid kai noh."

Shisien ba ki la mih ha surek, ki klet lut phar ia kiei kiei baroh. Kim sngew iaei iaei ruh lait noh, tang ia ki hi U Sonny u phai sha ka Sandhya bad ka Sandhya sha u Sonny. Haba ki khmat ki ia kynduh ki iarkhie bad iarain hagdeng jong ki hi. Ki iakren shibun kiei kiei hynrei kita baroh ki long tang na sla bad ki bym don jingmut ei ei ruh em. Haba da kumwei pat, ki dohnud jong ki ki ia phylliew mynsiem da ki kyrwoh kiba tang ma ki hi ki sngewthuh. Bun bah ki briew ki iaid lait ia ki, ki kali shaneng sharum ki iaid lait, ki ruh ki laid lait ia ki surok, ki jing ki sem bad ki dukan ba khang khyrdep. Ba kumta lymne kiba khie ne ba par ne ba ieng ki pynwit ia ki. Kaba ki sngewhun ka' long ba ki arngut sa shisien pat ki

ialaid lang ia ki surok kyllain ka Shillong bad ki da sngewsarong ia kata.

Sa shisien pat ki poi ha Golfink, kaba long ka bneng jong u Sonny kum u dkoh. Tang ba ka pher bat na ka sien kaba nyngkong, namar ba ka dap da ki briew suda kiba ialehkai, kiba iarkhie bad kiba ia-kyrkait. Ki khyannah ki iaher, ki samla ki iaiaid pawang, ki tymmen ki labam lyer bad ki myllung ha la ki jingphohsniew. Baroh ki iadih na ka khuri jong ka jingmuja jong ka janmiet ba pyngngad.

"Haduh hangno ngin la leit? Ha kajuh ka jaka? Peit, katai ei hangtai ish i thiang." Ong u Sonny.

"Em, ngan ym leit haduh hangtai. Ngin ia shong noh hangne." Ka ong.

Ki jied ia i jaka iba kham san khyndiat u shong shuwa u Sonny. Ka Sandhya ka pynbeit ia la ki jain bad ka shong ha syndah jong u.

"Peit ia katai ka jaka seh, phi iohi? Haduh kat-no ki ithiang." U kdew artat. "Nga pyrkbat phin leit bad nga hangtai."

"Em, baieit, phi ur bad phi tyllun hangtai. Ngam lah ban shah. Ngam kwah ruh ba phin ur sa shisien."

"Kumno ngan dang tur? Ngam dei shuh u dkoh. Nga la koit nalar nangta phi don hajan jong nga."

"Phi lah ban isih ia nga sa shisien. Ngam kwah ruh ba phin isih ia nga."

"Phi dang kynmaw, mo. Nga la leh bieit. Nga beh ia phi ym dei?"

"Phim lah."

"Kaba dei. Ngam lah namar ba phim shahshkor ia kaei ba nga ong"

"Nga shahshkor bha tang ba ogam kwah ban kohnguh ia ki hakum kiba bakla."

"Phin ym ioh shuh ia ki hukum kiba bakla. Ngan ym beh shuh ia phi lano lano ruh. Nga icit ia phi bad ngan iai icit junom."

Ka peit la ki khmat jong u bad ka tip ba kaei kaba u ong ka dei kaba shisha. Ka phai biang ban peit la ki rup ka mariang ka iohi ba ki briew saw-dong ia ki ki don hangne hangtai, kiba iaid ruh kito kiba shong ruh kito bad kiba ialehkai ruh kito hi. Ka ia lade ka kham pyneyndait sbak ha syndah jong u haduh ba ka jingsyaid jong ka met jong u ka par ba ka met jong ka de. Ka sngewtyonad ka muja bad ka kmen ha la mynsiem. Ka jaka hi kaba i hun, ka jingiaid jingieng bad ka jingshongkai ki briew kaba itynaad la kumba ai rong ia ka mariang.

U Sonny pat u kan shiphang jlang ba u phoh-snew ia ka pyrtbei kaba itynnad. Ka don la ka dor ban im ha ka pyrtbei Ki jingmut jingpyrkhat kiba paw ha u ha ka por ba u pang u shitom ki la leit noh, te u ruh u dei ban kylla bad ban loh da ka jingmut ba thymmal. Katba u dang pyrkhat ka por ka iaid bad ki briew nangne nangtai ki sdang ban khih ba la dei ka por ban leit phai. Ter ia ka surok la kum u kynjri ba khih suki ki briew ki iaid.

"Baieit, nga tharai ka por ka la biang ba ngin leit noh. Ka jingai te." Ong ka Sandhya.

"Ngam shym poi pyrkhat ia. Ngi ruh ngi dei ban leit." U ialam artat ia ka lyngba ki briew kiba dang ia leng hangta.

"Ani," ka ong.

"Kumno phi sngew?" U kylli u Sonny.


"Nga sngewsuk." Ka jubab.

"Phi sngewsuk kumno?" U kylli biang.

Ka Sandhya ka peit sah ia ka khmat jong u bad ka wiat samrkhele. Da kumno kan batai ia ka jingsuk ka mynsiem.

"Ngam nang batai, nga sngew hun sat. Te lano pat ngin shong ryngkat?"

U Sonny u peit sha ka jingshai ba khatduh ka bneng bad u ong "Ia ka jingkwah i pa yn aa pyndep."



Ki Kot da u juh u nongthoh

- 1. Kam Kalbut**
- 2. Ka jingkwah u Kpa**
- 3. La bakla**
- 4. Khublei Ghaspani**
- 5. U Ken bad ka Bono.**